

رواية كبرياء اعمي كاملة
الرواية بقلم الكاتبة شيمو



تم تحويل الرواية الي pdf بواسطة موقع

ايجي فور تريندس

Egy4trends.com

Egy4trends.blogspot.com

كبرياء اعمي

shimooelwady@yahoo.com

أدهم: مهندس كمبيوتر وبرمجه صاحب
شركه من اكبر شركات الكمبيوتر (وسيم
وطويل وصاحب جسم رياضي عنده ٣٣
سنه)

ليلى: بنت جميله جدا وفقيره جدا اتخرجت
من الجامعه بالعافيه بتشتغل في مطعم
علشان تعرف تصرف علي امها وجوز امها
وبتشتغل من صغرها وعندها ٢٣ سنه
(بيضه وشعرها اسود وطويل وجميل وكل
حاجه فيها حلوه)

سهيله: صديقه لعيله ادهم من زمان

حمدي: ابن عم ادهم وديما بغير منه

وبيتمني يبقي زيّه

كريمه: ام ادهم وبتحب ابنها جدا واهم حاجه

عندها في الدنيا انها تجوزه وتشوف عياله

نبدأ قصتنا

في شاليه بعيد في الغردقه ادهم قاعد في

بلكونته اللي دافن نفسه فيها علي طول

ومش بيخرج منها الا علشان يروح يكمل

حبسته في اوضته ...

كان يوم جميل جدا. الشمس هاديه والهواء

تحفه

الجمال ده كان حواليه بس لكن هو مفيش

جواه غير مرار وبس

فجأه وهو سرحان:: اد ايه المنظر من هنا

يجنن يا بختكم بالمنظر ده!!!

أدهم: أيه ده؟ أنتي مين؟؟ ودخلتي هنا

أزاي؟؟

الجزء ١ ShiMoOo

+

غير مصرح نسخ القصة+

وأنا المؤلف ونشرتها من سنتين وزيادة علي

صفحتي خطوات هادئه+

+shimooelwadyyahoo.com

الحلقه الاولي

كبرياء اعمي

ابطال الروايه

أدهم: مهندس كمبيوتر وبرمجه صاحب

شركه من اكبر شركات الكمبيوتر (وسيم

وطويل وصاحب جسم رياضي عنده ٣٣

(سنه)

ليلي: بنت جميله جدا وفقيره جدا اتخرجت

من الجامعه بالعافيه بتشتغل في مطعم

علشان تعرف تصرف علي امها وجوز امها

وبتشتغل من صغرها وعندها ٢٣ سنه

(بيضه وشعرها اسود وطويل وجميل وكل

حاجه فيها حلوه)

سهيله: صديقه لعيله ادهم من زمان

حمدي: ابن عم ادهم وديما بغير منه

وبيتمني يبقي زيه

كريمه: ام ادهم وبتحب ابنها جدا واهم حاجه

عندها في الدنيا انها تجوزه وتشوف عياله

نبدأ قصتنا

في شاليه بعيد في الغردقه ادهم قاعد في
بلكونته اللي دافن نفسه فيها علي طول
ومش بيخرج منها الا علشان يروح يكمل
حبسته في اوضته ...

كان يوم جميل جدا .الشمس هاديه والهواء
تحفه

الجمال ده كان حواليه بس لكن هو مفيش
جواه غير مرار وبس

فجأه وهو سرحان:: اد ايه المنظر من هنا
يجنن يا بختكم بالمنظر ده!!!

ادهم: ايه ده؟ انتي مين؟؟ ودخلي هنا
ازاي؟؟

الصوت: براحه براحه علي مهلك شويه .ايه
هو ده؟ هو انا هاكل المنظر بتاعك ولا ايه؟؟

ادهم: انتي مين؟ ودخلتى هنا ازاي؟

الصوت: انا حراميه جايه اسرق منظرکم..

براحه ياعم علينا شويه ده ايه ده.

ادهم: اطلعي بره..ماما يا ماما..عمي حسين

انتو فين کلکم؟؟

ادهم کان بينادي ويذعق بصوت عالي

جدا..جت امه تجري

کريمه: في ايه يا ادهم؟ ايه يا ابني جري ايه

وبتذعق كده ليهظ

ادهم: مين دي؟؟ ودخلت هنا ازاي؟ وازاي

تدخل هنا عندي وازاي سمحتولها اصلا

تدخل هيا فوضي ولا ايه؟؟؟؟

کريمه: دي البننت بتاعت الدليفري هيا جابت

الاكل اللي انا طلبته

ادهم: وازاي تتدخل لحد هنا؟؟

البننت: براحه بقي شويه ..انت فاكر نفسك

مين يعني ..؟كل ده علشان غني

حبيتين..يعني دخلنا الجنه وانا مش واخده

بالي؟؟علي العموم اشبع بيها لوحك

واسفين ياعم علي دخول جنتك

ده علي رأي المثل:جنه من غير ناس ما

تنداس ..اشبع بيها لوحك

ادهم اتوتر جدا حسنت امه انه مسيطر علي

اعصابه بالعافيه

استغربت كريمه جدا ابنها ديما لا مبالي مش

بيهتم باي حد ولا حد بيقدر يحرك مشاعره

لا بالحو ولا بالوحش ..بس البننت دي في

لحظه جننته وخرجته عن شعوره بالطريقه

دي

كريمه: اهدي يابني اهي طلعت بره اهي
ادهم: مش عايز الاقي حد فوق راسي كده تاني
..مفهوم؟

كريمه: حاضر يا ابني مفهوم .. بس انت
هذي نفسك

ادهم: اهدي اهدي اهدي...هو انتي ايه
شايفاني مجنون ولا ايه؟؟

كريمه: لا حبيبي بعد الشر عليك من الجنون
..انا بس مش عايزاك تضايق نفسك كده

ادهم: يبقي تسيبوني في حالي ومتدخلش
حد عليا

كريمه : حاضر هسيبك لوحدك

خرجت الام بره وسابت ابنها لوحده راحت
للبننت واديتها باقي حسابها وقبل ما البننت
تمشي

كريمه: متزعليش يا بنتي من ابني هو
عصبي شويتين وبيحب الوحده شويه

البننت: لا عادي حصل خير.. انا اللي تتطفلت
عليه.. وبعدين متخيلتش انه هيتضايق كده
لمجرد دخولي.. علي العموم انا اسفه لو كنت
ضايقتكم

كريمه: لا يا بنتي احنا اللي ضايقناكي احنا
اللي اسفين.. المهم مقولتيليش اسمك ايه
بقي؟؟؟

البننت: اسمي ليلي

كريمه: اهلا بيكي.. مش غريبه ان بنت
تشتغل ديليفري؟؟؟

ليلي: اكل العيش بقي هنعمل ايه..انا اصلا
بغسل صحون في المطعم وحضرتك طلبتي
الاكل بسرعه ومكنش في حد فجيت انا

كريمه: ده من حسن حظنا علشان نشوفك

ليلي: قصد حضرتك من سوء حظكم علشان
ضايقت ابن حضرتك

كريمه: لا يا حبيبتى ..المهم لو طلبت اكل
تاني عايزاكي انتي اللي تجيبه ماشي؟؟

ليلي: لا حضرتك ممكن تطلييني بالاسم لكن
انا مينفعش اطلب منهم في المطعم اطلع
ديلفيري

كريمه: خلاص اتفقنا انا هطلبك بالاسم

ليلي: وانا تحت امر حضرتك

مشيت البنت وابتسمت الام ابتسامه خبيثه
لان في خطه اترسمت في دماغها وهتحاول
تنفذها

فات يومين وطلبت الام الاكل تاني وطلبت
ليلي بالاسم وفعلا جت ليلي بالاكل سلمت
عليها الام واستأذنتها تجيبها الفلوس
وسابتها واقفه قصاد البلكونه اللي ادهم فيها
..اتمنت انها تدخله تاني فوقففت تراقب من

بعيد

ليلي اترددت تدخل ولا لأ خطت خطوه
ورجعتها تاني لانه ممكن يزعق تاني وممكن
تتطرد من شغلها لو ضايقتهم

وبعد شويه قررت تدخل تعتذر له

ليلي: اوعي يكون منظر ك نقص شويه لما

انا شوفته؟؟؟

اتفاجأ ادهم للحظه بصوتها بس افتكر
صاحبه الصوت واتفاجئت ليلي لما ابتسم
ادهم: اسف علي نرفرتي عليكي المره اللي
فاتت بس كنت متضايق شويه وانتي جيتي
في وشي

ليلي: اه فانفجرت فيا انا بقي ..يالا ما علينا
..المهم ما ردتش عليا

ادهم: ما رديتش علي ايه؟

ليلي: منظرک نقص شويه لما شوفته؟؟

ادهم ابتسم: اه نقص هاتي بقي اللي
اخذتیه...

ليلي بخوف مصطنع: ايه ده انت هتتبلي عليا

ولا ايه والنعمه ما اخدت حاجه منه

ادهم ضحك وهيا كمان ضحكت

ليلي: ما انت بتعرف تبتسم وتضحك زي
الناس اهو امال بيقولو عليك كده ليه؟
ادهم بضيق: مين بيقول ايه عليا ويقولو ايه
هاه؟؟؟

ليلي: اهدي اهدي. انا بهزر محدش بيقول
حاجه. هو انت ايه علي طول قافش كده
ادهم: قافش؟؟؟؟ قافش ايه؟؟
ليلي بضحك " قافش يعني متزربن كده
ادهم: مت... مت ايه؟؟؟

ليلي: لاه ده انت مفيش منك امل خالص
ادهم: ومين امل دي كمان؟؟
ليلي: امل دي تبقي بنت مفيش فايده
ادهم: ههههه هههههههههههه ..اتريقي براحتك

ليلي: فشر انا اقدر اتريق ده انت فله..فله

شمعه منوره

ادهم : امشي يا فله انتي

كريمه اول مره من ٣ سنين تشوف ابنها
بيضحك وبيهزر وبيتكلم كده حسنت ان في
امل ان ابنها يرجع تاني زي الاول فسابتهم
وطلعت تجيب الفلوس لليلي

ادهم: للدرجه دي اكل مطعمكم حلو ..امي
بتطلبه كل شويه

ليلي: المفروض انا اللي اسألك؟؟انت ايه
رأيك؟

ادهم: معرفش ..ما اكلتش منه

ليلي: طبعا انت اكيد ليك اكل مخصوص
ممکن بيجبهولك بالطياره من بره ولا حاجه

ادهم: بطلي لماضه... انا مش باكل اكل بره

الا نادرا

ليلي: اه ماشي..المهم بعد اذنك علشان

والدتك جت اهي

ادهم: اه..اتفضلي

مشيت ليلي بعد ما اخدت حسابها ودخلت

كريمه لابنها اللي كان مبتسم علي غير عادته

كريمه: حبيبي ايه اخبارك

ادهم: انا الحمد لله كويس

كريمه: انت علي طول بتقولي كويس

ادهم: وعائزاني اقولك ايه.؟؟؟

كريمه: افتحلي قلبك احكي لي اللي جواك

ادهم: مفيش حاجه جوايا انا كويس

متشغليش انتي بالك

كريمه عرفت ان مفيش فايدة في ابنها ومش
هيفتح قلبه ليها ولا هيشاركها في مشاعره
حست انها لازم تعمل اي حاجه ولا ابنها
هيضيع منها

ياتري ادهم ايه اللي حصله؟؟ وايه اللي كرهه
في الدنيا واللي فيها

وامه هتعمل ايه؟ ويا تري اللي هتعمله
هيكون كويس ولا هيجيب عكس النتيجة
اللي بتتمناها..٣

+shimooelwady

قبل ما حد يسأل ادهم وليلي دي سلسله
نفس الاسم مع قصه حب مختلفه

فكره مجنونه مش اكثر+

واصل قراءة الجزء التالي

الجزء ٢ ShiMoOo

+

الحلقة الثانية

كبرياء اعمى+

+

عدي يومين كمان وطلبت كريمه ليلي ثاني
وجت فعلا وكالعاده سابتها ودخلت بحجه
الفلوس وكالعاده ليلي دخلت عند ادهم اللي
كان موجود في بلكوته بيتأمل البحر وغرقان
في افكاره فاق علي صوت كان عايز يسمعه
ثاني من غير ما يعرف ليه

ليلي: صباح الخير ... ازيك

ادهم: اهلا اهلا ..اتفضلي ..انا الحمد لله

كويس وانتى؟

ليلي: هاه الحمد لله....ليك حق متشبعش

من المنظر اللي قدامك ده انا فعلا لو كنت

مكانك مكنتش هتحرك من هنا ..ولا ايه

رأيك؟؟

ادهم: ادهم اتوتر شويه وضغط علي عكازه

اللي في ايده اللي ليلي ما اخدتش بالها منه

ومردش عليها

ليلي: ايه يا ابني مش بكلمك!!!

ادهم: افندم..عايزه ايه؟؟

ليلي: ايه عايزه ايه دي؟ مش عايزه حاجه

بسألك علي المنظر اللي شكلك عندك

حساسيه منه

ادهم: عايزاني اقول ايه يعني؟؟

ليلي: ايه عايزاك تقول ايه دي؟؟؟؟

بقولك المنظر حلو وانت ايه رأيك
؟المفروض تقولي اه فعلا حلو...عندك حق
...شكرا علي مجاملتك ..اي حاجه كده مش
تقولي عايزاني اقول ايه

ادهم:اكيد كنت هقولك كل الكلام ده بس لو
كنت شايف المنظر ده

ليلي مش فاهمه قصده ايه او مرضيتش
تفهم

ليلي: ما تبصله بعينك ماهو قدامك اهو ولا
انت اعمي يعني هههه؟

ليلي قالت كلمتها بهزار وما اخدتش بالها انه
في التلات مرات اللي شافته فيهم كان قاعد
ولابس نظاره سودا ومعاه عكاز ابيض وما
اتحركش من مكانه لانه فعلا اعمي

ادهم: واحد لابس نظاره سودا وماسك عكاز
ايض وبيقولك مش شايف يبقي ايه
؟؟بيمثل انه اعمي مثلا ..علي العموم
اجاوبك علي سؤالك ايوه يا سيتي انا اعمي
وما اعرفش شكل المنظر اللي قدامي ايه
اللي انتي كل شويه تسأليني رأيي فيه ايه
اعتقد كده جاوبتك ولا ايه؟؟

ليلي:.....

معرفتش ترد لان كلامه كان صدمه استحاله
يكون واحد في وسامته وشبابه ده اعمي
ويتحرم من الدنيا وما فيها

ادهم: اه سكتي .. وهتعلمي زي الكل
وتكلميني بشفقه وتغيري معاملتك ليا

ليلي بسرعه تدراكت نفسها وعرفت انه كاره
الشفقه والعطف اللي بيحسهم من كل اللي
حواليه فلازم تتكلم بسرعه وتعالج الموقف

ليلي: مين ده اللي مسكين؟؟؟ انت. انت
مسكين انت؟؟؟ ده انت كويس انك طلعت

اعمي

ادهم باندهاش: افندم ؟كويس اني اعمي ليه

بقي؟

ليلي: علشان تبقي زي باقي البشر

ادهم بابتسامه: هو انا مش زي باقي البشر؟؟

ليلي: لا طبعا ..هو انت نسيت شكلك ولا
ايه؟؟؟ ده انا من ساعه ما شفتك وانا عماله
ابصلك عايزه اطلع فيك يا اخي غلطه مش

لاقيه

فاخيرا لقيت فيك حاجه ناقصه مع انها مش
تعتبر حاجه ناقصه لانها مش مغيره في
شكلك يعني انت زي ما انت مفيكش غلطه
ادهم: ايه الحقد والقرده كله.. ايه بقي اللي
فيا غير باقي الناس؟؟

ليلي: يعني ا قوله ايه الراجل ده ؟..انت عايزني
اعاكسك يعني ..ماشي امري لله هقولك
واهو كله بثوابه

يعني بص انا مش هتكلم عن طولك ولا
جسمك وعضلاتك دي نهائي ولا انك مزقوي
كده ولا حليوه خالص خالص ولا شياكتك
نهائي ايسلوتلي ..ولا صوتك اللي بتتكلم بيه
ده ولا الطريقه اللي بتتكلم بيها وانت باصص
للناس من فوق كده ولا هقر نهائي علي
الفلوس اللي متلته عندك دي فلوس لو
قعدت عمرك كله تصرف فيها مش

هتخلص ولا الخدم اللي عندك ولا الشاليه
ولا ولا ولا

ادهم: اه اه.. قلبي قلبي هتشل خلاص

ليلي ضحكت بصوتها كله من طريقته اللي

بيمثل بيها وهو ضحك علي ضحكتها

كريمه جت تشوفهم لما سمعت صوتهم

عالي واتفاجئت بابنها بيضحك بصوته كله

ومبسوط فانسحبت بهدوء

ادهم: يخربيت قرك ..اهدي عليا شويه

كويس الحمد لله اني ما قابلتكيش قبل كده

كنت قلت اني بقيت اعمي من قرك ده

ليلي: ايوه طبعا كنت هقر اكر من كده كان

ممکن تجيلك صدمه وتموت فيها ولا حاجه

ادهم: عارفه بقالي كتير ما ضحكتش كده ..

ليلي " ايه ده لقيت فيك غلطه تانيه؟

ادهم: وايه هيا بقي؟

ليلي: انك عبيط واهبل سوري يعني

ادهم: ليه بقي ان شاء الله

ليلي: لان مفيش حاجه في الدنيا تستاهل ان

الواحد مايضحكش

وبعدين انت عندك كتير قوي مش ناقصك

حاجه

ادهم: عندي فعلا ..بس قوليلي ايه لازمه اللي

عندي لو مش هقدر اشوف تاني

ليلي: وفي ايه عايز تشوفه؟؟؟انت اعمي

بقالك اد ايه؟

ادهم: ثلاث سنين تقريبا

ليلي: علي فكره مفيش كتير اتغير في التلات

سنين دول

ادهم بيضحك: بجد انا كنت فاكر ان كتير

اتغير

ليلي: لا والله زيما بقولك كده

بص الشمس مكانها بتطلع من الشرق

ومنوره والبحر اهوه ازرق ما اتغيرش نهائي

والارض كرويه تدور حول نفسها\

ضحكوا هما الاتنين

ادهم: طمنتيني.... كنت خايف ليكون

الشمس ولا البحر انحرفوا ولا اتغيروا ولا

تكون الكوره بقت مستطيله ولا مربعه

ليلي: ههههههه ما انت بتعرف تألش اهوه

ادهم: علي فكره انا لحد دلوقتي ما اعرفش
اسمك ايه؟

ليلي: يعني انا اللي اعرف اسمك؟

ادهم: اسمي ادهم

ليلي: شوفت اهوه حتي الاسم

ادهم: ههههه ماله الاسم كمان ???

ليلي: لايق عليك لازم يكون ادهم يعني مش
ممکن يكون عباس ولا متولي ولا حزلؤم مثلا

ادهم: ماله بقي عباس ولا متولي ولا التالت
ده كان ايه حزنمبول

ليلي: اسمه حزلؤم مش حزنلوب ايه انت
قولت ايه انت نسيتي الاسم

ادهم: هههه ما علينا من حزمّل بتاعك ده
المهم اسمك ايه؟

ليلي: حزلؤوم مش حزنمبل المهم اسمي

ليلي

ادهم: ليلي... امممم

ليلي: اممم دي يعني ايه لو وحش

اغيرهولك نخليه لجين ولا جاكلين ولا

جرمين ولا سمينار

ادهم: بس بس ايه ماسوره الاسماء اللي

بتفجريها دي لا ليلي حلو جدا مباحش اصلا

الاسماء الجديده الغريبه دي

ليلي: يعني انا قلت يمكن مش عاجبك ولا

حاجه

ادهم: لا عاجبني ...المهم مفيش بقي

مجنون ليلي؟؟

ليلي: لا مفيش الظاهر ان الناس كلها عقلت

ولا ايه مش عارفه؟

ادهم: هههههه متقلقيش مسيره حد يتجنن

ويحب واحده حقوده زيك كده ويبيقي

مجنون ليلي

ليلي: يا ابني ده اللي هيحبني هتكون امه

دعياله وفي ليله القدر كمان

ادهم: قاصدك داعيه عليه مش دعياله

..هتكون قائله روح يا ابني الهي يتليك

بمصيبه كده لسانها مترين

ليلي: مصيبه!! مش هرد عليك علشان انا

مؤدبه

ادهم: فعلا مؤدبه باماره الشرشحه اللي

شرشحتيها في اول مره قابلتك فيها

ليلي: هو انت لسه فاكر. ده انت قلبك اسود

قوي

هنا دخلت كريمه مبتسمه

كريمه: اسفه يا ليلي ... اتأخرت عليكي

شوتين

ليلي: لا يا فندم مفيش تأخير ولا حاجه..واهيا

فرصه دردشت مع ابن حضرتك شويه

واتعرفت عليه

ليلي: يالا بقي استأذنكم انا بقي

ادهم: سلام يا ليلي خلينا نشوفك بقي

مشيت ليلي وسابت ادهم حيران وتايه في

افكاره ..من امتي بيهزر ويضحك كده مع

واحدده لسه عارف اسمها

عدي كام يوم واتفاجئت كريمه بابنها

ادهم: ايه يا ست الكل هو اكل المطاعم

مبقاش يعجبك ولا ايه؟

ابتسمت كريمه من ابنها اللي مش عايز

يسأل صراحه عن ليلي

كريمه: لا يا حبيبي عاجبني انا كنت لسه

هطلب المطعم حالا..بس بفكر اغير؟ ايه

رأيك انت عندك حد معين؟

ادهم: ليه هو مطعم اللي ليلي فيه مش

بيعجبك ولا ايه؟

كريمه: لا يا حبيبي عاجبني بس انا قلت

يمكن انت تحب تغير؟

ادهم: لا مبحبش التغيير وانت عارفه كده

كويس...المهم هتطلبني ليلي هيا تكون

الديلفيري صح؟

كريمه : لو مضيقاك بلاش

ادهم: لا لا تضايقني ايه؟ بالعكس انا مرتحلها

جدا

سابها وخرج واستني ليلي تيجي وفجأه وهو

سرحان.....

ياتري ايه اللي حصل ؟

توقعاتكم ايه ؟

+ShiMoOo

+

واصل قراءة الجزء التالي

الجزء ٣ ShiMoOo

الحلقه الثالثه

كبرياء اعمى

خرج ادهم البلكونه في انتظار ليلي وفجأه

سمع صوت كان مستنيه بلهفه وهو جرس

الباب

دخلت ليلي ودخلت عند ادهم بس وقفت

تتأمله من بعيد

ادهم: هتفضلي واقفه كده كتير؟؟

ليلي: عرفت منيني اني واقفه ؟ انت عندك

عين في ظهرك ولا ايه؟

ادهم: لا معنديش عيون في اي حته..بس كل

الحكاية اني سمعت جرس الباب وحسيت

بيكي هنا انتي ناسيه ان حاسه السمع عند

الاعمى قويه شويه..وبعدين طالما جيتي

يبقى هتدخلي هنا!!

ليلي: اممم يعني انت مبسوط اني دخلت ولا

متضايق؟؟لو متضايق امشي ؟

ادهم: لا ادخلي ادخلي..ولا مستعجله؟

ليلي: لا مش مستعجله.. هتنازل واقعد

معاك شويه

ادهم ابتسم: ماشي يا عم المتواضع انت
فضلت ساعتين كاملين قاعدين مع بعض
ومحدث فيهم حس بالوقت نهائي زي ما
يكون الوقت اللي بيقعدوه مع بعض
لحظات مسروقه

لحد ما انتبهت ليلي ان الدنيا بدات تليل
ومسكت ايده وبصت في الساعه
ليلي: يا لهوي انا اتأخرت ..هتطرده بسببك
وهتشرده

ادهم: لا ما تخافيش محدش هيقدر يطردك
طول ما انا موجود لو حد ضايقك قوليلي وانا
هتصرف

ليلي: اصلا لو اطردت هاجي اقفلك هنا لحد
ما تشغلني

ادهم: لو هتيجي هنا ييقي هخليهم

يطردوكي من دلوقتي

ليلي: لا يا ادهم ارجوك انا محتاجه شغلي ده

ادهم: وانا قلتلك متخافيش انا هكلمهم

..ليلي...مممكن اطلب منك طلب؟

ليلي: طبعا انت بستأذن علشان تطلب!!!!

ادهم: مش شرط نطلب اكل علشان تيجي

..تعالى في الوقت اللي يناسبك. مش محتاجه

سبب

ليلي قلبها دق بسرعه وفرحت بطريقه غريبه

مش عارفه ليه

ادهم : لو ده هيضايقك خلاص اعتبري

نفسك ماسمعتيش حاجه

ليلي: لا يضايقني ايه ..هاجي بس اخر النهار

بعد ما اخلص شغلي

ادهم: وانا هكون في انتظارك

مشيت ليلي بيقشيش كبير للمحل وفعلا

والدته اتصلت وقالت انها السبب في التأخير

وفعلا محدش ضايق ليلي ابدأ في المطعم

ليلي كانت فرحانه جدا بس في نفس الوقت

كانت خايفه او مرعوبه مرعوبه انها تكون

عايشه في وهم كبير ولازم هتفوق منه في

يوم..هو ينفع واحد زيه في مستواه يحب

واحد بتغسل صحون في مطعم؟؟ لا اكيد

بيسلي وقته مش اكر ..طيب تبعد عنه؟؟

لألاً

مش ممكن ابدا تبعد دي بتستني اللحظة
اللي هتشوفه فيها .. خلاص تسيب الايام
تقول كلمتها..

فضلت في الشغل بتعد اللحظات علشان
تخلص مع انها قبل كده كانت مش بتحب
ابدا تروح وبتفضل علي قد ما تقدر في
الشغل لكن النهارده هتشوفه .. واخيرا
هتروحه

ادهم كمان طول اليوم ماسك ساعته
وبيحسس عليها وحاسس انها واقفه او فيها
حاجه فبينادي علي حد من الخدم ويسألهم
الساعه كام

فضل يفكر مع نفسه: انا ليه ملهوف عليها
كده؟ وليه عايزها تفضل جنبي باي تمن واي
شكل؟ ليه باتمني احبسها معايا وماسبهاش

تمشي ابدأ بعيد عني .. ده لسه عارفها من

كام يوم...

هو ممكن اكون ب...؟ لا لا مش ممكن يكون

ده حب .. هو بس بيرتحلها ومحتاجلها في

وحدته ... لأأ اشمعني يعني هيا؟ ماهو سبق

ورفض كل محاولات اصحابه انهم يفضلو

جنبه ورفض بنات كتير قبلها .. لا بس ليلي

مختلفه فيها حاجه مختلفه .. صريحه

طبيعيه قريبه قوي من قلبه .. لا فوق يا ادهم

.. ليلي شكلها بنت جميله ورقيقه ومرحه

ممكن تبص لواحد اعمي؟؟ لا مش ممكن

.. لازم افوق من الوهم ده .. هيا بتشفق عليك

مش اكثر وبتتعامل معاك عادي مش لازم

تتهور كده في مشاعرك ..

كفايه تفكير خلي الايام تبين ايه اللي

هيحصل اهم حاجه حافظ علي قلبك بعيد...

اخيرا خلص يوم واخيرا هتيجي...قلبه بيدق

بطريقه غريبه اخيرا جرس الباب

ليلي: مساء الخير..أتأخرت عليك

ادهم: لا ما أتأخرتيش

قال جواه(انتي بس موتيني من الانتظار)

ادهم: هو انتي بتشتغلي طول النهار كده؟

ليلي: اه واول ما خلصت جيت علي طول

...ياه يا ادهم الغروب تحفه اه لو تشوفه!!

ادهم كشر كده واتوتر..هيا لاحظت ده بس

خلاص الكلمه طلعت فحاولت تغير

الموضوع

ليلي: ما تيجي تمشي شويه علي البحر

ادهم: لا معلش مش بحب التمشيه خلينا

قاعدين احسن

ليلي: براحتك..ايلا قولي هو انت ازاي بقيت

اعمي

ادهم اتوتر ومش رد

ليلي: لو مش عايز تتكلم براحتك

ادهم: لا عادي... في يوم كنت مروح بالليل
وكان في واحده ماشيه ومعها عيلين وفجأه
واحد منهم ساب ايديها وجري قدام عربيتي
فحاولت افاديه فالعربيه خرجت عن الطريق
وبقيت في المعاكس وجت عربيه كبيره
ومعرفتش تفادينني وبووم

الاحداث كلها فاكلها قدامي زي ما تكون
حصلت امبارح لدرجه لسه سامع صوت
العربيه لما خبطت فيا وسامع صوت الست
وهيا بتصرخ علشان ابنها..كانت لحظات..

كل حاجه حصلت بسرعه صريخ فرامل
خبط وبعد كده هدوء كامل او صمت

بس يا سيتي فضلت فتره في غيبوبه ولما
فقت كل حاجه كانت ظلمه وعملت عمليات
كتير قوي ادخل عمليه واخرج وادخل تاني
لحد ما اكتفيت وتعبت فسيبت الدنيا كلها
وجيت هنا

ليلي: قصدك حبست نفسك هنا

ادهم: مش فارقه كتير انتي نفسك قولتيها
مافتنيش كتير

ليلي: لا ده ماكنش قصدي ..مافتكش كتير
تشوفه بس بيفوتك كتير تعيشه

ادهم: ايه اللي بيفوتني؟؟

ليلي: دي مش نهايه الكون اخرج للدنيا

ادهم: غيري الموضوع يا ليلي لو سمحتي

ليلي: طيب اخر سؤال ...هو مفيش امل انك

تشوف تاني

ادهم: الدكاتره ما يبحبوش يفقدوا الامل

طول ما انت راقد بين ايديهم ..انا تعبت يا

ليلي من امل وينتهي.. وامل وينتهي.. كفايه

بقي كل عمليه بيكون في امل واخرج منها

وفتره النقاهه بتكون دمار وصداع مش

بينتهي وادويه وتتصدم بفشلهم ويظهرلك

دكتور جديدي عايز يجرب حاجه جديده

فضلت ثلاث سنين سايبهم يشرحوا في

دماغي بس كفايه بقي.....

كلمه تانيه في الموضوع ده هسيبك واقوم

قفلت ليلي الموضوع وخرجته من حاله

الكأبه اللي دخلته فيها

عدي كام يوم وليلي بتخلص شغلها وتجييله
تقعد معاه ساعتين وتروح وبيقربوا اكثر من
بعض لدرجه انها لو اتأخرت دقيقه بتفرق
معاه... وكريمه طبعا فرحانه بابنها اللي رجع
لطبيعته بيضحك ويهزر مع الخدم ومعها
وبيتكلم ويدردش معها

ليلي كل يوم بتحاول تخرج ادهم بره البلكونه
بس هو بيرفض

بس هيا اکتفت من رفضه وقررت انها لازم
تخرجه

ليلي: اخبار الجميل ايه النهارده

ادهم: كويس بس سيادتك متأخره ليه

ليلي: دول ٥ دقائق يا دوب

ادهم: ما انا قتلتك سيبي الشغل وانا ..

ليلي قاطعته: وانت ايه..هاه هتديني تمن

قعدتي معاك

ادهم: لا مش قصدي كده ..بس مش عايزك

تتعبي كده

ليلي: انا متعوده علي الشغل سيبك انت

..علي فكره الشمس خفيفه قوي

ادهم: يعني ايه؟

ليلي: اقلع النظاره

ادهم: لا معلش خليها

ليلي قربت عليه وفجأه شدت النظاره من

وشه

ادهم: ايه ده؟ ليلي مش بحب الهزار ده ..لو

سمحتي هاتي النظاره

ادهم مش بيحب حد يشوف عنيه ابدأ.. هو
حاسس انهم شكلهم مشوه بس ده كان
احساس جواه بس

ليلي: لو عايزها تعال خدّها انا اهوه قدامك

ادهم: ليلي بلاش هزار هاتيها

مد ايده ليها فلمست ايده وشدت ايدها

بسرعه

ليلي: تعال خدّها بنفسك

ادهم قام ومشي وري صوتها وهيا بتتكلم

وبتبعد كل مايقرب منها بس مش كتير

علشان تلحقه لو وقع...نزلت السلالم وهيا

خايفه ليوقع في كل خطوه وقلبها بيدق

بسرعه

ادهم: ليلي هاتي النظاره كفايه كده

ليلي: لا مش هجيبها قرب ..اهوه خلاص
قربت توصلي ..خلي بالك من السلم

ادهم نزل السلالم براحه ومشى وري صوتها
وهو خايف يقع في كل خطوه وبيفكر يقف
بس مش عايز يكون عاجز للدرجه دي
قدامها..فضلت ليلي ترجع لورا شويه شويه
لحد ما وصلت للبحر

اتفاجأ ادهم لما حس بميه البحر في رجليه
والموج بيروح ويجي

وقف زي التمثال ساكت مش بيتكلم ولا
يتحرك

ليلي قلبها بيدق مش عارفه رد فعله
ايه..قربت منه ومسكت ايديه الاتنين بايديها

ليلي: مش معني انك اعمي انك تحرم
نفسك من كل اللي حواليك

اد ايه الميه جميله وناعمه والهوا يرد الروح
دول ما بيحتاجوش لعنيين علشان تحس
بيهم

ادهم كان رده ضغطه علي ايديها بس فضل
واقف ومش عارف يتكلم ولا ينطق
ليلي: نظارتك اهييه (لبسته النظاره) لو
متضايق انا اسفه

ادهم : لا يا ليلي مش متضايق ..

شدته ليلي علشان يتمشوا علي شط البحر
والميه راичه جايه بين رجليهم ..كانت هيا
عكازه وعنيه في نفس الوقت وهو مستسلم
ليها تماما .كانوا ماشين في صمت بس كان
ابلق من اي كلام

الوقت بقي ليلي والشمس غابت تماما

ليلي: الوقت بقي ليلي وانا اتأخرت قوي ولازم

اروح

ادهم: هو الوقت بيعدي بسرعه ليه وانتي

معايا

ليلي: هجيلك بكره ان شاء الله..وهحاول

اجي بدري

ادهم ضغط علي ايديها قبل ما يسيبها

ادهم: ما تتأخريش عليا هستناكي من

دلوقتي

ليلي: مش هتأخر

رجعته ليلي البيت وروحت وهيا حاسه

بضيق جامد وحاسه انها عايزه تعيط

..هتعمل ايه لما خلاص يمل منها؟؟؟ده كان

اهم سؤال عندها!!طول عمرها عامله حدود

وعارفه انها مش من نوعيه الناس اللي ينفذ

تحب..الحب ليه ناسه وهيا مش منهم...بس
انا مش بحبه حبيته امتي اصلا؟؟؟ لا فعلا انا
مش بحبه انا بعشقه انا عديت الحب من
زمان قوي ... انا هفضل احبه ويوم ما يزهدق
او يمل هيكون عندي احلي ذكريات اعيش
عليها وكفايه عليا اني اسعدته في يوم من
الايام

ادهم كمان مش عارف ايه اللي بيحصله ده
..من امتي هو بيحب؟؟طول عمر البنات
بتترمي تحت رجليه وعمره ما واحده شدت
حتي انتباهه ويوم ما يبقي اعمي يحب..انا
لازم اخليها تفضل جنبي ..بس هيا ازاي
هتقبل بواحد اعمي ..ازاي تسجن نفسها مع
واحد زي..اهو هجرب ..هيعمل كل اللي يقدر
عليه علشان يخليها جنبه هيحاول يعوضها
عن عماه ..هيعمل اي حاجه علشان

يسعدها..هيستغل كل لحظه بيقضيتها

معاها علشان يخليها مبسوطه

بعد كام يوم نزل ادهم من اوضته وسمع

صوت مع امه واتفاجأ لما عرف مين اللي

جاي يشوفه

ياتري مين اللي جاي عنده؟

انتو ايه رأيكم؟؟

+ShiMoOo

+

واصل قراءة الجزء التالي

الجزء ٤ ShiMoOo

الحلقه الرابعه

كبرياء اعمى

وقفنا الحلقة اللي فاتت لما ادهم نزل من

اوضته وسمعه صوت هو عافه كويس

ادهم: ايه ده؟؟ انا مش مصدق وداني....

حمدي ابن عمي عندنا يا مرحبا ..ايه اللي

فكرت بينا دلوقتي

حمدي: انا الحمد لله كويس ...المفروض

تسلم الاول يا ابن عمي وبعدين لو انا لسه

فاكر انت اللي مانع الزياره عنك

ادهم: ما علينا ازيك ايه اخبارك وعامل ايه

والشغل اخباره ايه؟؟

حمدي: كله تمام كأنك موجود وزياده ما

تقلقش علي حاجه

تعالو نتعرف علي حمدي

حمدي ابن عم ادهم عايش معاهم في نفس

البيت تقريبا طول عمره من ساعه ما ابوه

وامه اتوفوا في حادثه وهو معاهم وبيعتبر
كريمه امه وبيحبها جدا بس ديما بيغير من
ادهم علشان كده بيدخل نفس مجالته
وبيقلده علي طول وشايق نفسه ديما رقم ٢
بعد ادهم

ابو ادهم وابو حمدي كانوا تؤام بس ابو ادهم
الاكبر علشان كده هو الوريث لكل حاجه
واخوه مساعد ونفس الحال كان مع ادهم
وحمدي ادهم كان الرئيس وحمدي كان
مساعده ..او دي كانت نظره حمدي للامور
كلها

نرجع لقصتنا

ادهم وحمدي قضاوا اليوم مع بعض ..حمدي
كان بيقوله اخر اخبار الشغل وبيأخذ رأيه في
مواضيع كتيره..لان من بعد الحادثه حمدي
بقي المسؤل عن كل حاجه

اخيرا جه معاد ليلي وجت في معادها بالظبط

واستغربت لما شافت ادهم مش لوحده

ليلي: ازيكم..شكلك معاك ضيوف يا ادهم

حمدي: لا ضيوف مين محدش غريب

وقف ومد ايده لليلي

حمدي: حمدي ابن عم ادهم ودراعه اليمين

في كل حاجه

ليلي: اهلا وسهلا بيك استاذ حمدي

حمدي: لا بلاش استاذ دي حمدي

كفايه..طالما بتقولي ادهم يبقي تقولي

حمدي...وحضرتك

ادهم: اسمها ليلي...(ادهم كان متضايق من

غير سبب لما ليلي جت) ليلي معلش

النهارده معايا ابن عمي وبتكلم عن الشغل

فاشوفك بعدين

ليلي: خلاص مش هعطلكم ..فرصه سعيده

يا....

حمدي: حمدي قولها سهله

ليلي: يا حمدي...سلام ادهم

ادهم بضيق: مع السلامه

مشيت ليلي وهيا شكوكها بتتأكد قدام
عنيها..هو بيتكلم معاها لوحدهم اه..لكن
قدام حد من قرابيه مش ينفع برستيجه
ووضعه ما يسمحلوش يعرف واحده من
مستواها

ادهم مستغرب هو ليه اتنرفز كده لما حمدي

هزر معاها ..ايه يعني؟ دي طبيعه حمدي

بيحب البنات وبيفرض نفسه عليهم..بس

ليلي لآ دي تخصصه ما ينفعش يفرض نفسه
كده وهيا المفروض ما تهزرش كده... هيا
تعرفه مين علشان تهزر معاه؟

ايه يا ادهم فوق انت بتغير ولا ايه؟؟

حمدي: ادهم ايه رحتم فين بكلمك من
بدري؟؟

ادهم: معلش سرحتم شويه.. كنت بتقول
ايه؟

حمدي: بقولك مين ليلي دي؟؟

ادهم: دي حد انت ماليكش دعوه بيها
نهاي.. مفهوم

حمدي: مفهوم.. متزعلمش نفسك كده

ادهم: سؤال اخير... هيا ليلي شكلها ايه؟

حمدي: يعني ايه شكلها ايه؟؟ زيه زي اي
بنت عادي يعني

ادهم: اوصفها يا حمدي هو انا اللي هعلمك
ازاي توصف واحده ولا ايه؟ اوصفلي شكلها
عنيها شعرها شفايفها اوصفها يا حمدي

حمدي: امممم.. مش عايز اصدمك يا ادهم
...بس طالما مصر

ادهم: ايوه مصر

حمدي: شوف يا سيدي هيا مش حلوه
..متلخبطة كده ..شعرها قصير واكرت كده
مش حلو خالص..سمره جدا .. عنيها ضيقه
قوي زي الصينين كده.. شفايفها ضخمه
وبارزه لبره ومناخرها كبيره ومنفوشه كده زي
الافارقه..كوكتيل كده مش لايق علي
بعضه..من الاخر وحشه

ادهم حس انه مصدوم مش دي الصوره اللي

هو راسمها

ادهم: صوتها رقيق قوي..مش لايق مع

وصفك

حمدي: وانت من امتي بيخدعك الصوت

مش معني ان صوتها رقيق انها كمان رقيقه

ما تحكمش بالصوت

ادهم: انت ناسي اني معنديش غير الصوت

احكم بيه

حمدي: لو محتاج بنات اجيبلك بدل الواحده

ميه بس انت شاور وهي عملو معاك اللي انت

عايزه هيدلعوك يا بن عمي

ادهم: لا شكرا لعرضك مش محتاج بنات

...عمر ما كان عندي اهتمام بالبنات قبل كده

علشان اهتم بيهم دلوقتي

حمدي: علي الرغم ان البنات بيرموا نفسهم
تحت رجليك الي انك ديما بترفضهم ومفيش
ولا واحده قدرت تأثر عليك حتي سهيله

ادهم سكت وفضل يفكر في ليلي ..هو مش
عارف يقتنع انها وحشه كده ...بس لو هيا
حلوه ما كانتش هتقعد مع واحد اعمي او
كان المفتحين ما سابوهاش ..اكيد فعلا هيا
وحشه..وماله هعمل بشكلها ايه ماهو انا
كمان اعمي يعني لو حلوه او وحشه مش
هتفرق كتير المهم اني برتاح معاها جدا

غابت ليلي يوم ومقابلتوش وهو كان
هيتجنن ازاي متجيش وكان القلق هيقته
..ممکن تكون خلاص مش هتيجي

كريمه عرضت عليه تتصل بيها بس هو

رفض

لو عايزه تيجي يبغي تيجي لوحدها من غير

ما حد يطلب منها تيجي

ليلي اتعمدت تغيب بعد ماهو مشاها

بالطريقه دي ..لو عايزيني يبغي يطلبنى

ويقولي تعالي

لكن طبعا ولاهو اتصل ولا هيا راحت.. وكل

واحد فسر ده علي طريقته

تاني يوم ليلي صممت انها ما تروحش تاني

واول ما خلصت شغلها لقت نفسها قدام

بيته وادهم قاعد لوحده في بلكوتته قلبها ما

استحملش يمشي ..ده حبيبها وهيرجع

لوحده تاني

اتنازلت عن كبرياتها ودخلت

ليلي: يا تري سرحان في ايه؟؟

ادهم وقف وقرب من صوتها

ادهم: انت ازاي ما تجيش امبارح هاه؟؟؟ لو
انتي حاسه اني بفرض عليكي انك تيجي
فده مش فرض براحتك

ليلي: ولما انت عايزني اجي ما كلمتنيش
ليه؟ وعلي فكره انا باجي براحتي مش
علشان انت طلبت اني اجي

ادهم: وامبارح؟

ليلي: كان عندي ظروف منعتني

سكتوا وقفلو الموضوع علي كده

ليلي كانت علي طول بتتطلب من ادهم
يخرجوا بره بس هو بيرفض وحست انه المره
دي ممكن يوافق

ليلي: ممكن اطلب منك طلب ومتقوليش

لا؟

ادهم: انتي عارفه انه لو في ايدي مش هتأخر

ليلي: ايوه في ايدك

ادهم: يبقي اطلبي

ليلي: عايزه اخرج معاك ..تتغدي بره

ادهم: ليلي ارجوكي ما تضغطيش عليا

ليلي: ارجوك انت علسان خاطري..الا بقي لو

بتستعر مني وخايف حد يشوفك مع البنات

اللي بتغسل..

ادهم: اسكتي ومتكلميش انا عمري ما كنت

بتاع مظاهر ولا بتهمني

ليلي: امال ليه مشتني لما كان ابن عمك

هنا؟

ادهم: وانتي كنتي عايزه تفضلي ليه

؟؟عاجبك ابن عمي

ليلي فرحت ممكن يكون غيران ..وليه لأ

ليلي: اه طبعاً هو امور وخليوه وجنتل كده

ادهم: طالما عاجبك هبقي اتصلك بيه بعد

اذنك

ادهم اتضايق ولسه هيسيبيها مسكت ايد

ادهم: استني بس هو انت مش كنت بطلت

القفش ده..

ادهم:انتي حره في تصرفاتك

ليلي: عارفه اني حره..بس حمدي من

الشخصيات اللي مش بتعجبني بس طالما

ابن عمك يبقي لازم اكون زوق معاه ولا ايه؟

هاه هتوديني فين؟ انا واقعه من الجوع تعال

هعزمك

ادهم: طالما مصره يبقي يالا بينا

ادهم طلب السواق الخاص بتاعه وتحت
دهشه كريمه اول مره ابنها يخرج ويروح
مكان بعيد عن المستشفيات وكله بفضل

ليلي

اخدها علي مطعم كبير ودخلو وطلب تراييزه
بعيده عن الناس علشان مش عايز حد

يشوفه

ليلي طلبت غذا خفيف من سندوتشات
علشان تكون سهله علي ادهم ياكلها لانها
حست بتوتره وان كل جسمه مشدود وكان
نفسها تقوم وتضمه لمجرد انها تتطمئه
فمدت ايذا ومسكت ايده

ليلي: اهدي..انا جنبك

مردش بس ضغط علي ايديها ومع كلامها
وهزارها بدأ يهدي شويه شويه ويخرج من
حاله التوتر

اتغدوا وفضلوا شويه

ادهم: انا متشكر جدا يا ليلي علي الغدوه دي
انا كنت محتاج فعلا اخرج بره البيت شويه

ليلي: اي خدمه بس علي فكره انت اللي
هتدفع تمن الغدوه دي

ادهم بابتسامه: كنت فاكر انتي اللي
عزماي؟ ولا انا فهمت غلط

ليلي: فعلا كنت هعزمك بس اخري فول
وطعميه علي الرصيف مش مطعم خمس
نجوم انت اخترت المطعم يبقي انت اللي
هتدفع يا اما هسيبك واجري وتغسل

الصحون

ضحك ادهم بصوته كله

ادهم: مش للدرجه دي ما تقلقيش محدش

هيغسل صحون

نادي علي الجرسون وطلب الحساب وطلع

محفظته وليلي ساعده يحاسب ومشيو

واول ما خرجوا قابلهم السواق بس ليلي

طلبت انهم يتمشوا وهيا هتروحو في الاخر

..اتردد السواق بس مشي لما ادهم طلب

منه يمشي

اتمشوا علي البحر وايديهم متشبكة في ايدين

بعض

ادهم: اوصفيلي المنظر يا ليلي

ليلي اتنهدت: البحر كبير مالوش اخر

والشمس فارده نورها علي البحرمدوره

وجميله وهاديه الوقت ده الواحد يقدر

يبصلها ويتمتع بيها وبتقرب من البحر
بسرعه ..بتقرب منه زي ما يكونو اتنين
عشاق ملهوفين علي بعض ..الشمس
بتقرب والبحر عايز يخبيها عن عيون كل
البشر ويخبيها في قلبه (سكتت شويه)
الشمس اهي لمست البحر وبدأت تغرق فيه
وهو بيضمها واحده واحده واهو خطفها
خالص واختفت في احضانه

ادهم كان بيسمعها بكل جوارحه لدرجه انه
حاسس انه فعلا شايف المنظر قدامه
ادهم: تصدقيني لو قلتك اني اول مره
اشوف الغروب واحسه كده

ليلي: تشوفه؟؟

ادهم: ايوه انتي وصلتيني لدرجه اني شوفته
بعنيكي

ظغط علي ايديها وشدها علي صدره لان هو
كمان كان عايز يخبيها في حضنه عن كل
العيون همس في ودنها

: شكرا علي كل حاجه حلوه بتخليني احس
بيها

ليلي اتكسفت وبعدت عنه شويه وغيرت
الموضوع

ليلي: اي خدمه انت بس تأمر

ادهم: عندي فعلا طلب

ليلي: طيب قول مستني ايه؟

ادهم: عايز اشوفك

ليلي: ايه ..ازاي؟؟

ادهم: مش هقولك زي ما شفت الغروب لان
صعب ان حد يوصف نفسه ..بس الاعمي
بيشوف بايده

ليلي مسكت ايده وحطتها علي وشها..حرك
ادهم ايده علي وشها

حرك ايده وبدأ يستكشف وشها حته حته..
عنيها ورموشها طويله ومحسش انها ضيقه
..خدودها ناعمه ومش بارزه ..شفايها جميله
عكس ما حمدي وصف ..مناخيرها صغيره
..طلع لشعرها اللي اتفاجأ بنعومته وطوله في
ايديه

حمدي كان كداب في كل وصفه ..حس ادهم
ان ليلي زي الصورة اللي كان هو راسها
ولقي نفسه بيضمها لصدره وهيا استكانت
بين ايديه كأن حضنه هو الامان كله..اتمناوا
الاتنين ان اللحظة دي ما تنتهيش ابدا

..فضلو واقفين من غير اي كلام لحد ما ليلى

فوقت نفسها من حلمها الجميل

ليلى: ادهم الوقت أتأخر قوي وانا لازم اروح

بقي

ادهم: اسف يا ليلى لو كنت اخرتك او

ضايقتك

ليلى حطت ايدها علي بقه ومنعته يكمل

ليلى: النهارده كان احلي يوم في عمري

ادهم(غير الموضوع): كل ده علشان عزومه

..خلاص ياستي تعالي اعزمك كل يوم

ليلى ضربت ادهم علي صدره بالراحه

ليلى: رخم...تصدق انا غلطانه اني خرجت

معاك اصلا

ادهم: يعني مش هشوفك بكره؟

ليلي: انت عايز تشوفني؟ (قالتها بدلع)

ادهم: لو علي اللي عايزه مش عايزك تمشي
اصلا

سكتوا الاتنين وليلي مسكت ايده وحطتها
علي شفايفها وباستها

ليلي: مفيش حاجه في الدنيا تأخري عنك

جوابه كان ضمه لصدره ... وقفت ليلي
تاكسي واصرت توصله الاول ..وصلته وهو
حاسب التاكسي وطلب يوصلها لحد بيتها ٢

يا تري ايه اللي هيحصل بينهم وهتفضل
الحياه ورديه ؟

كل حاجه ليها نهايه ولحظاتها الحلوه
هتخلص

علي فكره لما سميت القصة كبرياء اعمي
مكنش قصدي ان ادهم اعمي كان قصدي
ان كبرياؤهم هو الاعمي

لو حد عنده تعليق او تحفظ يقوله

امبارح فرحت جدا بتعليقاتكم علشان كده
حلقة النهارده كانت طويله ولو عايزينها
تبقي علي طول طويله اديكم عرفتوا ازاي

+ShiMoOo

+

واصل قراءة الجزء التالي

الجزء ShiMoOo o

+

الحلقة الخامسه

كبرياء اعمى

علاقه ادهم بليلى اخدت شكل تاني ..بدأ
الحب يكبر بينهم بس طول الوقت ده ما
حدش فيهم اعترف بحبه صراحه او اعلنه
لحد ما يوم طلب ادهم من ليلي انها تاخذ
اجازه وتقضي يوم كامل معاه

ساعدتها كريمه بانها طلبت المطعم
وقالتلهم انها محتاجاها يوم تساعدها وطبعاً
هتعوض المطعم فوافقوا من غير نقاش
قضت اليوم كله مع بعض في شاليه خاص
اجره ادهم ليوم ..لعبوا كتيو ونزلوا الميه
واستمتعوا بكل لحظه لحد ما خلص اليوم
ليلي: الشمس خلاص هتغيب نفسك في ايه

تاني؟؟

ادهم: نفسي انها ما تغيبش

ليلي ابتسمت

ليلي: اطلب حاجه اقدر عليها

ادهم: ولو طلبت هتعملي اللي اطلبه

ليلي: طبعا ودي محتاجه سؤال

ادهم سكت شوويه ومسك وشها بايدو وقرب

عليها وقالها(نفسى في ده) قلبها كان بيدق

بسرعه وهو بيقترب عليها وحست انه ممكن

في اي لحظه يخرج من صدرها. ادهم بيقترب

وهو مش عارف هيا هتفضله ولا؟ قلبه برضه

كان بيدق بسرعه واخيرا لمس شفائيفها بكل

رقه لانه مش عارف رد فعلها ولما لقي

ايديفها بقت حوالين رقبتو ضمها جامد لصدرو

..اخيرا قدر يبعد عنها+

ادهم: ليلي تقبلي تتجوزيني؟؟

سكتت ليلي ومعرفتش تنطق..هو ممكن كل

احلامها كده تتحق بالسهوله دي؟؟ممكن

اخيرا ربنا هيعوضها عن كل اللي قاسته
طول حياتها؟ ممكن حبيبها يبقي اخيرا
شريك حياتها؟

ادهم فهم سكوتها ان سؤاله كان صدمه ليها

ادهم: عارف انه طلب صعب انك تربطي
حياتك بواحد اعمي و..

ليلي حطت ايدها علي شفائيه ومخلتوش
يكمل لانها مش عايزه تتضيع سحر اللحظه
باي كلام

كل واحد كان بيفكر بطريقه مختلفه

ليلي: اسكت يا ادهم ما تتكلمش اسكت...
انت مش فاهم حاجه

ادهم: هسكت بس فكري شويه وردي عليا

ليلي: افكر في ايه الموضوع مش محتاج
تفكير اصلا ..ادهم انا..

المره دي هو اللي سكتها لانه خايف انها
ترفض وتصحيه من حلمه هو فهم انها
رافضه حتي التفكير لكن هيا قصدها انها
بتعشقه ومش محتاجه اصلا التفكير

ادهم: فكري وخدي وقتك ولما اقابلك تاني
رددي عليا ودلوقتي يالا علشان ما تتأخريش
مشيوا ومحدث فيهم عرف يقطع الصمت
اللي خيم عليهم

ليلي خايفه انه يكون حس بانه اتسرع في
طلبه وهو خايف انها تصحيه من اجمل حلم
عائش فيه

اتفقوا يتقابلو تاني يوم ويسمع ردها بنفسه

جه تاني يوم وادهم مستني علي نار ان ليلي
تيجي او تتصل بيه ..كريمه لما لاحظت حاله
ابنها عرضت انها تتصل بليلي لكن ادهم
رفض تماما الفكرة دي وقالها انه عارف انها
مش هتيجي النهارده بس كان عايز يتأكد
..لكن من جواه كان بيتمني انها تيجي
وفضل يأنب نفسه علي غباؤه هو ليه
استعجل يصحي من الحلم اللي كان عايش
فيه ..غبي كان لازم تستمتع بكل لحظه
تقضيها معاها مش تتطمع في اكثر من اللي
هيا بتديهولك ..ازاي تتطمع ان واحده في
جمالها ترتبط بيك يا اعمي انت نسيت
نفسك ولا فهمت طيبتها انها هترضي
تتضحى بجمالها علشان خاطر ايه يعني
غني لو كان الغني نفعك يا اعمي كان
ينفعها هيا ..ازاي واحده زيها واحده خلت ابن
عمها من كتر جمالها يغير ويوصفها عكس

ما هيا الا اذا كانت فعلا جميله لانه عارف ابن
عمه مش بيطمع غير في الحاجات النادره
ازاي وصل نفسه للمرحله دي؟؟؟؟؟

اسئله هتفجر دماغه وفي كل لحظه بيلعن
اللحظه اللي اسرع فيها وطلب منها انها
تتجوزه ..علي الاقل كانت فضلت جنبه حتي
لو بدافع الشفقة كان هيبقي ارحم بكتير من
عدم وجودها في حياته

وعدي يوم ورا يوم وليلي مش بتظهر ،،وكل
يوم يعيش علي امل انها هتيجي وتقوله اي
سبب او حتي ترفضه وتطلب انهم يبقوا
اصحاب وهو مش هيرفض المهم يحس بيها
جنبه تاني اي شىء هيكون ارحم من غيابها
بالشكل ده

ادهم رجع لوحده تاني ولحبسته تاني بس
المره دي اصعب لان قلبه كمان بقي موجوع
ولاول مره محتاج لحد جنبه

كريمه فضلت تراقب ابنها من بعيد وهو
حالته بتتدهور اكثر من الاول كان اخيرا تقبل
عماه وبدأ يعيش...لازم ترجع لابنها الضحكه
تاني وبأي تمن..هيا مش تقدر ترجع لابنها
نظره بس تقدر ترجعله حبيبته مهما يكون
التمن

وبعد اسبوعين علي غياب ليلي..ادهم كان
طالع اوضته بدري عن معاده بتاع كل يوم
وهو طالع سمع امه بتكلم المحامي وصوتها
كان متنفز جدا فقرب يشوف امه مالها
وياريتها ما قرب

كريمه: يعني ايه مش عارف تقنعهم
؟؟يعني ايه هاه؟

زود الفلوس اللي عرضتها عليهم دول ناس
فقرا ..زغلل عنيهم بالفلوس وفي الاخر
هيقبلو لازم يقبلوا انت فاهم؟

المحامي: انا عرضت عليهم مبلغ كبير جدا
انا وصلت معايم لحد ٢٠٠٠٠٠٠ وهما مش
موافقين دول ناس طماعين قوي

كريمه: انا متهمنيش الفلوس ..ضاعف
المبلغ المهم ليلى ترجع لابني ..ابني اول مره
يحب ..حياته بتجري وانا واقفه بتفرج عليه
انا عايزه ليلى ترجع باي تمن ..باي تمن
فاهم؟ ادفع لحد ما يوافقوا المهم ليلى
تفضل جنب ادهم...مفهوم؟

ادهم حس ان الدنيا كلها بتلف بيه ..حس انه
رجع للحظه اللي عربيته اتخبطت فيها
والدنيا كلها لفت بيه مع صمت كل حاجه
سكتت مره واحده ..مش عارف ازاي وصل

لاوضته ..هو للدرجه دي وصل .؟؟؟؟ وصل
لدرجه ان امه بتشتريه واحده ومين الواحده
دي؟؟؟ليلي حبيته ..كل احلامه انهارت وكل
الاعذار اللي كان بيحطها انهارت للدرجه دي
هو رخيص قوي

فضل يدعي ربنا من جوي قلبه ان ليلي
ترفض ومتوافقش علي الاقل تفضله ذكري
لحظات حلوه قضاها معاها فضل يدعي انها
تقدر حبه اكثر من كده وانها ما تقبلش تبيع
الحب باي ثمن

حب...هو اللي كان بينهم كان اسمه حب ولا
هو كان اعمي في كل حاجه وافتكر ان عطفها
حب ولا ممكن تكون امه طلبت منها تفضل
معاها وتسلي ابنها ولما لقت انه هيكبر
الموضوع وعايذ يتجوزها هربت ولقت انه

ميستاهلش انها تضييع عمرها مع واحد

اعمي ؟؟؟؟؟؟؟

+ShiMoOo

+

واصل قراءة الجزء التالي

الجزء ٦ ShiMoOo

+

الحلقة السادسة

كبرياء اعمى

كل يوم كان بيعدي علي ادهم كان بيفرح ان

ليلي ما ظهرتش ..لان+

+

ده معناه انها مش هتبيع نفسها بالفلوس..

لحد ما جه يوم وهو قاعد نفس مكانه سمع

صوتها واول ما سمعه+

وطي راسه وغمض عنيه ودمعه نزلت من

عينه غصب عنه+

مسحها قبل ما حد يشوفها

ليلي: ازيك وحشتني قوي

ادهم مردش وهيا جت من وراه ووطت عليه

وحطت ايديها حوالين+

رقبته وضمته ليها وهو قاعد مش بيتحرك

ليلي: ايه مش وحشتك ولا ايه؟؟ ساكت ليه

مش بترد

ادهم: ساكت يمکن تمشي لوحك كده من

غير كلام

ادهم کان بیتکلم بیروود و ملامحه جامده
ولیلی مستغربه قسوته دی

لیلی: انت بتکلمنی کده لیه ؟؟؟؟

ادهم: ایه الی جابک؟؟ راجعه تانی لیه؟؟؟

لیلی: ادهم انا کان عندی ظروف منعتنی
اجی الکام یوم الی فاتوا+

دول انا اسفه بس غصب عنی..

ادهم: طیب ودلوقتی راجعه عایزه ایه؟؟؟

لیلی: ادهم ارجوک ما تتکلمش معایا کده

ادهم: ده الی هو ازای یعنی؟؟

لیلی: بیروود کده... کأنی فارضه نفسی علیک
.. انا متعودتش منک+

علی کده

ادهم: اه سوري ... بس اصله خلاص

ليلي: خلاص ايه بالظبط؟ انا مش فاهمه

ادهم: يعني لازم اقولها صريحه . ماتمشي

وخلاص

ليلي: تقول ايه؟؟ ايوه قولها صريحه لاني

مش فاهمه اي حاجه+

منك

ادهم: خلاص يا ليلي اللعبه قدمت وزهوتها

راحت .. ودور الحبيب+

ده خد وقته وراح مبقتش حابه... اوعي تكوني

صدقتي اني بحبك+

بجد وعاييز اتجوزك فعلا

ليلي: امال كنت عاييز ايه؟

ادهم: يعني هكون عايز ايه؟؟؟ اي راجل
بيعوز ايه من واحده+

ست وخصوصا لو مش من مستواه؟؟؟؟
اعتقد واضحه

ليلي وهيا مش مصدقه اللي بتسمعه

ليلي: اه واضحه وانا صدقتك وافتكرتك
بتحبنى صح؟ كنت غبيه

ادهم: سوري بس مشكلتي اني بزهد بسرعه
ويمكن علشان كده+

متجوزتش لحد دلوقتي

ليلي: انت بقيت كده ازاي انا حاسه اني مش
عرفاك؟؟ انت ازاي+

بتتكلم كده؟

ادهم: انا اتكلم براحتي... هو انتي مش كنتي

بتاخدي اجرتك كامله+

ولا ايه؟؟ يعني مخسرتيش حاجه.. ولا انتي

كنتي طمعانه في اكثر+

من كده.. لا يا جميل فوقي لنفسك وفوقي من

الاوهام دي

ليلي حست فعلا انها كانت في حلم وافتكرته

بجد وعاشت فيه+

ودلوقتي بتفوق علي كابوس.. ماهو ما

ينفعش واحد زيه اصلا+

يبص لوااحده زيها.. لقت دموعها نازله

ومعرفتش تسيطر عليها+

وبدأت تبكي بصوت عالي ومش عارفه

تسكت

ادهم للحظه كان عايز يضمها ويقولها ما

تبكيش ..ويقولها انه مش+

بس بيحبها ده بيعشقها وفعلا كان هيقرب

بس افكر امه وهيا بتقول +

للمحامي ادفع لحد ما يوافقوا فوقف مكانه

ادهم: شوفيلك مكان تاني عيطي

فيه..مبحبش النكد

ليلي مشيت وهيا بتعيط وبتجري ..كريمه

شافتها فجريت وراها+

وبتنادي عليها

كريمه: ايه يا ليلي مالك؟ بتعيطي ليه؟

ليلي: لا مفيش حاجه (بتمسح دموعها) انا

بس مروحه

كريمه: بسرعه كده؟؟ انت ليه سايبه ادهم يا

ليلي انتو اتخانقتوا+

ولا ايه؟

ليلي: مش انا اللي بسيبه (وبدأت تعيط تاني)

كريمه ضمتها وبتهديها

كريمه: متزعليش ..هو بس زعلان علشان

بعدي عنه الفتره اللي+

فاتت دي من غير ما تكلميه ..شويه كده

وهيهدي وهتشوفي

ليلي: انا بعدت غضب عني ...ده حتي ما

ادانيش فرصه اوضحله

كريمه: هتيجي الفرصه بس اتني اصبري

عليه بس يهدي تعاليله+

بكره

ليلي: ولو رفض يقابلني

كريمه: واحنا من امتي بنستأذنه

ابتسمت كريمه لليلي ومشيت ودخلت

كريمه لابنها لفته حاطط +

راسه بين ايديه وحست انه بيتعذب لوحده

كريمه: ايه يا ادهم مالك؟

ادهم رفع راسه وابتسم لامه: لا سلامتک

مفیش. صداع مش اکر

كريمه: ليلي مشيت زعلانه ليه؟

ادهم اتنرفز: وانا مالي زعلانه ليه..كنت

مسؤل عنها ولا ايه؟

ليلي: يا ابني هيا بتحبك ليه زعلتها بس

ادهم: بتحبني؟؟؟ حب ايه اللي بتتكلمي عنه

ده هاه؟ قال حب قال

الجواز وبس .ريحي نفسك انا مش هتجوز

وريحيني معاكي بقي +

ارحميني بقي من توقعاتك دي ارحميني

دي كانت اول مره ادهم يعلي صوته كده

علي والدته بالطريقه دي

طلع اوضته وهو في نار جواه وبيفكر مع

نفسه

ايه اللي انت عملته ده؟..من امتي بتعلي

صوتك علي والدتك +

بالشكل ده؟؟؟ من ساعه ما بدأت تتدخل في

حياتي ..هيا اللي +

عملت كده فيك ..هيا اللي بتجرحك بالشكل

ده...لأ هيا مش قاصده +

هيا حسـت انك بتحب ليلي فحاولت
تقربها لك.... تقوم تشتريها لك +

بالفلوس؟؟؟ وايه يعني اي ام بتحاول تسعد
ابنها بالطريقه اللي +

شايفها صح..وبعدين لو حد غلطان هيبقي
ليلى لانها قبلت الفلوس +

متضحكش على نفسك ..امك عرضت وليلى
وافقت...

ادهم نزل لامه

ادهم: ارجوكي يا امي سا محيني مكنش
قصدي اعلى صوتي كده

كريمه: بس لو تقلي اللي جواك لو تخليني
اشيل معاك بس

ادهم: تشيلي ايه بس؟ ممكن ما تشغليش

بالك انتي بس.. صدقيني+

انا كويس وموضوع ليلي ده لو سمحتي

اقفليه

كريمه: طيب انت بتحبها ولا؟

ادهم: ارجوكي اقفليه

عدي كام يوم وكل يوم ليلي بتيجي وادهم

بيعاملها بمنتهي البرود+

وبيمشيها وكريمه بتراقب بصمت لانها

متأكده ان ابنها بيحب ليلي+

ومش عارفه تعمل ايه؟؟؟ وكل يوم صحتها

بتتدهور من زعلها+

علي ابنها اللي مصر يدفن نفسه

بالحيا... وفعلا بدأ قلبها يجهد+

ويتعب لان اصلا قلبها تعبان من الاول
وفي يوم تعبت جدا ونقلوها المستشفى
والدكتور قال ان قلبها تعبان+

ومحتاج تدخل جراحي وطلب يبعدوا عنها
اي شيء بيتعبها

الدكتور: انا اسف بس والدتك محتاجه تدخل
جراحي في اقرب+

وقت والمشكله انها رافضه تدخل العمليات
..ومن غير عمليه ...

ادهم: من غير عمليه ايه؟؟ قولها

الدكتور: من غير عمليه هتكون معرضه في
اي لحظه ان قلبها+

يقف او تجليها جلطه ..لازم تقنعها باي
طريقه

ادهم: هحاول بعد اذنك

ادهم دخل لامه

ادهم: ايه يا كرملي بتخزيني عليكي ليه يا

جميل هو انتي مش+

عارفه غلاوتك ولا ايه؟

كريمه: ما تخافش يا حبيبي دول شويه تعب

وهيروحو لحالهم

ادهم: لا يا امي دول مش شويه تعب

هتفضلي مخبيه لحد امتي؟+

وبعدين سيادتك رافضه العمليه ليه؟

كريمه: انا مش محتاجه عمليات يا ادهم

متصدقش الدكاتره دول

ادهم: دلوقتي بتقولي ما اصدقش الدكاتره

بس لما يطلبوا مني انا+

اعمل عمليه اول واحده بتترجيني اوافق
انتي

كريمه: انا كويسه ومش محتاجه عمليات
وانا عارفه مصلحه نفسي+

كويس

ادهم: وانا كمان عارف مصلحه نفسي
كويس

كريمه: انت عايز توصل لايه يا ادهم

ادهم: انا مش عايز غير انك ما تسينيش
ابدا انا محتاجلك وانتي+

عارفه كده كويس

قرب منها ومسك ايديها وباسها: ارجوكي يا
امي علشان خاطري+

ما تتخليش عني

كريمه: يا حبيبي انا عمري ما اتخلي عنك

ابدا

ادهم: ماهو انتي لما ترفضى العمليه تبقي

بتتخلي عني

كريمه: لا يا حبيبي انا مش هقدر اسيبك

وحدك وامشي ..مش+

هقدر قلبي مش هيطاوعني ..بس لو انتي...

ادهم: لو انا ايه بس ارحميني ...انا مش

لوحدي معايا الخدم

كريمه: انت فاهم انا بتكلم عن ايه ..هيا كانت

بين ايديك وانت+

بتضيعها منك ارجوك يا ادهم انت بتقتلني

بوحدتك دي ارجوك ما+

تنهيش حياتك بالشكل ده علشان خاطري

انا

عيطت كريمه بين ايدين ابنها وهو بيحاول

يهديتها لان العياط+

هيتعب قلبها زياده

ادهم فضل مع والدته وهو مش عارف

يقنعها وبدأ يهزر معاها+

ويضحكها وجواه خطه بتترسم لازم يبدأ

ينفذها في اسرع وقت لو+

عايز ينقذ امه

تاني يوم اخذ امه وروحوا ليلي جت لما

عرفت ان كريمه تعبانه+

وقبل ما تدخل عندها ادهم نادي عليها

ادهم: اقعدي يا ليلي عايزك في موضوع مهم

ليلي: من غير ما تطردني انا هسلم علي

والدتك وامشي علي طول

ادهم: بقولك عايز اتكلم معاكي اقعدي

ليلي: اتفضل قول سامعاك

ادهم: انا كنت قبل كده سألتك سؤال

ومسمعتش اجابتك لحد دلوقتي

ليلي: سؤال ايه؟

ادهم: الجواز؟

ليلي: انت قلت انك كنت بتتسلي وبتقضي

وقت و..

قاطعها ادهم: انا عارف انا قلت ايه.. دلوقتي

بسألك سؤال موافقه+

تتجوزيني ولا لا؟؟؟؟

ليلي: ايه اللي خلاك غيرت رأيك؟ ولا مش

من حقي اعرف

ادهم: لا من حقلك بس بعد ما اعرف اجابتك

موافقه ولا لا؟

ليلي: عايز تتجوزني ليه؟؟ انت بتحبني؟

ادهم: ههههه حب!! ارجوكي خلي الحب بره

الموضوع..الموضوع+

عرض وطلب

ليلي: انا مش فاهمه الجواز بيكون نتيجة

الحب..

ادهم: الجواز بيكون له اسباب كثير جدا مش

شرط ابدأ+

الحب..اعتبريها وظيفه

ليلي: وظيفه!!! وظيفه ازاي يعني؟

ادهم: هقولك... امي تعبانه جدا ومحتاجه

عمليه ضروري بس مش +

راضيه تعملها علشان انا لانها مش عايزه

تسيبني والحوار ده فانا+

محتاج اقنعها اني مش لوحدي واني معاياي

مراي حبيبي وبكده+

هيا هتتظمن وتسافر تعمل عملياتها اعتقد

كده فهمتي؟

ليلي: لا مش فاهمه انت عايزيني اتجوزك

بجد ولا تمثيل

ادهم: لا طبعا جواز بجد مش هينفع امثل ده

هيا بنفسها هتجهز كل+

حاجه فمش هينفع يكون تمثيل ..

ليلي: انا اسفه لأ مش هقدر..مش هقدر

اتجوزك بالشكل ده

ادهم فهم انها مش عايزه تتجوزه كده من

غير تمن

ادهم: ما تخافيش كله هيكون بتمنه اللي

هتطلبه هيتنفذ وبعدين ما+

تقلقيش وظيفتك هتنتهي اول ما والدتي

تعمل العمليه وزى ما قلت+

هعوضك تعويض مناسب ..وعلشان

تتطمني اكثر جوازنا هيكون+

علي الورق بس وقدام الناس وامي ..

ليلي كانت بتسمع ادهم وهيا مش مصدقه

..هو ممكن كانت+

مخدوعه في ادهم بالشكل ده؟ هو فعلا كان

بيمثل الحب وهيا+

صدقته؟ بس هو بيعمل كده علشان بيحب

امه يبقي هو عنده قلب+

هيا سبق قبل كده وخرجته من عزلته وزى

ما عملت ده قبل كده+

هتتعرف تخليه يحبها..هيا هتحبه نيابه عنها

وعنه هيا حبها كفايه+

حبه مهما يكون صعب بس بعده عنها

بيقتلها المهم انها هتكون جنبه+

ومع الوقت هتتعرفه وهتخليه يحبها

ليلى: انا موافقه يا ادهم اتجوزك

ادهم غمض عنيه وحس بقلبه بيوجعه قوي

كان عنده امل اخير انها+

ترفض وتقوله انها هتتجوزه علشان بتحبه

مش علشان عرض+

عليها فلوسه .كان نفسه تقول اي حاجه او

حتي ترفض خالص بس+

مش توافق بالطريقه دي

ادهم: تعالي نقول لامي ان احنا اتصالحنا

وهتقوليلها اني كنت+

زعلان منك علشان اختفيتي من غير سبب

مفهوم

ليلي: مفهوم

ادهم: عايز اللي يشوفنا يقتكر ان احنا بنحب

بعض

ليلي: ما تخافش

ومقدرتش تنطق اكثر من كده لانها لو

اتكلمت هتعيط

ادهم فهم موافقتها دي لانها بتعرف تمثل

كويس جدا

بلغوا والدته بالخبر وهيا فرحت جدا

كريمه: مش قلتك يا ليلي هو زعلان بس

شويه وهيهدي

ليلي: اسفه اني مصدقتكيش

عيطت ليلي قدام طيبه كريمه وكريمه

ضمتها

كريمه: عارفه انها دموع الفرحة ..من هنا

ورايح مش عايزه غير+

الفرح في بيتنا

ادهم: ما تخافيش مش هتشوفي غير الفرخ
..وبمناسبه الفرخ مش+

هتجهزيلنا فرخ صغير كده علي قدنا ولا
نأجله لحد ما تتحسني

كريمه: لا نأجل ايه ده انا هعملك فرخ
محصلش

ادهم: لا يا امي بقولك فرخ صغير

كريمه: لا يا ادهم هعمل فرخ كبير جدا

ادهم: لو هتصري علي موضوع الفرخ ده
يبقي شوفيلك عريس+

غيري مش هقعدي في كوشه وفرخ مش
عايزوالموضوع ده منتهي

كريمه: بس يا ادهم

ادهم: ما بسش .يا اما تلغي موضوع الفرحة

الكبير ياتلغي فكره+

الجواز نفسها

كريمه: خلاص براحتك

وفعلا جهزوا كل حاجه علشان يتجوزا

وكريمه الفرحة مش+

سايعاها

ونكمل بكرة

يا تري هيتجوزا فعلا ولا حد هيمنع الجوازه

دي؟

ليلي صح انها توافق ولا مكنش المفروض

توافق انتو شايفين ايه؟

ادهم اللي عمله ده صح ولا غلط؟

رايكم ايه في كل شخصيه؟

حمدي هيكون له دور ولا هيتقبل جواز ابن

عمه؟

ShiMoOo1

+

واصل قراءة الجزء التالي

الجزء ShiMoOo ٧

+

الحلقه السابعه

كبرياء اعمى

اتجوز ادهم وليلي في فرح هادي جدا
محضروش حد غير كريمه وام ليلى وجوز
امها اللي ادهم ما ارتحلوش نهائي..تم الفرغ
في هدوء شديد وبعد الفرغ مشيت الام
ورجعت بيتها علشان تسيب العروسين

لوحدهم .. ادهم ساب امه تمشي لانه
مكانش هيقدري مثل اكر من كده ويرسم
علي وشه سعادته مزيفه.

بعد ما الكل مشي فضل ادهم وليلي
لوحدهم وحواليهم جو من التوتر رهيب
..قربت ليلي من ادهم واول ما لمستته بعد
عنها

ادهم: ما تلمسينيش..مش فاكر ان اتفاقنا
فيه لمس

ليلي: ادهم ارجوك ما تعملش فيا كده

ادهم: انا ما عملتش فيكي اي حاجه..كل اللي
عايزه منك تقنعي الناس بجوازنا لكن واحنا
لوحدنا خليكى بعيد ..وزي ما قلت ده لحد
ما امي تعمل العمليه

ليلي: وبعد كده؟؟

ادهم: تكون مهمتك خلصت

سابها ومشى وراح لمكانه المفضل ..عاشوا

كام يوم في صمت وادهم مش بيتكلم الا

علشان يرد علي سؤال سألته

ليلي بتفكر هتستحمل قسوته دي لحد

امتي وهتقدر تخليه يحبها ولا هيا مكتوب

عليها الفشل من البدايه؟

وادهم بيفكر هيقدر يقاومها لحد امتي ؟

بس لو يبطل يحبها!!!!

جيه معاد رجعوهم لمصر ..ادهم متوتر جدا

لانه اول مره هيواجه اصحابه واهله من بعد

الحادثه كان متوتر لدرجه سمح لليلي

تمسك ايده وهما نازلين من العربيه لانه كان

عنده يتنازل ويمسك ايديها ارحم مليون مره

ليقع قدام الناس

ضغط ادهم جامد علي ايد ليلي كان نفسها
تضمه وتطمنه زي زمان بس هو مش
هيتقبل منها ده

لقوا ناس كتير في استقباله .امه اول واحده
استقبلته وبعد كده جه حمدي يرحب بيه
ومسك ايده

حمدي: اهلا بيك في بيتك ...

سلم كمان علي ليلي

اصحاب ادهم كلهم كانوا موجودين .كان
بيسلم علي الكل بجمود وبيرحب بيهم بهدوء
شديد ..لحد ما جت واحده تسلم عليه واول
ما ادهم سمع صوتها اتوتر

ادهم: سهيله ازيك متوقعتكيش هنا

سهيله: ازاي تكون جاي ومكنش في

استقبالك

سلمت علي ادهم وباسته وضمته كأن هو
ملك ليها وبعد كده سلمت علي ليلي ببرود
ليلي عرفت انها كانت خطيبه ادهم وسابته
بعد الحادثه والكل لامها علي ده ..فكرت ليلي
علشان كده ادهم كان مجروح علشان كده
حاول يحب ليلي ومقدرش هو ده سبب
تعاسه ادهم...ده كان تفكير ليلي.....

دخلت ليلي اوضتها وكانت افخم اوضه
شافتها في حياتها اوضه كانت جاهزه
لاستقبال عروسين .طبعا كان فيها حمام
خاص لما دخلته لقت فيه باب تاني فتحتة
لقتة بيطل علي اوضه تانيه صغيره شويه
عرفت انها لادهم لانه طلب من امه انهم
يكونو في اوضتين منفصلتين بحجه انه مش
بينام كتير وبيقلق اكثر فعلشان ما يضايقش

مراته طول الليل لانه بتعدي عليه ليالي كثير
مش بينام فيها .فساعتها يسهر لوحده فيها
دخلت الحمام واستمتعت جدا بحمامها وهيا
خارجة لفت نفسها بقوطه محستش ليلي
بالباب بيتفتح ولا بدخول ادهم وهو لابس
برنس الحمام واتفاجئت بيه ومعرفتش
تعمل ايه تخرج بهدوء ولا تتكلم ..ادهم حس
انه مش لوحده

ادهم: مين هنا

خافت ومردتش عليه

ادهم: مين هنا؟ انا عارف ان في حد هنا

ولسه بيقرب فكان هيقع فجريت عليه

سندته قبل ما يوقع

مسكها من كتافها وطبعا كانت عريانه لانها

يدوب لافه الفوطه بس

ادهم بصوت واطي: ليلي

حاول ادهم يبعدها بس مش عارف وفضل

ما سكها من اكتافها وبيضغط عليها بايد

جامد

ليلي: انا اسفه حاولت اقفل الباب بس

معرفةش

ادهم جامد مكانه ولا قادر يبعد ولا قادر

يسيبها..واخيرا العاطفه تغلبت علي الكبرياء

فضمها جامد ليه واتكلم بصوت واطي حنون

هيا مفتقده

ادهم: اصحابي قالولي انك جميله جدا ..

قالولي بالحرف اني قطفت اجمل ورده في

البستان واتزينت بيها

ليلي كانت بتترعش بين ايديه ومقدرتش

تنطق او ترد عليه

ادهم: تسمحي لي احكم بنفسي؟؟ مش عارف

اكمل الصوره اللي راسمها ليكي مش عارف

اتخيل مراقي اللي الكل بيحسدني عليها

حط ايديه علي جسمها وبدأ يتعرف عليه

وبيتخيلها جواه وردد كلمات اصحابه

: شعر اسود طويل وعنين واسعه وجميله

وشفايف زي الورد البلدي

كان بيتكلم وايده بتتحرك مع كلامه. نزلت

ايده علي باقي جسمها

ادهم: بشره زي الاطفال منتهي النعومه

وجسم يخلي القديس يفقد عقله+

ادهم في اللحظه دي فقد كل سيطرته اللي

بيحاول يعملها من ساعه ما تجوزها+

بعد ما ادهم طفي ناره رجعله صوت عقله

تاني علشان يخليه يندم علي استسلامه

لعواطفه بالشكل ده فبعدها عنه وقالها
بصوت مخنوق: انا اسف اغفيري لي تصرفي ده
ماكنش المفروض ده يحصل ...

ادهم قتل اي امل جواها انه يحبها فسكتت
ادهم: انا معنديش اعدار اقدمها فسامحيني
انا اسف يا ليلي

اتفاقنا مكنش فيه ده

ليلي حست للحظه انه متردد فقامت
وحاولت تحط ايديها حوالين رقبتة علشان
تضمه وتتطمئه بس ادهم مسك ايديها
جامد فصرخت

ليلي: ادهم انا مراتك والي حصل ده طبيعي
فارجوك ما تعتذرش

ادهم ببرود: كان عندي هدف من جوازي بس
مش هو ده ..انا ما اتجوزتكيش علشان
متعتي الخاصه

ليلي: انت ليه قاسي كده حرام عليك؟+

ادهم : اعتبريها قسوه ..اعتبريها
صفقه..اعتبريها اي شيع لكن انا من الاول
واضح معاكي ...انا اتجوزتك علشان
استخبي فيكي من ناس تانيين ..عايزك
تحميني من تطفلات البنات محدش هيقرب
مني طول ما انا متجوز ..اتجوزتك علشان
تكوني عنيا لاني من يوم ما عرفتك ديما
صريحه وبتوصفيلي كل حاجه قدامك
فعايزك تكوني عنيا توصفيلي كل اللي
بيحصل حواليا...اتجوزتك علشان امي
تتظمن اني مش لوحدي فتسافر تعمل
عملياتها...لكن ما اتجوزتكيش ابداء علشان

المتعہ ..دي اسبابي لكن انتي اسبابك

ايه؟؟؟هاه اتجوزتيني ليه؟؟؟؟

ليلي: كل واحد زي ما انت قلت عنده اسباب

خاصه انت قلت اسبابك لكن انا افضل

احتفظ باسبابي لنفسي

هنا هو سابها وخرج ..وهيا فضلت في وحدتها

تفكر هتستحمل لحد امتي اي امل كان

موجود انه يحبها اتبخر ..طيب تسيبه

وتمشي بس كريمه طيبه جدا معاها وحاطه

امل كبير عليها علشان تسعد ابنها ..هيا

ملهاش حد تروحله ..

وصلت اخيرا لقرار ريحها هيا هتفضل جنبه

بس مش هتفضل القطه الوديعة اللي

بتطيع كل نزواته وتستجيب لاوامره ومش

هتستسلم لقسوته تاني وهتكون ليها حياتها

الخاصه

يا تري ليلي هتعمل ايه معاه؟

ادهم هيقابل تمرد ليلي ازاي ؟

حمدي هيتفرج من بعيد علي الحرب الباردة

اللي شايفها ولا هيشارك؟

سهيله هتدخل حياه ادهم تاني ولا هتحاول

ترجع؟

كريمه هتعمل ايه في كل اللي بيحصل

حواليها؟ وياتري لو ادخلت هتصلح ولا

هتخرب اكثر بينهم؟

+ShiMoOo

+

واصل قراءة الجزء التالي

الجزء ٨ ShiMoOo

+

الحلقه الثامنہ

كبرياء اعمى

ليلى قررت انها متبقاش زي القطه اللي

ماشيه وري صاحبها+

+

وقررت انها هتكون قاسيه زيه

جه وقت العشا ونزلت ليلي لقت حمدي

لوحده واول ما شافها

حمدي: جميله الجميلات ..انا مبسوط انك

نزلتي بدري علشان+

اتعرف عليكي اكثر

ابتسمت ليلي لان حمدي كان من

الشخصيات العفويه وجذاب ومن+

المستحيل حد يقاوم خفه دمه

حمدي: عندك مانع نشرب عصير قبل

العشا عقبال ما الباقي ينزل

ليلي: اوك ماشي شكرا

فضلت ليلي تشرب العصير وبتدعي في

سرها انهم ينزلو ومش+

يتاخرو علشان ما تفضلش لوحدها كتير

حمدي: اكيد سهيله هتعمل المستحيل

علشان تتحدي الاشاعات+

اللي بتهدد مركزها كاجمل واحده هنا

ليلي بهدوء: انت قصدك تهدد مركزها قدام

ادهم بالذات؟؟؟

عضت ليلي علي شفايفها في انتظار رده وهو

لما لاحظ توترها

حمدي: ما تقلقيش مافيش حاجه بينهم

..حتي لو كان فيه في يوم من +

الايام فانتهي من زمان ..الكل استغرب من

اصرارها انها تكون +

موجوده في استقباله علي الرغم من انها

عرفت انه اتجوز

ليلي: قصدك انها ممكن تحاول تصالحه تاني

؟؟

حمدي: محدش يقدر يتكهن سهيله بتفكر

في ايه من سنين وهيا +

مخفيه وعلي الرغم من انها شريكه لينا في

شركاتنا وانها كانت +

مهتمه جدا بالشغل لما ادهم كان موجود الي

انها اختفت بعد +

الحادثه ومره واحده ظهرت واتصدمت جدا

لما عرفت بخبر+

جوازه ورغم انها عمرها ما تقدر تعيش مع

واحد اعمي لانها ديما+

تحب ان اللي حواليتها يتغزلو في جمالها...بس

فكره ان واحده+

خطفت منها ادهم جننتها...خلي بالك منها

هيا ممكن تكون شريره+

جدا وممكن تدفعك تمن خيبه املها

اسودت الدنيا في عين ليلي اكثر..لان سبب

جديد اضاف لقايمه+

الاسباب اللي خلت ادهم يتجوزها..سبب

فضل يحتفظ بيه لنفسه+

وهو انه عايز ينتقم من حبيبتة اللي هجرتة

لما بقي اعمي

قامت وقفت حست ان الدنيا كلها بتلف بيها

وفعلا كانت هتقع لولا+

حمدي مسكها وفي اللحظة دي بالذات دخل

ادهم وسهيله ماسكه+

ايداه علشان تعرفه الطريق

سهيله: الظاهر يا ادهم ان حمدي بدأ يمارس

سحره ...اه لو+

تشوفهم يا ادهم دلوقتي وهما اد ايه

منسجمين

حست ليلي بادهم وهو بيحاول يداري غضبه

ولسه هيتكلم دخلت+

كريمه ..حست الام بجو غريب في الاوضه

بس ادهم اول واحد+

اتكلم :يالا بينا نتعشي لاني واقع من الجوع

طالما جيتي يا امي

فجأه سهيله سألته: ادهم انت عرفت منين

ان امك دخلت

ادهم: برفان امي مميز جدا وحتى طريقه

مشيها مميزه متنسيش ان+

حاسه السمع عند الاعمي بتكون عاليه

اتعشوا وفضلت سهيله طول الوقت

مستحوذه علي اهتمام ادهم

عرفت ليالي ان غريمتها مش سهله وممكن

في اي وقت تاخذ ادهم+

منها وبسهوله كمان

سهيله: ادهم بما انك اخدت اجازة طويله
كفايه بقي وارجع بقي ..+
اشتغل معنا تاني ذكائك هنستفاد منه كثير
وانا هكون عنيك
ادهم اتوتر جدا واضايق من كلامها
سهيله: انت كان ليك دور كبير في الشركه
وغيابك اثر كثير علي+
مستوي الشركه وحمدي مش قادر يملي
الفراغ بتاعك
حمدي اتضايق جدا منها وليلي كمان حس
بالشفقه عليه فبالرغم+
من هزاره المستمر الي ان جواه حزين لانه
مهما يعمل بيقارنوه+
بادهم وهو مهما يعمل مش عارف يكون زيه

ادهم: انا متشكر جدا لثقتك دي يا سهيله

..بس ارجوكي متدخليش +

في اللي ميخصكيش وبعدين انا وحمدي كنا

ديما علي اتصال وانا+

غايب ..اما بالنسبه لعرض انك هتساعديني

وهتكوني عنيا فشكرا+

علي عرضك لان عندي مراتي وهيا هتساعدني

كلامه وجع سهيله بس هيا لازم يكون ليها

الكلمه الاخيره فقامت+

من مكانها وراحتله وحضنته

سهيله: عندك حق وانا اسفه لتدخلي

سامخني يا صاحبي

ادهم: ما تطلبيش السماح يا سهيله الجميله

انت عارفه كويس ان+

احنا ما بيناش الاسف ولا ايه؟

سهيله كانت عايشه معاهم في الفيلا من

ساعه ما ابوها مات لانه+

كان شريك معاهم وبعد موت ابوها عاشت

معاهم واشتغلت مكان+

ابوها فطبيعي انها تكون موجوده

كريمه: ليلي لو حابه تغيري حاجه في البيت

براحتك..ده بيتك+

وانتي عروسه البيت ده

ليلي: لا يا ماما كل حاجه هنا جميله وعجباي

..انا بحب القديم+

والاثريات

ضحكت سهيله: اثري وقديم؟؟ لازم التجديد

والتغير ..انا عن+

نفسى بحب التجديد ..مثلا شو في فستاني

وفستانكفستاني فريد+

من نوعه لكن فستانك قديم واثري زي ما

بتقولي

الكل سكت وحست سهيله انها تمادت في

غلطتها واتحرجت ليلى+

جدا لكن حمدي لحقها

حمدي: سهيله حبيبه قلبي في بنات كتير جدا

زيك بيلبسوا من+

اشهر مصممي الازياء بس كلكم شبه بعض

نفس الميك اب نفس+

الشكل نسخ من بعض لكن ليلى بفستانها

البسيط عامله زي الشمس+

نورها بيشع من غير ميك اب من غير

تجميل هيا جميله بطبيعتها

كريمه حسه ان الجو هيتوتر لانها حسه ان

ادهم اتضايق من+

غزل حمدي الصريح لليالي

كريمه : كفايه كده سهر .. ادهم خد عروستك

واطلعوا البنه جايه+

من سفر

ادهم: يالا يا ليالي تعالي

حمدي قرب من ادهم علشان يساعده

حمدي: اساعدك يا ادهم

ادهم: لا شكر يا ليالي هتساعدني تصبحوا علي

خير كلكم+

مسكه ليالي ايد ادهم وطلعوا اوضتهم

ادهم اول ما دخل اوضته كان مجهد جدا

..مجهد من كتر التمثيل+

مجهد من الكذب والخيانة اللي حوالية

..مجهد من حبه لليالي..مجهد+

من ذكريات اجمل لحظات عاشها في حضنها

..الذكري لوحدها+

بتتجننه لدرجه كل شويه يفكر انه يضحك

علي نفسه ويروحلها+

ومش مهم اي حاجه تانيه بس للاسف

كبرياؤه بيمنعه

ليالي في اوضتها حسست انها زياده في البيت

ده.. مش لايقه عليه+

وكلها شويه وقت وهو وسهيله يتصالحو

وهيا هتترمي بره وترجع+

تاني لجوز امها وترجع للذل والاهانه من تاني
رجعت بذاكرتها لاجمل يوم في عمرها ..يوم ما
طلب ادهم ايديها

روح ت ليلي اليوم ده اسعد ما يكون ، ، واول
ما دخلت حضنت امها

ليلي: اخيرا ياامي اخيرا

الام: ايه يا بنتي كسبتي اليانصيب ولا ايه ولا
ابواب السما+

اتفتحك؟؟

ليلي: ايوه..ابواب السما اتفتحتلي ..فاكره
الشاب الغني اللي حكتلك+

عنه

الام: الاعمي ده يا بنتي؟؟

ليلي: ايوه الاعمي ...اد ايه هو حنين وجميل

من جواه ..ما تعريفيش+

انا بحبه اد ايه ..والنهارده طلب يتجوزني

الام: يا لهوي يا ليلي تتجوزي اعمي دي

اخرتها؟؟ده اللي+

مفرحك؟؟انتي اتجننتي ولا ايه؟

ليلي: انا مش بس هتجوزه انا لو ينفع اديله

عنيا يشوف بيها ..بس+

هو يشاور

الام: انتي جري لعقلك ايه يا ليلي؟ده اعمي

ليلي: وفيها ايه ..اعمي بس عنده احاسيس

ومشاعر اكثر من اي+

حد ..متعرفيش اد ايه بحس بالامان وانا في

حضنه ..بنسي الدنيا+

كلها ..لما بيلمسني بحس ان انا طايره

هنا دخل عليهم جوز امها عباس

عباس: ياما شاء الله ..مين ده يا بت اللي

انتي بتكوني في حضنه+

هاه؟؟ هو علي اخر الزمن هتجيلنا العار ولا

ايه؟؟؟؟+

ونكمل بكره مع ذكريات ليالي اللي فرقناها

عن حبيبها

ونشوف سهيله هتعمل ايه علشان تسترد

ادهم

ونشوف حمدي كمان هيعمل ايه

+ShiMoOo

واصل قراءة الجزء التالي

الجزء ٩ ShiMoOo

+

الحلقه التاسعه

كبرياء اعمى

وقفنا لما عباس سمع ليلي بتتكلم مع امها

عباس: ياما شاء الله ..مين ده يا بت اللي

انتي بتكوني في حضنه هاه؟؟ هو علي اخر

الزمن هتجيلنا العار ولا ايه؟؟؟؟

ولسه هيقترب منها ويمسكها زقت ايده بعيد

ليلي " وانت مالك انت ؟ وبعدين العار جالنا

من يوم ما دخلت بيتنا

ضربها بالقلم: اخرسي ..الظاهر انك محتاجه

تتربي من اول وجديد

فضل يضرب فيها هيا وامها لما حاولت

تحوش من عليها وحبسها في البيت وعلشان

كده ما عرفتش تروح لادهم او حتي تتصل

بيه

طبعا ما شافتش المحامي لما جه واتفق
مع عباس ولا عرفت اي حاجه عن حوار
الفلوس ده .لان كل الكلام كان مع عباس
حتي امها ماعرفتش حاجه عن الموضوع ده

استغربت ليلي جدا لما جوز امها جه

وفتحلها وسابها تروح لادهم

لان المحامي طلب منه موضوع الفلوس
يفضل سر بينهم وده شيء عجب عباس

جدا

هنا فاقت ليلي من ذكرياتها علي صوت خبط
علي باب اوضتها من ناحيه ادهم ومسحت
دموعها اللي اتفاجئت بيها نازله علي خدها

ليلي: ادخل

دخل ادهم وسألها بتوتر

ادهم: انا اسف بس مش عارف انام فقلت
ممکن نتكلم مع بعض شويه ممکن ولا
هتنامي؟؟

ليلي: ممکن طبعا ..انا كمان مش عارفه انام
ادهم دخل وقعد علي الشباك (الشباك كان
ليه حرف يتقعد عليه)

قعد وفضل يسمع ليلي وهيا بتتكلم عن اي
شيء وكل شي لحد ما اختفي جو التوتر
فسكتت

استغرب ادهم ان ليلي ديما عندها القدره
انها تريحه

ادهم: تعرفي انك انسانه مريحه جدا يا ليلي
وده اكثر شيء شدي ليك من الاساس

ليلي: انت حاول تهدي علشان عقلك يهدي

وكمان جسمك هيستريح

ادهم: كل اللي حواليا عايزيني اهدي وخلص

محدث حاسس باللي انا فيه .انا وصلت

لمرحله ان اقرب الناس ليا بجرحها

ضغط علي ايديه جامد

ادهم: محدش حاسس بيا نهائي محدش

متخيل العذاب اللي انا عايش فيه ..انا بسمع

اصوات وكلمات وبسأل نفسي طول الوقت

يا تري هما قصدهم ايه وببيصولي ازاي؟؟؟

٣ سنين وانا بتعذب من الكذب لدرجه

خلتني مش بثق في اي حد

حتي انتي كنت بثق فيكي لدرجه ما

تتخيليهاش بس يا خساره

ليلي: وايه اللي غيرك ؟ ليه بطلت تثق فيا

ادهم: لانها كانت ثقه مش في محلها ..لاني

استعجلت ووثقت فيكي بسرعه

ليلي افكرت انه ندمان علشان سهيله

واستعجل واربط فيها فسكتت ومرديتش

عليه

ادهم: عارفه لما باكل بفكر ياتري طريقه

اكلي كويسه ولا في اكل وقع عليا؟؟كل

شيء بعمله بكون خايف منه ..حتي امي

وكلامها اللي بتقوله بفكر ليه معني تاني ولا

لأ؟ بس بستحملها لاني عارف انها عمرها ما

هتخوني بارادتها ..لكن انتي يا ليلي (مسكها

من كتفها جامد) كنت فاكر انك طيبه

وحنونه واتصورت انك مبتفكريش بانانيه

..بس خيبتني املي فيكي ومش عارف ليه

خيبه املي فيكي وجعاني اكثر من اي شيء

اكثر من عماياي نفسه انتي مين؟؟؟

انت ملاك ولا شيطان في لبس ملاك؟؟؟؟؟

خافت ليلي من موجه الغضب دي لدرجة
انها ملاحظتش انه سألها سؤال وحست
بالعطف عليه بس فاقت علي صوته ببسألها:

ادهم: ساكته طبعا.. ما انتي لازم تسكتي
هتقولي ايه يعني؟؟

شالها ادهم واخذها علي السرير حاولت
تعترض بس صوتها رفض يطلع..فضلت
تبص للراجل اللي فوقها الاعمي نفسيا
وجسديا..انحني عليها وحست برغبه جواه
بتقتله رغبه مجنونه عايز يسيطر عليها بس
مش عارف..مسك شعرها بايديه وسابه زي
ما يكون فعلا مش عارف يعمل ايه يقرب ولا
يبعد؟؟؟حست ليلي بالنار اللي جواه والحيره
اللي مالياه.اخيرا استسلم ونام جنبها

ليلي مش عارفه تفكر ومش عارفه تحس
بايه الم ولا فرح..حب ولا خجل ... هو بيحبها
ولا بيكرهها؟؟هو عايزها زوجه ولا عايره
يتسلي بيها ويقضي ليلاليه الطويله؟
ادهم نايم جنبها وحست بيه بيتحرك
وبينادي علي اسمها بهمس وشدها بين
ايديه تاني فرحت لانه بيفكر فيها علي الاقل
في احلامه فاسترخت بين ايديه ونامت في
حضنه...سابت اسئلتها متعلقه من غير
اجابات...صحيت لقت نفسها لوحدها
فقامت وقعدت علي التسريحه ومسكت
الفرشه وبتسرح شعرها وهيا سرحانه فجأه
شافت ادهم في المرايا قدامها فوقعت منها
الفرشه

ادهم: خفتي؟؟؟

ليلي: كان المفروض تخبط قبل ما تدخل

ادهم: ليه: كده كده مش هشوفك .وبعدين
مفيش راجل بيخبط علي مراته قبل ما
يدخل عندها ..مش بقيتي مراتي ولا ايه؟؟
قامت ليلي وحاولت تبعد بس ادهم حس
بيها ومسكها قبل ما تبعد

ادهم: انا مش جاي اعتذر علي اللي حصل
امبارح بالليل ..الموضوع ما كنش متحضر
ليه او حتي مرغوب ..هو حصل كده رغبه
مش اكثر

اي امل كان جوي ليلي انتهي ومات
فسكتت ومردتيش ..كل شويه يعمل حاجه
تحسسها ان في امل وبعدين شويه ويحطم
املها

ادهم: متخافيش هتاخدي تعويض اضافي
علي اللي حصل... امي هتخرج معاكي

هتجيبلك كل حاجه ناقصاكي علشان تكوني
اميره في البيت ده .. هتبدأي تاخدي تمن
تضحياتك بجوازك مني

كل كلمه ادهم كان بينطقها كانت بتدبح
ليلي من غير ما هو يحس

لو القلب فعلا كان بينزف لحد الموت كان
قلبها نزف قدامه

قعدت علي كرسي التسريحه وهيا مش
قادره تنطق بس بتتنفس بصوت مسموع
صوت كأن حد عايز يعيط ويحاول يكتم
عياطه

ادهم: انتي مش بتتردي عليا ليه؟ لو حاجه
ناقصاكي قولي+

+

ليلي بصوت بيرتعش: عايزه ابقى لوحدي لو

سمحت

ادهم استغرب واحتراب منها وحاول يعرف

سبب ضيقها

ادهم: مالك صوتك متضايق ليه؟ ايه اللي

قلته خلاكي متوتره كده

سكت شويه وبعد كده قال

ادهم: قوليلي تاني اتجوزتيني ليه؟؟؟؟

اتجوزتيني ليه يا ليلي؟؟؟

لو كان سألها من خمس دقائق بس قبل

كلامه ده كانت قالتله انها بتعشقه بجنون

بتحبه لدرجه بتوجع قلبها ..بس دلوقتي مش

لازم يعرف ابدأ بحبها ..لازم تخبي الحب ده

جواها ..لانه ممكن يرميه في وشهها في اي

وقت

ليلي: مين قالك اني متوتره؟؟؟ بيتهيا لك
وعلشان اريحك هقولك اتجوزتك ليه...
اتجوزتك علشان احس بالامان اللي بتحقيقه
الفلوس ..تعبت من الفقر اللي انا عايشه فيه
..تعبت من الوقفه طول النهار في المطعم
اغسل صحون وانصف علشان اخر اليوم
يدوب اجيب تمن اكلنا ..تعبت من تحكيمات
جوز امي فيا وانت كنت طوق النجاه من كل
ده ..كنت طاقه الامل اللي اتفتحلي..ايه يعني
اعمي؟؟

اعمي بس غني ..وغناك هو اللي انا عايزاه
..وبعدين انت زيك زي اي راجل في السريد
يعني من حسن حظي انك اكثر من رائع في
السريد يعني فلوس ومتعه كمان..وبعدين
انت سبق وقلت ما ينفعش نخلط المتعه
والحب ..فانا اسفه لو كنت اعتبرت متعتي

معاك حب...الرغبه ملهاش علاقه بالحب ولا

ايه؟؟؟

تمثيلها كان رائع لان ادهم اترسم علي وشه
قناع من القسوه والكره لدرجه خلت ليلي
تقرف من نفسها قوي ومن كلامها ليه ...هيا
بتعمل اكثر شئ هو بيكرههبتستغل
عماه لانه مش شايف شكلها ايه دلوقتي
...بس هو المفروض يحس لان الاحساس

مش بيحتاج عنين

ادهم: اسف لو كنت خيبت املك للدرجه دي
بس ما تقلقيش ان مش هغلط تاني الحب
بالرغبه وكويس ان كل حاجه واضحه بيننا
..كنت هتأسفلك بس اللي سمعته منك
يعفيني من الاعتذار ..انتي واحده بتدوري
علي ملذات ماديه وانا مبسوط اني اقدر
اقدمهالك علشان بس ما احسش انك

بتضحى بارتباطك بيا وبكره هغرقك في كل
المتع الماديه اللي تتخليها وبكده اكون
حررت نفسي من اي دين ناحيتك

كان عايز يتكلم اكثر بس سيطر علي اعصابه
وخرج وهيا انهارت ورمت نفسها علي السرير
ازاي تجرح حبيبها بالشكل ده؟؟ حست انها
بتخسر نهائيا مكانش المفروض تقول كده
ابدا كان المفروض تاخده في حضنها
وتتطمنه مش تنضم لكل اللي ضده كان
المفروض تكون هيا بر الامان اللي بيستخبا
فيه..حست ان المسافات بعدت بينهم قوي..

اتقابلت ليلي بعد كده مع حمدي .كان قاعد
لوحدته واول ما شافها ناداها تقعد معاها
وبدأ يتكلم بخفه دمه المعتاده وخرجها من
الكابه اللي كانت فيها وفضل يكلمها عن

شغله وعن شركه الاليكترونيات بتاعتهم
وقالها ان ادهم كان عبقري في البرمجيه
حمدي: ادهم كان يعتبر من اكفأ المهندسين
للبرمجيه في العالم ..في شركات كتير بره
حاولو يخلوه يسافر يشتغل معاهم وعرضوا
عليه ارقام خياليه ..بس كان ديما بيرفض
ليلي: وانت يا حمدي ؟ انا حاسه انك انت
برضه كفو بس مش عايز تعترف بده؟
حمدي: في كل شئ عملناه كان ديما ادهم
رقم واحد وانا بعده ومفيش فايده من
المنافسه ..هو ديما الاحسن في كل شئ
ابهاتنا كمان كانوا توأم وبيعملو كل حاجه مع
بعض بس ابو ادهم الاكبر بعشر دقائق
فورث هو كل شئ وابويا كان في ظلّه تابع
ليه ومن ساعه ما مات هو امي في حادثه وانا

هنا وبنادي لكريمه بامي لاني فعلا باعتبارها
كده ..بس في كل حاجه تانيه ادهم هو
الاساس وانا ظله مش اكثر

ليلي: انت ليه بتفكر كده؟؟؟ اعتبره اخوك
الكبير واستفيد من خبرته واتعلم منه وما
اعتقدش ابدأ ان ادهم هيرفض يعلمك
وبطل تعتبر نفسك ظله لان طوا ما انت
بتعتبر نفسك ظله الناس هتبصلك كده
؟؟اوعدني انك تحاول تغير طريقه تفكيرك

دي

قرب منها حمدي وكان عايز يضمها بس هيا
بعدت وزقته ولسه هتتكلم

حمدي: انا اسف يا ليلي سامحيني خانتني
ومعرفتش اقاوم عطفك وحنيتك دي
ارجوكي سا محيني

ليلي شافت في عنيه ندم بجد وحست انه
فعلا اسف

حمدي اول مره يفكر في مشاعر حد غير
نفسه او يخاف علي زعل حد ..حس ان ليلي
بتغير فيه من جواه ..لقي فيها كل اللي كان
محتاجه شاف فيها المرأه المثاليه بس لاقاها
متاخر قوي لانها ملك ابن عمه ..زوجه لراجل
مليان كره وغضب وبس وده واضح علي
وش ليلي..

ليلي: هاسامحك بس بشرط ما تحاولش
تعمل كده تاني وتعتبرني اخت ليك مش اكثر

ابتسم حمدي ورجع جو الضحك تاني

حمدي: متشكر وردتي الجميله .. ريحيني

...من غير ضحك بيكون اليوم ضايع

ليلي: انا كمان كنت محتاجه النهارده اضحك

حمدي: وانا مبسوط لاني عرفت اسعدك ولو

حتي لدقايق

بس اوعديني لو الموضوع ما نفعش بينك

وبين ادهم تفكري فيا

ليلي: ما اظنش ممكن يكون حد بعد ادهم

بس اوعدك تفضل ديما اخ ليا ايه رأيك

حمدي: هكتفي بده مؤقتا

ضحكوا هما الاتنين وهما بيضحكوا دخلت

سهيله عليهم وقالت لحمدي ان ادهم عايزه

في المكتب واستفردت بليلي لوحدها

يا تري هتقول ايه لليلي؟؟

هتقدر تمشي ليلي من بيتها ولا ليلي

هتقاوم؟

ادهم هيعامل ليلي ازاي بعد اللي هيا قالتة؟

+ShiMoOo

واصل قراءة الجزء التالي

الجزء ١٠ ShiMoOo

الحلقه العاشره

كبرياء اعمى

سهيله دخلت علي حمدي وليلي ومشت

حمدي وفضلت هيا مع ليلي

سهيله: شكلك منسجمه تماما مع حمدي

بس خلي بالك ادهم بيحب الحاجه اللي

ملكه محدش يلمسها غيره ولو شك مجرد

شك ان في حد لمس حاجه تخصه بيفترس

اللي قدامه ...قبل كده شك في حبيبتة مجرد

شك فبعد عنها تماما

ليلي: قصدك انتي اللي بعد عنها!!!!

اتفاجئت سهيله ان ليلي عارفه العلاقه اللي

كانت بينها وبين ادهم

سهيله: فعلا... في حد جه لادهم وقاله اني

علي علاقته بحد ثاني وهو صدق وفسخ

خطوبتنا وكل محاولاتي لاقتاعه ان مفيش

حد غيره ما صدقهاش وبعد كده عمل

الحادثه والكل قالي ان انا اتخليت عنه بس

ده محصلش.. ادهم بيدور علي اي طريقه

يجرحني بيها... واخر جرح كان جوازه منك

..هو عارف ان ده هيحطمني وهيحطم

غروري وكبريائي.. وهو ده اللي هو عايزه

ليلي اتضايقت قوي وحست بقلبها بيتعصر

علشان ادهم وده سبب جديد اتضاف لقايمة

اسباب جوازه منها... كان عايز حد يحميه من

ضعفه قدام حبيبته الاولي اللي جرحته قبل

كده وبدل ما هيا تقف جنبه جرحته هيا

کمان بغباءها واقنعته انها اتجوزته علشان

فلوسه

حست اد ايه الدنيا جيه علي ادهم قوي

ابن عمه بيكرهه وبيغير منه

حبيبتة القديمه بتخونه وبتجرحه

مراته اتجوزته علشان فلوسه

وفوق ده كله عماه اللي بيخليه بيتخبط في

الظلمه مش عارف مين صادق ومين بيكدب

عليه

حست ليلي انها لازم تعمل اي حاجه تعوضه

بيها فسابت سهيله وراحتله كان حمدي

مشي من عنده

ليلي: ادهم... اخبارك ايه؟؟؟ محتاج لاي

حاجه

ادهم: مراقي بتتنازل وجايه تسأل عليا ...ده
اسميه ايه؟ اهتمام ولا احساس بالذنب؟؟

ليلي: احساس بالذنب؟؟؟؟ قصدك ايه؟

ادهم: قصدي انك لازم تراعي اني جوزك

وخلي بالك انا اعمي اه بس مش

اطرش..وبسمع كويس جدا

ليلي: مش فاهمه برضه قصدك ايه؟

ادهم: قصدي صوت ضحكك انتي وحمدي

ودلحك معاه انتي قصدك ايه هاه...نصيحه

مني : حمدي فلوسه علي قد نزواته فلو

حاطه عينك عليه مش هيكفيكي...

قالها كده ومشى وهيا مش عارفه تزعل منه

ولا تزعل عليه

هو بيتخبط في الظلمه وهيا غلطت لما

اقنعته بانها مش بتحبه بس هو السبب ...

عدت ايام وايام وليلي عايشه في وحده
مطلقه ..طول عمرها عايشه لوحدها بس
كانت وحده من غير الم دلوقتي بقي وحده
والم ولوعه حب وقسوه من حبييها وهجر..

ادهم كمان كان بيتجنبها تماما لانه مش عايز
يضعف تاني قدامها وخصوصا بعد ما اكدتله
انها مش بتحبه وانها اتجوزته علشان فلوسه
..بس ساعات بيحس انها ملاك ...ملاك اخر
شيء يهتم بيه هو الماديات ..مكنش عارف
يحكم عليها نهائي

في مره ليلي كانت قاعده في الجنينه جاتلها
كريمه وقعدت معاها

كريمه: كان عندي امل تخرجي ادهم من
عزلته بس الظاهر ان هو الي دخلك عزلته
وبقيتي زيه

ليلي: انا مش في عزله ولا حاجه انا....

قاطعتها كريمه: مهما تخبي باين علي وشك

..ادهم محتاجلك قوي يا ليلي اوعي تتخلي

عنه وحاولي تسعديه

ليلي: سعادته ادهم مش معايا انا....

كريمه: لو مش معاكي يبقي عمره ما

هيعرف طعم السعاده ...انتى بس اللي

قدرتي مره تخرجيه من عزلته وزى ما عرفتي

قبل كده هتعرفي تاني

ليلي وعدت ادهم انها مش هتقول لامه علي

اتفاقهم ...بس تعمل ايه؟ازاي تفهم امه ان

ادهم كان بيقتضي معاها وقت مش اكثر

كانت مجرد تسليه ..وانه اتجوزها بس

علشان خاطر امه؟؟

كريمه: انتي لو عرفتي ادهم قبل الحادئه
...كان حنين جدا وبيراعي شعور كل اللي
حواليه ..دلوقتي بقي عامل زي الانسان الالي
من غير مشاعر ولا احساسيس ..انا ابني
واحشني قوي ..وانتي بس يا ليلي اللي
هترجعيه ليا تاني

ليلي: لو اقدر مش هتأخر ابدا

سكتت الام شويه وبعد كده قالت

كريمه: لقيتها لقيتها ...الغيره ...الغيره اخت
الحب ..لو حركنا واحده التانيه هتتحرك
معاها..الغيره هتخليه يحافظ علي حبه باي
طريقه

سكتت ليلي وفكرت ده لو كان في حب اصلا

يبقي الغيره ممكن تصحيه بس مفيش

فايده

لما كريمه لقتها ساكته

كريمه: اسمعي كلامي بس ومش هتندمي

اتفقنا

ليلي: اتفقنا بس انا اصلا مش بخرج ولا

اعرف حد يبقي هنخليه يغير ازاي؟؟

كريمه: اه فعلا ... بس لقيتها...حمدي هو اللي

هيساعدنا سببي الموضوع ده عليا

كريمه بعدها نادت علي ليلي في اوضتها

وجابتلها صندوق مجوهراتها وطلبت منها

تختار اللي يعجبها

ليلي معرفتش تختار حاجه لان كل

المجوهرات كان شكلها غالي قوي وفخم

قوي وهيا مش متعوده علي ده

حست كريمه ان ليلي معجبهاش حاجه

فاتضايقت فاخترت ليلي سلسله ذهب

بسيطه علي شكل قلبين في شكل قلب
واحد لانها حست ان دي ارحص حاجه
موجوده ..وبعدين هيا حست ان القلبين دول
ليها ولادهم هما في لحظه ما نام معاها كانوا
متحدين وقلبه كان بينبض فوق قلبها
واتحدوا فعلا في قلب واحد وحتى لو افترقوا
هتفضل معاها ذكريات الليله دي

كريمه: دي اللي عجبك يا ليلي..دي كانت
هديه من حمدي

ليلي: خلاص خليها انا اسفه

كريمه: لا يا ليلي البسيها هتبقي اجمل
عليكي

اخذتها ليلي وراحت اوضتها ولبستها وفعلا
كانت جميله عليها

دخل ادهم بهدوء كعادته

ادهم: كنت مع امي وقالتلي ان معجبكيش

اي حاجه من مجوهراتها

ليلي: بالعكس كلهم احلي من بعض؟..بس

انا عمري ما لبست حاجه زي دي ومش

واخده علي كده..فمحتاجه وقت اتعود فيه

علي الوضع ده

ادهم: اتتي ليه بتفكري كده؟

حاول ادهم يقرب منها واول ما قرب خطوه

هيا رجعت لورا بسرعه فخبطت في

التسريحه ووقعت كل البرفانات اللي عليها

فاتراجع ادهم لورا وخط ايديه في جيوبه

وبص للارض

ادهم: للدرجه دي؟؟؟؟ خلاص ما تخافيش

مش هقرب منك

حست ليلي بالندم وحاولت تقرب لانها
شافت وجع والم ووحدته في وشه وحست انه
بيتألم من رفضها

ليلي: ادهم انا...

قاطعها ادهم: ما تبريريش رد الفعل بيوضح
حاجات كتير..المهم انا جيت لان امي بتقول
ان انا بهملك كتير وهيا متعرفش انك
بتفضلي اهمالي عن قربي..المهم هيا عايزه
تحتفل بيكي فاتفقوا انتو الاتنين مع بعض
..ودلوقتي يالا ننزل مع بعض للعشا

نزلو مع بعض يتعشوا وهما علي الاكل
حمدي: دي مجامله حلوه قوي منك انك
اخترتي هديتي انا ولبستيها مع ان اغلب
المجوهرات بتاعه امي من ادهم وكلها اغلي
من بعض بس انتي اخترتي بتاعتي انا ...يا

تري عجبك بجد واذاقنا متشابهه ولا

عجبك ان انا اللي اشتريتها؟؟؟؟

اتفاجئت ليلي بكلام حمدي ومعرفتش ترد

كريمه: دي عجبها من اول ما شافتها

ومعجبهاش حاجه تانيه نهائي ..اوعي تكون

زعلان لاني فرطت فيها يا حمدي؟؟

حمدي: بالعكس انا مبسوط جدا يا امي لان

ليلي لبستهاوبعدين انا بحسد السلسه دي

لانها متعلقه علي صدرها وقريبه كده من

قلبها

احمر وش ليلي جدا وراقبت ادهم اللي كان

بيسمع الحوار بهدوء شديد بس الهدوء كان

خارجي بس لكن ايديه كانت بتترعش من

كثر الغيظ اللي جواه والالم ..حمدي مستكتر

علي الاعمي ان مراته تكون حلوه شويه

سهيله: مسكينه يا ليلي ما تتحرجيش قوي
كده هو حمدي بيحب الهزار وما تاخديش
كلامه جد

كملت كلامها وبصت ناحيه حمدي

سهيله:بس لازم يا حمدي نعترف بتأثيرك
علي البنات شايف وش ليلي احمر ازاي ..وده
بيخليها اجمل صح؟؟

سهيله شاركت في تمثليه كريمه من غير ما
تعرف

كريمه: فعلا عندك حق يا سهيله ..الظاهر يا
حمدي انك عندك موهبه انك تبسطها

حمدي: طول عمري ذوقني عالي في البنات
..وليلي بالذات جوهره نادره وفريده من نوعها

سكت شويه وبص ناحيه ادهم

حمدي: مش حاجه تضايق يا ابن عمي ..انك
يكون عندك زوجه في منتهي الجمال .. زوجه
يحسدك عليها كل الرجاله وتكون انت
الوحيد اللي مش بتستمتع بجمالها ده
كريمه بصوت عالي : حمدي كفايه كده
حمدي تجاهل كريمه وكمل كلامه
حمدي: ولا انت ايه رايك؟ ولا بتتألم من
الحرمان يا ادهم؟
لو كنت مكانك....

بعصبيه ادهم رمي الفوطه وقال بصوت
مهزوز

ادهم: لو كنت مكاني يا حمدي؟ ده شيع
مش جديد عليك .دي حاجه بتعذبك طول
حياتك ..في المدرسه ..في الكليه ..في الشغل
..طول عمرك نفسك تكون مكاني ...بس

عارف عمرک ما هتکون مکاني و مش هتحت
ایدک ابداء علی ای شیء یخصنی ،،، ولا حتی
مراقی فاهم؟؟؟

کریمه: حمدي ادهم ..کفایه انتو الاتین
هما الاتین فی غضب و قفوا قصاد بعض
وکأنهم هیتخانقوا فعلا ..لیلی بصت لحمدي
لیلی: حمدي ارجوک ...

قدام نظره لیلی ضعف حمدي و اعلن
هزیمته

حمدي: سامحني یا ادهم ..کلامی کان جارح
اسف

سکت ادهم و اتضایق لانه کان عایز یضرب
حمدي.مد ایده لسهیله علشان تخرجه بره
ومشی وسابهم

اول ما خرج رمي حمدي نفسه علي
الكرسي واتنهد بصوت عالي

حمدي: كنت فاكر انه هيضر بني ..امي لو
عندك افكار تانيه علشان تضايقي ادهم
ابعديني عنها ..انا عندي اضايق اسد ١٠٠
مره ولا اني اضايق ادهم تاني او اواجهه
بالشكل ده

كريمه: مش كده يا حمدي ..انت كنت قاسي
قوي عليه من غير شفقه وبقصد منك
بتجرحه وبتعايره بعماه وده مش هسامحك
عليه ابدأ...ليه يا حمدي كده ليه؟

حمدي: مش ده اللي انتي عايزاه ان احنا
نحركه ..نعايره بعاهته علشان يحاول يتعالج
تاني ويتمسك بالحياه

ليلي بهدوء

ليلي: تصرفك نفسه يا حمدي هو اللي زعل
ماما مش كلامك ..انت كنت مستعد تتخانق
معاه ..مع ابن عمك ..الاعمي

حمدي: اه ..فهمت بس هو بكلامه بينسيني
اصلا انه اعمي ..ساعات بشوفه وهو نازل
السلم او وهو هيقعد علي كرسي من غير
تردد بفتكر انه بيمثل انه اعمي

ليلي كانت هتتكلم بس هو قاطعها

حمدي: عارف عارف انه اعمي ..بس هو مش
باين عليه ..عمرك شوفتية بيخبط في حاجه
او بيقع ..ايه خفاش مثلا بيحس بالحاجات
قبل ما يخبط فيها

ليلي: لا ...هو بيعد

حمدي: هاه ايه يعد؟؟يعني ايه؟

ليلي: اي مكان بيمشي فيه بسهولة ..بيكون
قبل كده عد الخطوات اللي هيمشيها
..علشان يبقي عارف طريقه

حمدي بصلها باستغراب فشرحت ليلي

ليلي: بسمعه ليليه بعد ليله بعد ما الكل
ينام بيفضل يمشي في كل مكان ويعد
خطواته ..ويعد ويعد لحد ما يحفظ المكان
كويس ويمشي من غير ما يقع هو بيقع
بس وهو لوحد من غير ما حد يشوفه
حمدي اتكلم بصوت ضعيف: ياربي ده ايه
المعانا ده ؟ وايه الشجاعه دي؟

كريمه: طول عمري ابني شجاع ومش بيحب
الضعف ومبيقبلش حد يساعده ..المهم بكره
الحفله ليلي حمدي هياخدك الصبح تشتري
فستان جديد للحفله ما تنسيش

ليلي: بس انا عندي فساتين كثير جدا ما

البس حاجه منهم

كريمه: لا يا ليلي انتي لازم تكوني نجمه

الحفل ده ..فاهمه

ليلي: حاضر اللي تشوفيه يا ماما

حمدي: خلاص الصبح الساعه ١٠ تكوني

جاهزه ولا بدري عليكى؟

ليلي: لا الساعه ١٠ كويس اتفقنا

كل واحد راح اوضته وادهم بره في الجنينه

مع سهيله بتحاول تقنعه يرجعها

ياتري سهيله هتقدر تقنعه؟

اللي عملته كريمه بانها تصحي غيره ادهم

بحمدي صح ولا هيزود الشرخ بينهم؟

+ShiMoOo

واصل قراءة الجزء التالي

الجزء ١١ ShiMoOo

+

الحلقة ال ١١

كبرياء اعمى

وقفنا الحلقة اللي فاتت ان سهيله بتحاول

تقنع ادهم يسيب ليلى

سهيله: ادهم انا لسه بحبك ولسه عايزاك

..انت عارف ان ليلى مش مناسبه ليك ولا

عمرها هتفهمك وبعدين هيا طول الوقت

مع حمدي .. وعلي طول ضحك وهزار

..وبتستغل انك

ادهم: ايه سكتي ليه؟؟كملي كلامك قولها

..بتستغل اني اعمى

سهيله: مش قصدي اجرحك بس ده فعلا

اللي بيحصل

ادهم: شوفي يا سهيله ..علشان نقفل

الموضوع ده نهائي ..علاقتي بيكي انتهت

خلاص وانتهت من زمان .انتهت يوم ما

بصيتي لراجل غيري وثقتي فيكي انتهت

..انتي بصيتي لراجل غيري وانا بكامل

صحتي ما بالك وانا اعمي هتعملي ايه؟؟؟

اما علاقتي بليلي فده شيع ما يخصكيش

نهائي وسبق وقولتلك ما تدخلش في اللي

مالكيش فيه...اعتقد كده انا واضح جدا

سهيله اتضايقت من ادهم قوي وزفته بعيد

عنها وسابته ومشيت

سابته وسط الجنينه وبعيد عن البيت بكتير

..وادهم من ساعه الحادته ما دخلش الجنينه

ابدا وهو حاليا معندوش اي فكره هو فين
والبيت في اي اتجاه..

هنا اول مره ادهم يحس بعماه ..يحس
بالعجز ..مش عارف يمشي ازاي ولا يرجع
البيت ازاي.. جرب ينادي بس محدش رد
..صعبت عليه نفسه قوي لما وقع علي
الارض وقع في وسط الطينه

فضل قاعد مكانه مستسلم تماما محطم
نفسيا ومدمر ..مستني اي حد يجي ياخده
من ايديه يوديه بيته ..استسلم لليأس
والعمي وتمني ان حياته تنتهي باي طريقه..

ليلي في اوضتها سهرانه لانها اتعودت ما
تنامش غير لما تسمع ادهم يدخل اوضته
ويستقر في سريره ..بس النهارده اتأخر
والقلق مالي قلبها..اخيرا قررت تنزل تشوفه

نزلت لقت البيت ظلّمه والكل نايّم وادهم

وسهيله مش موجودين

فكرت ليلي ان ادهم خرج مع سهيله وهنا

حست بنار وغيره جواها وحست انها

هتخنق فطلعت بره البيت تتمشي شويه

وتشم هوا يمكن نار قلبها تبرد..

وهيا بتتمشي شافت خيال في الارض

فقربت تتأكد لفته ادهم واقع علي الارض

ومستسلم تماما ..جرّيت بسرعه عليه

ليلي: ادهم ..ادهم حبيبي ايه اللي حصل وايه

اللي وقعك كده وسهيله فين؟؟؟

ادهم: سيبيني في حالي ..انا مش عايزك انتي

بالذات مش عايزك ابعدني عني وفري

شفقتك لحد غيري ابعدني..

قالها وزقها بعيد عنه ..مقدرتش تسيبه واقع
في الارض كده وهدومه كلها متوسخه طينه
وايديه ..هنا قررت في داهيه كبرياتها المهم
دلوقتي كبرياؤه هوه ..

ليلي: ادهم ارجوك خليني اساعدك
..متنساش انا مراتك ..انا ستر وغطا عليك
..ارجوك يا ادهم امسك ايدي..سبق وقلتلك
اني مش هسيب ايدك ابدأ بس انت ديما
اللي بتسيب ايدي ..مد ايدك ليا
ادهم مد ايده اخيرا لمراته وسابها تساعده
اخذته ليلي بسرعه علي الحمام وساعدته
يقلع هدومه وحست بيه بيترعش بين ايديها
وهيا مش عارفه هو بيترعش من البرد اللي
كان فيه ولا من كبرياؤه اللي اتهز..

اترددت تساعده ازاي وهيا شايفاه بيترعش
قدامها ..بس التردد استمر لحظه بعدها
قلبها انتصر مينفعش تسيب حبيبها كده ما
ينفعش تتخلي عنه ثاني ..

قربت منه وضمته لصدرها وحاولت تدفيه
حاول ادهم يبعدها عنه بس محاولاته كانت
ضعيفه لانه هو عايزها تفضل في حضنه

ادهم بي فكر :لا مش عايز شفقتها ..مش عايز
غير حبا .. فضلت ليلي تضم فيه لحد ما
اخيرا استسلمها تماما واقنع نفسه

هقبل بكل اللي تقدمهولي وطالما انا بدفع
يبقي هستمتع بالي بين ايديا حتي لو مش
بتحبنى كفايه انها جنبي ..هستفاد بكل
شيء بتقدمهولي وهشبع كل حاجتي منها

ادهم:وانتي متعرفيش كام مره حلمت

اصحي في حضنك كده..

شدها ادهم ليه وقرب راسها منه فقربت

هيا كمان منه وسلمته شفايفها علشان

يدوبوا الاتنين مع بعض في لحظات مسروقه

وقضوا اجمل صباح مع بعض ..ضمها ادهم

لصدره جامد وهيا حطت راسها علي قلبه

تستمتع بدقات قلبه ..اتمنت انهم يفضلو

كده علي طول وان لحظه الحب دي ما

تنتهيش ابدا..بس لكل شئٍ نهايه واللحظات

الحلوه بتنتهي

فضلو يرغوا ويتكلموا ونسيوا كل المشاكل

اللي بينهم وحسوا انهم رجعوا زي الاول

قررت ليلي انها تقول لادهم انها اتجوزته

علشان بتحبه وبس ومفيش سبب تاني وانه

هو جرحها بكلامه فاتصرفت كده ..لازم

تصارحه علشان تفضل في حضنه علي طول
لانهم هيكونو اسعد اتنين بالحب اللي بينهم

ليلي: ادهم انا عايزه اقولك حاجه ممكن

ادهم بيلعب في شعرها: مش عايز اسمع
حاجه عايز افضل في حضنك وبس

ليلي: اسمعني الاول وبعد كده خليك في
حضني علي طول

ادهم: مهم قوي الكلام دلوقتي يعني

ليلي: اه مهم عايزه اصارك بحاجه ادهم:
قولي اللي عايزاه بسرعه مش عايز نضيع
وقت كتير في الكلام مفهوم

ليلي: ادهم انت سبق وقلت ان اكرر حاجه
بتحبها فيا هيا الصراحه وانا في الفتره الاخيره
مكنتش صريحه معاك وارتكبت غلطه في
حقك كبيره قوي ..

ليلي بتتكلم وادهم قلبه بيدق بسرعه
وحاسس انها هتفوقه من حلمه الجميل
وهتصدمه وعمال يحضر نفسه للاسوء

ادهم: كملي سامعك

ليلي: انا وحمدي ...

هنا الباب خبط ودخلت كريمه عليهم .كريمه
الفرحه مش سايعاها لما شافتهم في حضن
بعض وحست ان خطتها بتنجح

كريمه: صباح الخير للحلوين ..ليلي حمدي
مستنيكي من بدري انتي ناسيه انك موعدهاه
تقضي اليوم معاه وهو هينقيلك فستان
الحفله يالا يا حبيبتتي قومي اجهزي بسرعه
ما ينفعش تخليه مستني كده

ليلي: حاضر هلبس وانزل

كريمه : يالا يا ادهم تعال نفطر انا وانت مع

بعض بما اننا هنفضل لوحدنا انا وانت

ادهم: لا معلش ياست الكل افطري انتي انا

هكمل نوم

كريمه: براحتك يا حبيبي ..يالا يا ليلي بسرعه

ليلي: حاضر

خرجت كريمه وسابتهم الاتنين في حاله

صعبه

ليلي: ادهم انا كنت عايزه اقول...

ادهم: مالوش لازمه الكلام خلاص ..بسرعه

علشان ما تتأخريش علي معادك ..بالليل مع

راجل والصبح مع راجل ما بتضيعيش وقتك

..بعد اذنك

خرج ادهم وسابها وهيا حست ان كريمه
قطعت الخيط الرفيع اللي كان ابتدي يوصل
بينهم ..كريمه بحسن نيه كل ما تتدخل تبعد
بينهم اكثر وبدل ما تقله انها بتحبه خلته
شك ان في علاقه بينها وبين حمدي ومش
عارفه تتصرف ازاي

ليلي: هروح اقوله واخليه يسمعني غصب
عنه..لا بس هو بيشك فيكي ..لو بيبحك
مش هيشك فيك ..خلي عندك كرامه لسه
من لحظه اتهمك انك علي علاقه براجل تاني
وانتي عايزه تروحيلوه..ايوه هروحله لاني بحبه
هقوله واللي يحصل يحصل...هتقوليله
وهيرمي حبك في وشك انتي نسيتي انه
اتجوزك علشان خاطر امه ..نسيتي لما
قلتيه انك بتحبيه وقالك ما تخلطيش الحب

بالمتمعه ..نسيتي لما قالك انه بيتسلي مش
اكثر.عايزاه يقولك ايه تاني مستنيه منه ايه؟؟

هنا ليلي قررت انها تحافظ علي كبريائها
ونزلت لحمدي

ادهم في اوضته بيحمد ربنا انه ما اتسرعش
وصارحها بمشاعره الحقيقيه ..يا تري شكلك
هيكون ايه لما تقولك انها بتحب حمدي وان
انت اعمي ومتنفعش زوج ..الحمد لله ان
امه دخلت .لان دخولها حماه من خيبة امله
لما هيا تعترفله لانه مش هيقدر يستمر لو
قالتها صريحه ..ساعتها لازم ينفصل
عنها..طيب وانت مستني ايه اصلا ما كل
حاجه واضحه قدامك..هيا وحمدي متفقين
جدا ومش بيفارقو بعض ..بعد الحفله لازم
اقعد معاها واحط النقط علي الحروف..لأ
مش لازم استسلم هي مراتي وفي اوقات كتير

بحس انها بتحبني وحمدي طول عمره
بيحاول يقلدني وطول عمره ورايا يبقي ليه
دلوقتي هسلم حاجه ملكي لحمدي لازم
استرد قلب مراتي ده الصح!!!

اشترت ليلي فستان جميل طويل وليه
حفيف كده لما بتمشي لبست وحست
نفسها فعلا اميره او ملكه ناقصها بس التاج
وهيا بتبص لنفسها في المرايه الباب خبط
ودخل ادهم..كان في شنط في طريقه فقربت
ليلي وفضت طريقه علشان ما يخبطش في
حاجه وهو ماشي

ادهم: فستانك ده ليه ديل ولا طويل قوي ؟
ليلي: الاتنين هو طويل وديله طويل شويه
من ورا ولونه بينك بيلمع شويه ..اول مره

البس حاجه زي دي ..حاسه كأني سندريلا

وهيا رايحه الحفله

ادهم قرب منها وهو مبتسم وشم برفانها

ادهم: في ريحه ياسمين اتني عندك هنا

ياسمين في الاوضه؟؟؟

ليلي: لا دي ريحه برفاني اشتريته النهارده انا

بحب ريحه الياسمين جدا حلوه ولا لأ؟؟

ادهم: لا حلو هادي وجميل ..كده بقيتي ورده

قلبا وقالبا

ليلي: متشكره جدا ..انت كمان شكلك في

البدله يجنن

ابتسم ادهم ابتسامه مصطنعه

ادهم: انا جايبلك هديه ممكن تقبليها مني

ليلي: طبعا انت بتسأل

ادهم طلع من جيبه عليه صغيره وفتحها
كان فيها اسوره متعلق فيها قلبين صغيرين
ومعاهم جرس صغير بيعمل صوت كل ما
يتحرك...ليلي اتضايقت قوي من هديته
انه يشك فيها حاجه لكن يجييلها جرس
تعلقه في ايديها كتير قوي ..هو عايز يعرف
كل حركاتها ..للدرجه دي ..لا كده كتير قوي
ومعرفتش تسكت اكر من كده وانفجرت
فيه

ليلي: ما احسن تجييلي جرس كبير اعلقه في
رقبتي زي البقره اللي بيدبطوها في الساقيه
وكل ما تقف يجي صاحبها يضربها ويمشيها
ادهم: انتي ليه بتفكري فيها كده مش يمكن
يكون قصدي حاجه تانيه؟

ليلي: لاني فاهماك كويس ..انت عايز تعرف
كل حركاتي وبتعوض عماك بالطريقه دي لو
مش هتشوفني يبقي تسمعني ..صح؟

ليلي بعد جملتها دي حست انها زودتها
جامد قوي لان وش ادهم اترسم عليه صدمه
مؤلمه وتعابيره كلها اتهزت

ادهم: بعوض عمايا؟؟؟؟؟؟هههه خلاص
ارميها في الزباله واسف ان هديتي ضايقتك
بالشكل ده مكنش قصدي

ادهم رمي العلبه من ايده وسابها وهو قلبه
موجوع قوي من كلامها هو مافكرش
بالطريقه دي ابدأ ابدأ وده مكنش قصده
نهائي..استغبي نفسه قوي علشان فكر انها
ممکن تفهم تصرفه ده لازم يبطل تخيلات
بقي ويفوق من احلامه

كل اللي كان عايزه انه ينام في حضنها وكل ما
تتحرك جنبه يسمع صوت الجرس فيعرف
انها جنبه مشاركاه ضلمته وانه مش لوحده

مكنش عايز غير كده بس هيا فهمته غلط
...هيا سبق وقالتله انها اتجوزته علشان
فلوسه يعني الهدايا الرمزيه مش هتنفع
معاها.. ليه تخيل انها هتحس بيه او هتبقي
عايزه تتطمئه في ليله..الظاهر انه

لازم يبطل تخيلات ويرجع لواقع انه اعمي
وانها متجوزاه لمجرد انه غني وبس...

نزل الحفله وليلي كمان نزلت قربت منه
ومسكت ايده اتصلب للحظه بس هدي وبدأ
يعرفها علي اصحابه واتفاجأ لما سمع صوت
الجرس اللي في ايديها (ليلي لبست الاسوره
علشان حست انها زودتها قوي معاه فقررت
تعوضه بانها تلبسها)

ادهم فرح انها لبست اسورته بس فكر نفسه
انه ما يتوهمش تاني لانها ممكن تكون مش
عايزه تزعله او تخسر بنك الفلوس اللي
متجوزاه..

سهيله كانت موجوده في الحفله واتضايقت
قوي لما شافتهم ماسكين ايدين بعض
وقررت انها لازم تفرق بينهم بأي طريقه
..مش واحده من الشارع تاخده مني وانا
اتفرج

حمدي: سهيله مالك؟؟ ما تسيبيهم في حالهم
واستسلمي بقي وبعدين ليلي سوري يعني
اجمل منك بمراحل ...بهدومها القديمه كانت
اجمل فأكيد وهيا اميره اكيد ...

سهيله قاطعته: اخرس مين دي اللي اجمل
مني ... دي زي سندريللاواخر الليل هترجع
لهدومها المقطعه

حمدي: ممكن تكون فعلا سندريلا ..بس ما
تنسيش ان في اخر القصة الامير اتجوز
سندريلا، وفي حكايتنا هو اصلا متجوزها
سهيله: مش كتير ..مش هيفضل متجوزها
كتير وهتشوف

حمدي: انتي حره خليكي في اوهاماك
سابها ومشي وهيا فضلت تراقب ليلي
علشان تستفرد بيها لحد ما لمحت ادهم
بيتكلم مع حمدي وانضم لاصحابه وسابو
ليلي لوحدها

سهيله: ليلي ازيك معرفتكيش ده صح لبس
البوصه تبقي عروسه

الي يشوفك دلوقتي ما يشوفكيش وانتي
لسه جايه

ومحتاجه تترتاح ..

ليلي فضلت في اوضتها تستني ادهم يدخل
اوضته وحست انها سمعت صوت في الحمام
بس بعد كده ما سمعتش حاجه فحست انها
متهيالها؟؟شويه كده سمعت ادهم بيدخل
الاوضه وحست بخبطه علي باب الحمام
فقامت تشوف ايه ..دخلت الحمام كان
فاضي فقربت تشوف ادهم من بابه
المفتوح كان نور اوضته خفيفي قوي
..شافت منظر عمرها ما هتנסاه ابدًا

شافت سهيله لابسه قميص نوم وعليه روب
طويل وبتقرب من ادهم من وراه ومدت
ايديها حوالين رقبته وكانت لابسه الانسيال
وضمته ليها وباسته في رقبته وهيا وراه
وضماه

حست للحظه ان ادهم اتفاجئ بوجودها كأنه
استغرب من وجودها بس بعد كده فرح جدا
من وجودها فرحه عاشق اخيرا لقي حبيبته

شدها من وراه وضمها لصدره ..ليلي
مقدرتش تشوف اكر من كده فبعدت بس
سمعتة بيقولها بصوت مليون شوق ولهفه

ادهم: اه يا حبيبتى لو تعرفى اد ايه كنت
مشتاق اضمك من جديد لصدرى واخذك
فى حضنى كده....انا بحبك

ونكمل بكره ونشوف ليلي هتعمل ايه
هتستمر ولا هتمشى؟

ادهم هيستمر مع سهيله ولا ايه؟

حمدي هيستغل بعد ليلي عن ادهم ولا ايه؟

كريمه هتتدخل تاني ولا هتتفرج من بعيد؟

ShiMoOo1

+

واصل قراءة الجزء التالي

الجزء ١٢ ShiMoOo

+

الحلقه ال ١٢

كبدياء اعمى

ليلي سمعت ادهم بيقول لسهيله

ادهم: اه يا حبيبتي لو تعرفي اد ايه كنت
مشتاق اضمك من جديد لصدري واخذك
في حضني كده....انا بحبك

دخلت ليله اوضتها حست قلبها بيتعصر
وانها بتموت او ممكن يكون الموت اهون
مليون مره من احساسها ده.

كرهته او حاولت تكرهه ..لازم تمشي من هنا
..ذل جوز امها وضربه ليها وشغلها في
المطعم اهون مليون مره من جرحها
بالشكل ده!!!+

+

فعلا اول ما النهار بدأ ينور اخدت حاجتها
اللي جت بيها وسابت كل حاجه هو اشتراها
بفلوسه ومشيت .خرجت والكل نايم
وطلعت بره البيت تجري تجري كأنها سجين
هربان من حكم اعدام واخيرا وصلت لمحطه
القطار وحجزت تذكره وقعدت تستني القطار
..اخيرا جه معاد القطار وراحت تركب لقت
صوت بينادي عليها..

حمدي: ليلي استني (بيجري عليها) ارجوكي
يا ليلي استني لحظه

ليلي: حمدي ارجوك سييني امشي ..مش

هقدر استني اكر من كده

حمدي: براحتك اسمعيني وبعد كده امشي

لو عايزه..دقيقه مش اكر ارجوكي

ليلي: افضل قول بسرعه علشان الحق

القطار

حمدي: ماما كريمه تعبت ونقلناها

المستشفى وبتسأل عليكي

ليلي: ايه ماما تعبت؟؟خذي ليها بسرعه يا

حمدي

ركبت معاه العربيه ..هيا ممكن تكون بتكره

ادهم بس كريمه بتحبها ومتقدرش تتأخر

عنها ابدأ

حمدي: هيا قلقت عليكي لما قلتي انك

تعبانه امبارح واول ما صحيت طلعت

تتظمن عليكي ولما أتأخرت طلعت الخدامه

تشوفها لقتها واقعه علي الارض

ليلي: انا السبب ..انا السبب

فضلت تعيط

حمدي: ما تعيطيش يا ليلي هيا قلبها تعبان

وكلنا عارفين ده ..هروبك ممكن يكون سبب

من الاسباب بس مش السبب الرئيسي

وانتي عارفه كويس ايه اللي تاعب قلبها

ليلي: انا اسفه انا كنت انانيه ومفكرتش غير

في نفسي ..مفكرتش هروبي ده هيسبب ايه

ولمين....

حمدي: انت فعلا خساره في ادهم ..اول مره

اشوفه غبي كده..بس عايزك تعرفي اني

جنبك علي طول..

ليلي: عارفه يا حمدي ومتشكره جدا

ليك.....ادهم عامل ايه دلوقتي؟

حمدي: محدش بيعرف ايه اللي جواه

..بيخبي مشاعره كويس بس هو اكيد

محتاجلك..

ليلي: عمره ما هيحتاجني طول ما سهيله

جنبه..

حمدي: سهيله لمت هدومها ومشيت

الصبح بدري ..حتي بعد ما عرفت ان كريمه

تعبانه مشيت..

ليلي: وادهم عرف انها مشيت؟؟؟

حمدي: ادهم هو اللي قالي انها مشيت

ليلي: انت عرفت مكاني ازاي؟

حمدي: ادهم هو اللي قالي ادور عليك هنا

وصلو المستشفى وليلي طلعت لكريمه
..شافت ادهم قاعد بره اوضتها وساند دماغه
علي عكازه وحست اد ايه هو عاجز ..ولسه
هتقربله وتحن ليه افكرته وهو بيضم
سهيله في حضنه فبعدت قبل ما تقرب ..

ادهم حس بيها

ادهم: انا متشكر انك رجعتي جميلك ده

مش هنساه

ليلي: انا رجعت علشان خاطرها

ادهم: عارف عارف ..ادخليلها

دخلت ليلي عندها وشافتها ضعيفه وتعبانه
..اول ما كريمه حست بيها ابتسمتلها بس ما
قدرتش تتكلم وراحت في النوم

المررضه: هيا عرفت انك موجوده وابتسمت

وده شيع كويس خليكي جنبها

ليلي: اكيد هفضل جنبها

بعد ما كريمه راحت في النوم ليلي خرجت
لادهم كان واقف ومستني

ليلي: ادهم (صوتها كان همس)

بس هو سمعه فقربت منه

ليلي: ادهم انا اسفه

ادهم: شوفتيها؟؟؟؟

ليلي: اه شوفتها وابتسمتلي ..

اتحرك ادهم بس خبط في كرسي من كراسي
الانتظار وكان هيقع بس سند نفسه ... اول
مره ليلي تشوفه مكسور ومهزوز كده .. فاقد
ثقتة بنفسه .. حست انه اتغير كتير بعد
الليله اللي فاتت .. زي ما يكون شيء جواه

انكسر .. اكيد سفر سهيله وبعدها عنه للمره

التانيه كسره بالشكل ده

ادهم: اقعدني يا ليلي جه الوقت اللي لازم

نتكلم فيه عن مستقبلنا

ليلي عايزه تواسيه تقول اي حاجه

ليلي: انا اسفه يا ادهم اسفه جدا

ادهم: لا يا ليلي انا اللي اسف .. اسف علي

حاجات كتيره قوي .. اسف اني اجبرتك

تتجوزيني .. اسف اني اهنتك كتير قوي ..

اسف اني كنت بطلع ألمي وكرهي لقدري

عليكي .. اسف علي حاجات كتير حصلت ولو

الزمن يرجع لورا هغير حاجات كتير قوي

حست ليلي بألم جامد جواها .. ملوش لازمه

الكلام .. هي عارفه انه بيحب سهيله ومش

قادره تشيل صورتها وهو بيضمها من دماغها

ليلي: مالوش لازمه الكلام يا ادهم... انا
هفضل لحد ما والدتك تسترد صحتها وبعد
كده....

ما قدرتش ليلي تكمل لانها عايزه تعيط
فكمل ادهم نيابه عنها

ادهم: وبعد كده تمشي؟؟ صح؟؟ علي
العموم انا مش هطلب منك اكر من كده
..هتفضلي لحد ما صحتها تتحسن وبعد كده
هنسافر انا وانتي بحجه اننا نغير جو وهنقعد
في الشاليه كام يوم وهرجع من غيرك
وهقولها ان انا وانتي ما اتفقناش وهنخترع
اي حاجه ..وطبعا هديكي التعويض اللي
تطلبه

ليلي عيطت بصمت لانها حست بنفسها
رخيصه قوي ..حاجه اخذ غرضه منها ودفع
ثمناها وبعد كده رماها..وادهم فهم سكوتها

انها راضيه عن كلامه وموافقاه ..بعد عنها
علشان ما تشوفش دمعه غدرت بيه ونزلت
من عينه ..حبه بيضيع من بين ايديه وهو
واقف مش عارف يعمل ايه؟ خلاص دي
النهايه.....

ليلي سابتة ومشيت ودخلت تقعد جنب امه
وبعد ما مشيت طلع اسورتها من جيبه
وصوت الجرس الحزين فيهاوكلمها(كان
نفسي تكوني صوت فرحتي ..صوت يفكرني
ديما ان انا مش لوحدي وان حبيبتني معاياي
ومشاركاني وحدتي بس الظاهر انك هتكون
رفيق وحدتي وهتفكرني ديما بان كان ليا
حبيب في يوم بس خساره سابني وراح)
كل يوم صحة كريمه بتتحسن ووافقنا انها
تعمل العمليه طول ما ليلي جنب ادهم

وفعلا عملتها واتحسنت كثير واخيرا رجعت

بيتها

طول النهار ليلي بتقعد مع كريمه وادهم
بيحاول يتجنبهم علي قد ما يقدر وبعد ما
اتظمن ان صحه امه بتتحسن قالهم انه
هيسافر يقابل دكتور بره علشان علاجه
..فرحت كريمه جدا ان ابنها عايز يكمل
علاجه وهيا مش عارفه انه بيهرب مش
اكثر...

في يوم ليلي كانت بتتمشي في الجنيه
فشافت حمدي

ليلي: ازيك حمدي...تصدق ليك وحشه؟ ايه
انت فين واختفيت كده ليه؟

حمدي: ليلي عايز اتكلم معاكي في موضوع
مهم

ليلي: خير في ايه؟ عايز تقول ايه؟ ادهم جراه

حاجه انطق؟

حمدي: لا ما تعلقيش ..ادهم كويس ..بس يا

تري هو ملهوف عليكي كده زي ما انتي

ملهوفه عليه؟؟؟ انا عايز اسألك سؤال :هو

اللي بينك وبين ادهم انتهي مش كده ؟؟

ليلي: مش من حقك تسأل سؤال زي ده؟

بصلها بغيط وكلمها بصوت عالي

حمدي: مفيش حد من حقه يسأل غيري

انا... فاهمه؟؟من اسابيع واسابيع وانا

شايفك ومراقبك وادهم بيدمرك شويه

شويه ..وشك الجميل دبل وعماله

تستحملي وساكته لحد امتي هاه؟ قوليلي

لحد امتي؟؟انتني غرقانه في حزن وهم خلاكي

مش ملاحظه قد ايه بحبك ..سامعه بحبك يا

ليلي ..بحبك اكثر من اي شىء في الدنيا
..اطلبي الطلاق من ادهم وانا اوعدك اني
هخليكي اسعد انسانه في الدنيا وهنسيكي
عذاب ادهم كله...

قرب منها وحاول يضمها بس هيا بعدت
ليلي: انت ازاي تتصرف كده؟؟؟ ازاي تخون
مش بس صداقتي ليك ده انت بتخون ثقه
العيله كلها فيك ..انا مرات ابن عمك ..انا
عارفه انكم مش متفقين بس ده ما
يديلكش الحق انك تخونه ..قولي امتي ادهم
قصر معاك في اي شىء؟؟؟ امتي خانك او
حتي عمل اي شىء يزعلك؟؟مش مشكلته
ان انت بتغير منه...انت ممكن تنساه لكن
انا ابدا..فاهم ابدا عمري ما اقدر انساه لحظه

حمدي: حاولت يا ليلي كثير اقاومك
..انساكي...بعدت وغرقت نفسي في الشغل
بس حبك اكبر من اني انساه ..وادهم ما
يستاهلش حبك ده ..تقدرلي تقولي لي هو فين
دلوقتي لانه مارحش يشوف دكاتره ولا اي
حاجه ..اقولك انا ادهم سافر بره ..واكيد
سافر لسهيله..وسابك انتي هنا تهتمي بامه
..وبعد كل ده بتدافعي عنه

ليلي: والمفروض اني اكرهه لمجرد ان هو
مقدرش يحبني؟؟؟

حمدي: اي واحده عاقله بتعمل كده
ليلي: ومين قالك اني عاقله ...شوف يا
حمدي..ادهم روحي وقلبي وعقلي وكياني
كله حتي لو محبنيش انا هفضل احبه..
حمدي: يبقي خلاص انا لازم امشي ..

ليلي: تمشي تروح فين؟؟؟؟ مينفعش تمشي
..الشغل والشركه وادهم وكريمه هيعملو ايه
من غيرك؟؟ مفكرتش فيهم??

حمدي: ادهم ادهم ادهم...هو مفيش حد
مهم غيره??

ليلي: حمدي انت ابن العيله دي زي ادهم
بالظبط والشغل والشركه وكل حاجه ليك
فيها زي ادهم بالظبط ..انت بس بتبص
للامور من ناحيه واحده

حمدي: انتي عايزه مني ايه؟؟؟؟

ليلي: عايزاك تفضل هنا في مكانك وشغلك
وتبطل تبص لادهم كمنافس ليك بص له ان
اخ ومحتاج لاخوه جدا ..محتاج لمساعدتك
بس مكسوف يطلبها ..كان لازم تكون اكثر
واحد يعتمد عليه ادهم بس للاسف فرحت

فيه وبدل ما تمسك ايده بقيت بتدور علي
اي لحظه يقع علشان تضحك عليه ومش
مكفيك ده .. ده انت كمان عايز تاخذ منه
مراته...حتي لو مش بيحبني هتبقي برضه
اخذت مرات واحد اعمي... ارجوك اعتبر
ادهم اخوك ارجوك..

حمدي: عمري ما فكرت في ادهم بالشكل ده
ليلي: يبقي جه الوقت اللي تقوم فيه بدورك
كابن للعيله دي وتشيل المسؤليه شويه
وتكون اخ لادهم وابن لكريمه وتساعدهم
علي قد ما تقدر مش تهرب..

حمدي: هفضل يا ليلي مؤقتا علشان انتي
طلبتني مني ده ..وهجرب موضوع اخ لادهم
بس لو اتكبر والله ما هرحمه ولا هسأل فيه

تاني

ليلي: مش هيتكبر.. وشكرا جدا لتفهمك يا

حمدي

سابتة ومشيت وهيا بتسأل نفسها ليه ما
تحبش واحد زي حمدي بسيط وصریح بدل
ما تحب واحد معقد زي ادهم.. واحد سبق
وقلبه اتشغل بحب واحده تانيه غيرها...؟

اخيرا اتحسننت صحه كريمه وادهم رجع بيته
وهو وليلي بيتعاملو باحترام شديد وبيتجنبوا
بعض علي قد مايقدرؤا..هما الاتنين مش
قادرين يحسؤا بحب بعض...كل واحد
كبرياؤه اعمي....

ليلي بعد ما صحه كريمه اتحسننت قررت انها
خلاص تمشي لان ملهاش مكان في البيت
وفعلا راحت لادهم تبلغه بقرارها....

ياتري ادهم هيتقبل قرارها ولا هيحاول

يتمسك بيها؟؟

ليلي هتغير رأيها ولا هتمشي فعلا؟؟

+ShiMoOo

+

واصل قراءة الجزء التالي

الجزء ١٣ ShiMoOo

الحلقه ال ١٣

كبرياء اعمى

ليلي نفذت وعدها بانها تهتم بكريمه بس

كريمه صحتها خلاص اتحسننت وهيا لازم

تمشي وراحت لادهم تبلغه بقرارها

ليلي: ادهم ممكن نتكلم شويه؟؟

ادهم: طبعا اتفضلي.

ليلي سكتت شوويه ومعرفتش تبدأ كلامها

ازاي

ليلي: مامتك الحمد لله اتحسنت..

ادهم فهم هيا عايزه تقول ايه ...

ادهم: اه الحمد لله ...الفضل ليكي بعد ربنا

ولوقفتك جنبها ..ودلوقتي عايزه تمشي

صح؟؟؟

ليلي فكرت انه للدرجه دي عايز يخلص منها

بسرعه

ليلي: انا خلاص قمت بدوري كامل صح؟

اتمنت انه يقولها لأ ..يقولها دورك انك

تحبيني وتفضلي جنبي ..بس دي امنيات

....في نفس الوقت ادهم كان عايزها تقول انها

بتحبه وهتفضل جنبه ومش هتبعد عنه ابدأ

بس برضه دي امنيات

زي ما قلنا كبرياء اعمي

ادهم: براحتك يا ليلي..مش همنعك اقدر

من كده...

ليلي: خلاص بكره الصبح همشي..بس

مامتك؟؟؟

ادهم: سيبي امي عليا انا هكلمها

سابتة ليلي ومشيت علشان ما يحسش

بدموعها اللي نازله غصبا عنها..خلاص

انتهي.. كل شئ انتهى...

بالليل ادهم دخل عند كريمه واول ما قعد

جنبها

كريمه: خلاص هتسيبها تمشي؟؟؟

ادهم: انتي مين قالك انها هتمشي؟؟

كريمه: علشان انت ابني وانا عارفك وبعدين

انا شايفاكم بتعاملو بعض ازاي وعارفه انكم

مستمرين علشاني وعلشان ما تزعلونيش

..بس يا ادهم انت بترتكب غلطه كبيره..

ادهم: لا يا امي انا بصلح غلطه اكبر

..ارجوكي بلاش كلام في الموضوع ده تاني

واقفليه لحد كده..

جه تاني يوم وليلي لمت حاجتها ومشيت

وودعتها كريمه بدموعها وحمدي وصلها

للمحطه وادهم رفض اصلا يشوفها وهيا

ماشيه.

ادهم حس انه لتاني مره بيخسر حاجه غاليه
عنده قوي ومش بايدده يتصرف زي بالظبط
لما خسر نظره ..النهارده حس انه بيخسر
نظره لتاني مره..

ادهم ساب لليلي شيك ثمن اتعابها بس هيا
اديته لكريمه وقالتلها انها مش هتقدر تاخذ
فلوس منه وقالتلها ان ادهم سابلها الفلوس
علشان يأمن مستقبلها بس هيا مش عايزه
فلوس ..هيا كانت عايزه حبه...

رجعت ليلي لجوز امها ولشغلها القديم وكل
حاجه رجعت زي الاول بس الفرق انها قبل
كده كانت بتحلم وتتمني لكن دلوقتي بقت
ميته عايشه من غير روح..

في يوم بعد ما رجعت من شغلها جالها
عباس جوز امها

عباس: انا عايز فلوس يا بت انتي..

ليلي طلعت مهيتها واديتهااله

عباس: ايه ده يا بنت انتي؟ انتي فاكراني اهل

ولا ايه؟

ليلي: عايز مني ايه؟ ما انا اديتك اللي معايا؟

عباس: لا يا اختي مش عايز دول..دول

خليهملك...انا عايز من ملايين حبيب القلب..

ليلي: حبيب القلب ده مالکش دعوه بيه

..وبعدين انا ما اخدتش منه حاجه..

عباس: عليا انا يا روح امك؟؟؟ لا ده انا عباس

ليلي: قتلک ما اخدتش حاجه منه

ضربها عباس وسابها ومشى لما ملقاش

معاها حاجه وقررانه يروح لادهم يطلب منه

فلوس

ليلي فضلت تعيط وجتلها امها

الم: وبعدين يا حبيبتى واخره العياط ده ايه؟

ليلي: طيب اعمل ايه؟ مش عارفه اعيش من

غيره؟

الام: طيب انتي سيبتى ليه لما بتحبيه؟

ليلي: مش انا اللي سيبتته هو اللي سابني

..مره واحده بعد ما روحتله لقيته انسان تاني

اتغير معرفش ليه؟

الام: هو انتي يا ليلي ما اخديتش منه فلوس

ولا بتضحكي علي عباس؟؟

ليلي: لا ما اخديتش منه اي حاجه حتي كل

هدايا سيبتها له..مش عايزاه يفتكر انه

اشتراني بفلوسه..

الام: انا عايزه اقولك حاجه بس خايفه تزعلي
بس يمكن تكون هيا السبب في اللي حصلك

ليلي: قصدك ايه وحاجه ايه؟ قولي

الام: بعد ما اتجوزتي ومشيتي لاحظت ان
عباس معاه فلوس كتير وبيصرف كده براحته

ليلي: هاه وبعدين

الام: سألته الفلوس دي منين رفض يقولي
بس سمعته وهو سهران مع اصحابه بيقول
ان المحامي بتاع جوزك عطاله الفلوس دي
علشان يوافق انك تتجوزي ادهم الاعمي؟

ليلي: انتي بتقولي ايه؟ عباس قبض ثمن

جوازي من ادهم؟

الام: ايوه وباینله قبض كتير قوي كمان

ليلي: علشان كده هو اتغير معاياي وبقي
بيكلمني بالفلوس علي طول ...انا لازم اروحله
وافهمه كل حاجه

الام: هتروحي فين ده احنا المغرب خليكي
الصباح له عنين بكره الصبح روعي الدنيا
مش هتطير

فعلا قدرت ليلي تروحله الصبح بدري..
عباس خرج وركب اول قطار وراح لبيت
ادهم واول ما وصل طلب يقابل كريمه
الاول...كريمه نزلت تقابله بسرعه قبل ما
ابنها يحس بيه.

كريمه: انت ايه اللي جابك هنا ؟ وعاييز ايه؟
عباس: الله الله الله ده ايه المقابله دي ؟ده
انا برضه من ريحه الحبايب ولا ايه؟

كريمه: اخلص قول عاييز ايه وبلاش رغي؟

عباس: ولا مؤاخذه يا هانم عايز فلوس
...فلوس ثمن سكاتي علشان معرفش البيه
باتفاقنا.

ادهم كان نازل من اوضته وهو علي السلم
سمعهم وعرف صوت عباس وفضل واقف
علشان يعرف هو عايز ايه من امه ودخله هو
ايه؟

كريمه: ما انت قبضت وقبضت كتير كمان؟
عباس: خلصوا يا هانم انتي عارفه الدنيا بقت
عامله ازاي ..وبصراحه البيت ليلي لما رجعت
واشتغلت تاني في المطعم الفلوس اللي
بتجيبها مش كفايه واحنا خدنا علي العيشه
الناعمه..

ادهم استغرب ان ليلي رجعت شغلها ..امال
الفلوس اللي عطاها راحتي فين والفلوس
اللي قبضتها من امه فين؟؟

كريمه: انت فاكر ان دي بقي التكيه اللي كل
ما تحتاج فلوس تيجلها..انا مش عارفه ليلي
ازاي تقبل تعيش مع واحد زيك كده عال
عليها؟؟؟

عباس : جوز امها بقي هتعمل ايه؟؟
وبعدين ما تنسيش ان انا جيبتهالك لحد
عندك وخليتها تتجوز النوس بتاعك..ولا
تحبي اقوله انك اشتريتهاله بالفلوس.؟؟؟

كريمه: اخرس ..انت اصلا اللي حبستها
غصب عنها منعته تقابل ابني وانت اللي
بعدها عنه وانا اضطررت ادفع علشان انت
تسيبها ترجعله ..انا دفعتلك بس علشان
اخلى ليلي من ظلمك وقهرك ليها لاني

عارفه انها بتحب ابني وهو بيحبها ومكنتش
هسمح لكلب زيك يفرق بينهم..كان لازم
احافظ علي حبهم باي طريقه...ودلوقتي
اطلع بره..

عباس: لا يا هانم مش طالع بقي غير لما
اقابل الننوس بتاعك واقوله

فجأه ادهم دخل: اعتقد سمعت امي وهيا
بتقولك اطلع بره

اتفاجئت كريمه بابنها وعباس كمان

عباس: يا باشا انا....

قاطععه ادهم: اطلع بره مش عايز كلمه زياده
منك

نادي ادهم علي الخدم

ادهم: طلّعوا الرّاجل ده بره ولو حاول يدخل

هنا تاني اطلبوله البوليس

اخذوا عباس وطلّعوه بره ..فضل الصمت

مسيطر علي المكان

ادهم افكاره كلها بتتخاّنق مع بعضها وافتكر

كل لحظه ظلم فيها ليلي وهانها ..طول

الوقت بيجرّح فيها ويبيع ويشترى فيها وهيا

مظلومه

كريمه: انا اسفه يا ادهم ..بس كنت فاكّره اني

كده بسعدك

ادهم: تسعديني بايه؟بانك تشتريلي

عروسه؟؟؟انت عارفه انت عملتي فيا

ايه؟؟انتني عارفه انا عملت ايه؟

ادهم كان بيزعق بصوته كله

كريمه: انا اسفه حرك عليا. انا عملت كده

علشان بحبك

ادهم: انا عارف انك بتحبيني ..بس انتي

خليتيني اقضي علي الانسانه اللي بحبها

بايدي ..انا سمعتك وانتي بتكلمي المحامي

ويتقوليله انه يدفع لحد ما يوافقوا وكنت

فاكر ان ليلي هيا اللي هتقبض ..عندك ادني

فكره انا عاملتها ازاي؟؟؟

كريمه بعياط: انا اسفه بس انت ليه

مقولتليش؟

ادهم: لاني كنت مجروح منك ومنها؟ ازاي

ليلي تقبل تبيعني كده وانت ازاي تشتري

لابنك عروسه بالشكل ده؟كنتي عايزاني

اقولك ايه.؟؟

سابها ادهم وطلع اوضته وهيا جريت وراه

كريمه : هتعمل ايه ؟

ادهم: هروحلها وياريت ما اكنش اتأخرت
كتير لازم اصلح كل حاجه

كريمه:طيب خليك الصبح

ادهم: لا مش هستني اقدر من كده ارجوكي
سييني

حمدي جه وسمع صوت كريمه وادهم
وحس انهم بيتخانقوا علشان صوتهم عالي
طلع السلم وخط شنطة اوراقه وشنطة
اللاب من ايده علي اخر السلم وراحلهم

حمدي: صوتكم عالي كده ليه؟ مالك يا ماما
بتعيطي ليه؟ ادهم في ايه؟ فهموني ايه اللي
حصل؟

ادهم: مفيش حاجه ..انا لازم اسافر دلوقتي
ليلي

خرج ادهم من اوضته مستعجل من غير
عكازه وكل همه يروح لحبييته...وفجأه
اتكعبل في شنت حمدي ووقع علي السلم
..اتدحرج السلم كله لحد ما استقر تحت..

حمدي جري وراه بس ما لحقوش وكريمه
صرخت علي ابنها

حمدي : ادهم رد عليا ارجوك رد عليا ادهم..

ادهم اتكلم بصعوبه: ليلي هاتل

ي ليلي يا حمدي

وغاب عن الدنيا

يا تري ليلي هتلق حبييها ولا هي موت قبل

ما توصل؟

ادهم هيلحق يعترف لحبييته بحبه ولا حبه

هيعيش ويموت جواه؟

+ShiMoOo

واصل قراءة الجزء التالي

الجزء ١٤ ShiMoOo

الحلقة ال١٤

كبرياء اعمى

وقع ادهم وغاب عن الوعي وحت الاسعاف
بسرعه ونقلوه المستشفى .كريمه طلبت
من حمدي يروح بسرعه يجيب ليلى زي ما
ادهم طلب وفعلا سافرلها ووصل لها علي
طلوع النهار وقابلها نازله من بيتها .

ليلى اول ما شافته قلبها اتقبض لانها طول
الليل بتحلم بادهم وهو بينادي عليها .

ليلى: حمدي في ايه وايه اللي جابك هنا؟

حمدي: ادهم يا ليلى..تعالى بسرعه

من غير ما يزود كلمه تانيه كانت راکبه
عربيته وفي الطريق حكالها كل الي حصل
..طول الطريق وهيا بتعيط وتدعي ربها انه
يديلها فرصه تانيه تقوله انها بتحبه..ولعنت
كبريائها الاعمي ولعنت غبائها الي خلاها
تتخلي عن حبيبها

اخيرا وصلو المستشفى وجريت علي كريمه

وحضنتها وفضلت تعيط في حضنها

كريمه: انتي لازم تكوني قويه..فاهمه؟؟

ليلي: يا ريتني ما مشيت يا ريتني

كريمه: لا يا حبيبتي انا الي عملت فيكم

كل ده ..يمكن لو مكنتش اتدخلت بينكم

كانت كل حاجه مشيت صح ..سامحيني

عيطت كريمه وليلي ضمته

ليلي: اسامحك علي ايه بس؟؟ انتي عملتي
كل ده بحب لكن احنا اللي كنا اغبيه احنا ما
صارحناش بعض بالحقيقه...انا عايزه اشوفه
يا ماما ارجوكي

دخلت ليلي عند ادهم كان نايم في سريره
واجهزه كتير قوي واصله بيه وصوت نفسه
عالي من الجهاز ونبضات قلبه ضعيفه ..ما
استحملتش منظره ده فعيطت اكثر واكثر
..دخلت الممرضه عليها

الممرضه: ممنوع يا فندم العياط هنا
ووجودك كمان غلط ..ارجوكي اطلعي بره لو
سمحتي

ليلي: انا مراته مش هيعط هفضل جنبه بس
ارجوكي سيبيني

الممرضة: اسفه بس هو مش هيحس بيكي
هو في غيبوبه حاليا

ليلي بتعيط اكر والممرضة بتاخذها
وتطلعها بره...

عدي اسبوع كامل وهو في غيبوبه ومفيش
اي تحسن زي ما يكون استسلم خلاص
للموت...ليلي وهيا جنبه مسكت ايده

ليلي: ارجوك فوق بقي ..كفايه كده ..انا بحبك
مش عايز تسمعني بقولها؟؟؟ فوق وانا
اقولها لك كل لحظه وكل ثانيه ..هفضل لآخر
لحظه في عمري احبك ..بس فوق علشان
خاطري... فوق

عيطت ليلي علي ايديه ودموعها نازله علي
ايده شويه وحست بيه بيتحرك....ليلي
جريرت بسرعه تنادي علي الممرضة والدكتور

الدكتور: ادهم ..سامعني؟؟ انت حاسس

بيا؟؟

ادهم:

الدكتور: اي حركة او اشاره هعرف انك

سامعني

ادهم:

الدكتور بدأ يفحص فيه ويشوف ردود افعاله

ولحظات وغاب تاني عن الدنيا.....

الدكتور طمنهم بانه طالما فاق يبقي ده

علامه كويسه ..شويه شويه وكل يوم يفوق

لحظات ويغيب تاني

في ثالث يوم ادهم فاق والدكتور عنده حاول

ادهم يتحرك بس ما قدرش يتحرك نهائي

الدكتور: في ايه مالك؟؟حاسس بايه

ادهم: مش قادر اتحرك نهائي.. مش قادر

احرك راسي او ايدي او اي حاجه

فعلا طلب الدكتور من ادهم يحرك رجليه او

صوابه بس ادهم ما قدرش

ادهم: ايه بقيت مشلول كمان؟؟؟؟؟

الدكتور: لا مشلول ايه؟؟؟ ده بس من اثر

الوقعه كام يوم وهتتحسن

ان شاء الله بس انت ما تقلقش.

ليلي كانت بتقضي طول النهار والليل مع

ادهم وكل ما يحاول يتكلم تسكته وتقوله

مش دلوقتي هنتكلم براحتنا بس مش

دلوقتي ..

عدي كام يوم وادهم برضه مش قادر يحرك

اي حاجه في جسمه نهائي

الدكتور مع كريمه وليلي

ليلي: دكتور طمني عليه..هو مش بيقدر
يتحرك ليه وامتي هنقدر نمشي من هنا؟؟؟

الدكتور: انا مش هخبي عنكم هو حالته
سيئه..الخبطه عملت نزيف علي المخ
والنزيف اتجمع وبيضغط علي مركز الحركه
في المخ ومحتاج لعملية علشان نشيل الدم
اللي اتجمع ده ونخفف الضغط علي مركز
الحركه..

ليلي: طيب مستنين ايه؟..اعملوله العمليه
الدكتور:الموضوع مش سهل نهائي والعمليه
خطيره جدا ومش اي حد يقدر يعملها
كريمه: احنا ممكن نسافر بره قولنا اسم
دكتور كويس للمخ والاعصاب واحنا نسافرله

الدكتور: حضرتك برضه مش فهمتيني
المشكلة مش في مين اللي هيعمل
العملية؟؟

كريمه: قصدك المشكلة في اضرار العملية
صح مش ده اللي عايز تقوله؟؟
الدكتور:.....

كريمه: انا عديت بالمرحلة دي قبل كده
فارجوك هات من الاخر وقولي اضرار العملية
الدكتور: لو نجحت هيمشي تاني وهيعيش
حياته طبيعيه..

ليلي: ولو فشلت؟؟؟

الدكتور: لو فشلت هيفضل مشلول شلل
كلي ده غير المخاطر التانيه اللي ممكن
يتعرضلها في العملية

كريمه: مخاطر زي ايه؟؟

الدكتور: زي انه يفقد ذاكرته ويفقد هويته
مع كل الاضرار الناتجه عن فقدانه لعقله

ليلى: يعني ايه انا مش فاهمه..

الدكتور: يعني ممكن يفقد كل حاجه بتخليه
انسان ..يعني هيكون مشلول تماما مع
عقله طفل لسه مولود معندوش عقل
نهائي يعني مش هيعرفكم ولا هيميزكم ولا
هيقدر يتكلم ده غير انه اعمى من الاخر مش
هيكون الانسان اللي انتو تعرفوه غير بشكله
بس.وده اسوء سيناريو ممكن يحصل

نزل كلام الدكتور زي الصاعقه عليهم وهنا
انهارت كريمه تماما وطلعت كل العياط اللي
كانت حبسها جواها من ساعه ما ابنها عمل

الحادثه من ۳ سنين ..دلوقتي حسنت انها

خسرت ابنها

ليلي: خلاص مش هنعمل العمليه

الدكتور: هيفضل مشلول ده غير ان النزيف

ممکن يزيد او يتحرك من مكانه وساعتها

ممکن

ليلي: ممکن ايه؟؟

الدكتور :: ممکن يخسر حياته..انا اسف عارف

ان كلامي صعب بس انتو طلبتو

الحقيقه..قررنا براحتكم وبلغوني قراركم

كريمه: هنعمل ايه يا ليلي؟؟؟

ليلي: مش عارفه بس ده قرار ادهم هو

المفروض ياخده

كريمه: انت ناويه تقويله؟؟

ليلي: طبعا ده شيع مش هينفع نخبيه ..وما
ينفعش ناخد قرار زي ده من غير موافقته
..انا عن نفسي مش هقدر اخد قرار زي ده

دخلت ليلي عند ادهم واول ما حس بيها

ادهم: اخيرا جيتي؟؟كنتي فين كل ده

وسيباني لوحدي

ليلي: انا جيت اهوه كنت بشم هوا بره عندك

مانع؟؟

ادهم: طول ما بتبعدي عني يبقي عندي

مانع خليكي جنبني ..بس لو متضايقه قولي

ليلي: لا يا ادهم لو اطول افضل في حضنك

علي طول.

ادهم: طيب وايه اللي مانعك؟؟ ما تقربي من

حضني لو قادر كنت شديتك غصب عنك

ليلي نامت علي صدره ودموعها نزلت غصبا
عنها

ليلي: انا في حضنك اهوہ .. (مسحت دموعه)
بس انت ما تزهقش مني

ادهم: مخبيه ايه عنني؟؟؟ قولي اللي تابعك
وريجي نفسك..لو عايزه تبعدي يا ليلي...

ليلي قاطعته بسرعه: لا عايزه افضل في
حضنك انا بندم علي كل لحظه عدت وانا
مش في حضنك ..

ادهم: توعدي تفضلي جنبي مهما يحصل
واوعديني لو في يوم عايزه تبعدي قوليلي ..ما
تسيبينيش للافتراضات

ليلي: اوعدك ان افضل علي طول في حضنك
ادهم: ايه بقي اللي مضايقتك؟؟ قولي بقي..

ليلي: انا هنادي للدكتور وهو يشرحلك احسن

مني

ادهم بهزار: ايه قالك هموت ولا ايه؟؟عارفه

حتي لو هموت مش هزعل لانك جنبني..

وكفايه عليا قوي اني حبيت واتحبيت

الدكتور خبط ودخل وبدأ يشرح لادهم حالته

كامله وقاله علي كل الاضرار

ادهم كان بيسمع بهدوء شديد لحد الدكتور

ما خلص كلامه

الدكتور: عندك اي استفسارات؟؟

ادهم: لا شكرا الكلام كله واضح

الدكتور: اسبيكم لوحدكم بعد اذنكم

سابهم وخرج وفضلو الاتنين في صمت لحد

ما ليلي قطعت الصمت ده

ليلي: ناوي علي ايه؟؟

ادهم:

ليلي: ارجوك ما تسكتش كده اتكلم

ادهم: عايزيني اقول ايه؟

ليلي: قول اي حاجه اتكلم معايا

ادهم: عملت حادثه وخسرت حياتي وفضلت
في المستشفى من عمليه لعمليه وخرجت
وقابلتك وقلت انك تعويض من ربنا
واتعذبت في حبك واخيرا كل حاجه كانت
هتتعديل وانا كنت هجيلك بس اتكعبل علي
السلم واقع ودلوقتي انا مش بس اعمي لا
كمان بقيت مشلول والمفروض اعمل
عمليه يا اما تنجح وده احتمال ضعيف جدا
او تفشل وابقي ...ابقي ايه؟؟مش عارف
ابقي ايه؟؟

ليلي: مهما كان قرارك انا هفضل جنبتي

ادهم: هتفضلي جنبتي؟؟؟لامتي؟؟؟

ليلي: لآخر يوم في عمري

ادهم: انتي مش واخده بالك ان انا بقيت
مشلول يعني ما انفعش لاي حاجه وانا
عمري ما هقبل تضيعي عمرك وشبابك مع
واحد زيي

ليلي: انا بحبك وهفضل جنبك مهما يحصل

ادهم: سيبيني لوحدي لو سمحتي

ليلي: لا يا ادهم مش هسيبك لوحديك ارجوك
ما تياسس كده..وبعدين احنا في مركب
واخده يا نغرق مع بعض يا نوصل لبر الامان
مع بعض

ادهم: انتي مش واخده بالك انا في الحالتين
ميت .. لو معملتش العمليه وفضلت
مشلول ده بالنسبالي الموت بعينه ولو
عملتها وفشلت وده الاكيد هموت او اسوء
من الموت مليون مره

ليلي: او تعمل العمليه وتخف ده اختيار
ثالث ليه ناسيه

ادهم: مش ناسيه بس انتي ما سمعتيش
الدكتور وهو بيقول نسبه نجاح العمليه اقل
من 5%

ليلي: وانا بؤمن بالفرص المستحيله..ايه
فرصه ان واحده بتغسل صحون في مطعم
تتجوز مليونير

ادهم: مليونير اعمي محدش يبصله

ليلي: انت لو شاورت مليون واحده هتترمي
تحت رجليك..انت ما شفتش سهيله كانت
هتموت عليك ازاي؟ ولا حمدي بيغير منك
ازاي؟

ادهم: سهيله هتموت عليا علشان فضلت
واحد عليها وحمدي من صغره بيغير

ليلي: انت ليه مصر تقلال من قيمه نفسك؟؟

ادهم: خلاص يا ليلي ... خدي انت القرار نيابه
عني ..واللي تقويه هعمله..لو قلتي اعمل
العمليه هعملها

ليلي: لا انت بتقول ايه؟؟ لا طبعا ما اقدرش
اخذ قرار زي ده نيابه عنك

ادهم: ليه لأ؟مش احنا في مركب واحده زي
ما بتقولي..خدي انتي القرار واللي يسري
عليكي يسري عليا

ليلي: ادهم حرام عليك تحملني قرار زي ده
..وتحملني ذنب ما اقدرش اشيله ..لو جراك
حاجه مش هقدر اسامح نفسي ابدًا

ادهم: قربي مني وبوسيني ..بوسيني بكل
الحب اللي جواكي

قربت ليلي منه وفضلت تبوس فيه بجنون
..بتبوسه في كل حته في وشه..وبعدين عيظت
علي صدره

ادهم: ليلي لو هموت مفيش حاجه هتمنع
ان ده يحصل ..وكفايه عليا قوي انك
بتحبينيلو فضلت مشلول يا ليلي يبقي
ميت ولو عملت العمليه وفشلت برضه
ميت يبقي فاضل ال 0% انه ممكن
تنجح.زي ما انتي قلتي

ليلي: يعني نخطر بال ٥٠%..... بس لو
معملناش هتفضل جنبي هتفضل عايش
معايا

ادهم: ما تفكريش بانانيه يا ليلي ..ارجوكي
،،لو مشلول مش هبقي عايش هبقي عاليه
علي كل واحد وده وضع مش هستحمله انا
يدوب قدرت اتقبل وضعي كأعمي بس اخذ
مني ٣ سنين لكن الشلل مش هقدر اتقبله
ابدا ابدا

ليلي: يبقي تعمل العمليه ونقبل ال ٥٠ %
يمكن ربنا يعوضنا عن كل اللي فات
ويحققنا المعجزه

ادهم: بس عايزك لو مت تعيشي حياتك
وتخلي بالك من امي ومتوفقيش حياتك
علي كده اتجوزي تاني

ليلي: ارجوك يا ادهم بلاش الكلام ده

ادهم: لا يا ليلي ده شرطي انك توعديني انك

تزعلي عليا فتره وبعدها تخرجي للدنيا

وتتجوزي تاني ..بس بلاش حمدي هتخنق

وانا ميت لو اتجوزتية

ليلي بتضحك: مش هتجوز حمدي انا مش

عايزه اخنقك برضه

ادهم: عايزك تخلفي عيال كتير وتحكيهم

عن قصه حبنا القصيره اللي الغباء كان

مسيطر عليها من اولها لآخرها

ليلي ضحكت: واسمي اول عيل باسمك

وافتكرك في كل لحظه في حياتي

بعد كده عيبت قوي وهو كمان عيط في

حزنها ..قالو للكل انه قرر انه يعمل العمليه

وكريمه جواها امل كبير ان ربنا هيشفي

ابنها ويرجع هولها تاني

ياتري ادهم هيجراله ايه؟

هيتشل ولا هيقوم تاني؟

حمدي هيعمل ايه؟

ادهم هيطلب طلب غريب من حمدي ياتري

ايه هو؟ وحمدي هينفذوله ولا؟

+ShiMoOo

واصل قراءة الجزء التالي

الجزء ١٥ ShiMoOo

+

الحلقه ال ١٥

كبرياء اعمى

حمدي كان مع ادهم وادهم طلب منه طلب

غريب

ادهم: حمدي انا عايز اطلب منك طلب..هما

طلبين صراحه مش واحد؟؟؟

حمدي: اي حاجه انت بس تشاور..

ادهم: ايه ده! انا مش متعود منك علي كده

ولا علشان هموت يعني؟؟

حمدي: لا يا ادهم انت مش هتموت ..بس

مراتك خلتني اغير نظرتي لامور كتير واولها

انت ..خلتني ابصلك كأخ مش كمنافس

ادهم: يعني مراتي في كام شهر عملت اللي انا

معرفتش اعمله في سنين ..واخير بصتلي

كأخ؟

حمدي: المهم قول عايز ايه؟

ادهم: اولا عايز اسافر بره اعمل العمليه مش

هنا

حمدي: ليه؟ ماهو الدكتور اللي هيعمل

العمليه احنا هنجيبه من بره

ادهم: لا يا حمدي انا عايز اسافر

حمدي: وليه انت غاوي تعب؟؟؟

ادهم: عندي اسبابي الخاصه

حمدي: وايه هيا؟؟؟

ادهم:.....

حمدي: ماهو يا تقولي ليه يا مش هساعدك؟

ادهم: انت بتساومني ولا ايه؟

حمدي: مش اتفقنا نبقى اخوات ولا رجعت

في كلامك؟

ادهم: هقولك بس توعديني محدش يعرف

بالي هقولهولك

حمدي: ماشي اوعدك

ادهم: بره عندهم سياسه في المستشفيات

مش عندنا هنا

حمدي: سياسه ايه؟

ادهم: ان المريض ينفع يرفض الانعاش او

انه ينهي حياته!!!!

حمدي: افندم؟؟؟ مش فاهم يعني ايه؟

ادهم: يعني قبل ما ادخل العمليه همضي

علي ورق في حاله ان العمليه فشلت وانا

هفضل مشلول من غير عقل هخليهم ينهوا

حياتي لاني مش عايز استمر كده

حمدي: انت مجنون ده انتحار

ادهم: لا مش انتحار انا ساعتها مش هكون
موجود اصلا كل اللي هعمله هرفض
الانعاش يعني لو قلبي وقف يسيبوه واقف
لو فشلت العمليه يا حمدي مش عايز
اعيش عاليه علي امي او ليلي ده انا حتي
مش هعرفكم وهكون مشلول واعمي يعني
ميت اصلا بس ميت متعب ..هتفضل امي
تتحسر عليه كل ما تشوفني لحد ما تموت
بحسرتها ويلي هتفضل تخدم فيا وياريت
حتي هكون حاسس بيهم ..انت عايز تعمل
في ليلي وكريمه كده؟؟

حمدي:.....

ادهم: سكت يعني ...لانك عارف ان كلامي

صح؟؟؟

حمدي:بس يا ادهم..

ادهم: ما بسش..مش عايز حد يعرف
بالموضوع ده وابدأ جهز للسفر...من غير
ماحد يعرف.. امي او ليلي لو عرفو مش
هيوافقو

حمدي: وليه انا اللي عايزني اوافق؟؟

ادهم: لانك عملي ومش بتفكر
بعواطفك..وبعدين انا بعتمد علي حته الغيره
اللي فيك ..فكر كده..لو انا مت هتبقني انت
الكل في الكل

حمدي: تصدق فعلا عندك حق..هتسافر
امتي؟؟؟

ضحكوا هما الاتنين

حمدي: والطلب الثاني ايه هو؟

ادهم: الطلب الثاني؟؟؟؟ده المهم...وهو ليلي

حمدي: مالها ليلي؟

ادهم: هتكون مسؤوليتك ..انت مسؤل
تعيشها حياتها لو انا مت مطلوب منك
تنسيها ادهم تماما

حمدي: هههههه وانت فاكر ان انا اقدر
؟؟؟انت بتحلم

ادهم: طول ما انا موجود لأمش هتقدر لكن
لو انا مت هتقرب شويه شويه..انا قتلها
تعيش حياتها بس قتلها انت بالذات لأبس
فكرت فيها لقيتك انت اكثر واحد مناسب

حمدي: مناسب ازاي؟؟؟

ادهم: ليلي مش هتسمح لحد جديد يدخل
حياتها لكن انت اصلا موجود وهيا بتعزك
وشويه شويه ممكن المعزه دي تتغير

حمدي: اه وافضل عمري كله كل ما اشوفها
سرحانه اعرف انها بتفكر فيك وتبقي قارفي
دنيا واخره. وانت عايش انا رقم اتنين وانت
ميت برضه رقم اتنين. لانك هتكون ديما في
قلبها

ادهم: عارف انه طلب صعب بس ارجوك
اوعدي انك تخلي بالك منها

حمدي: حاضر يا ادهم كريمه وليلي في
عيوني....(كامل بهزار)موت انت بس واتكل
علي الله

الكي استغرب من اصرار ادهم للسفر بس
بعد كده اقتنعوا وفعلا سافر ادهم كان عايز
يسافر لوحده بس طبعا لاكريمه ولا ليلي
وافقوا يسيبوه

سافروا ودخلو المستشفى واستعد ادهم
للعملي hgه وقبل العمليه بيوم حمدي خرج
كريمه وليلي بحجه انهم يريحوا قبل العمليه
لانها هتستمر وقت طويل ولازم يكونوا
مرتاحين ورجع هو لادهم علشان يمضوا علي
ورق عدم الانعاش

الدكتور: انت متأكد من رغبتك دي؟؟

ادهم: ايوه متأكد...لو حالتي العقليه اتأثرت
او هفضل مشلول يبقي مش عايز انعاش

الدكتور: طيب لو حالتك العقليه كويسه
ومش مشلول وقلبك وقف لاي نتيجته في
العمليه

ادهم: يبقي تنعشني

الدكتور: يعني انت عايز عدم الانعاش في
حاله الشلل او تأثر حالتك العقليه..انا فهمت
صح؟؟

ادهم: ايوه مضبوط

وفعلا تم كل شيء زي ما ادهم عايزه
قبل العمليه ادهم اول مره يحس بالخوف
كده مع انها مش اول مره يدخل عمليه او
حياته تكون مهدده بس قبل كده مكنش
عنده حاجه يخسرها لكن دلوقتي عنده كتير
...عنده ليلي

ادهم : ليلي ..انتي فين؟؟

ليلي قربت ومسكت ايده وباسته

ليلي: انا هنا جنبك ما تخافش كل حاجه

هتكون كويسه

ليلي بدأت تعيط

ادهم: لا يا ليلي اخر حاجه محتاجها منك هو

العياط..علشان خاطري ودعيني من غير

دموع

ليلي: لا يا ادهم مش هودعك ..انت هتبقي

كويس وهتقول ليلي قالت..اوعي تستسلم

للموت وافتكر ان انا مستنيك..ولو لقيت

نور ابيض ما تروحلوش ابعد عنه

ادهم: هههههههه مش هروح للنور..بس علي

فكره انا اعمي يعني مش هشوف النور

ليلي ضحكت: عندك حق اهو ميزه انك

اعمي

ادهم: ليلي لو جralي حاجه اسمحي لحمدي

انه ياخذ باله منك

ليلي: مش عايزه الكلام ده دلوقتي وبعدين

انت قلت الا حمدي غيرت رأيك ليه؟

ادهم: هو اللي اتغير فنظرتي ليه اتغيرت

ليلي: انت عارف ان انا مش هقدر اكون مع

راجل تاني

ادهم: انا كل اللي بطلبه حاليا انك تسمحيله

يخلي باله منك وسيبي الباقي لبعدين

ليلي: حاضر يا ادهم اللي انت عايزه

جت الممرضه وطلبو منها تتطلع بره لانهم

هيجهزوه للعمليه

خرجت ليلي واول ما شافت كريمه عيطت

وحست ان الدنيا كلها بتلف بيها وفجأه كل

شيء بقي اسود

فاقت ليلي لقت نفسها في سرير وكريمه

جنبها

ليلي: ادهم هو فين؟؟

كريمه ما تخافيش لسه ما دخلش العمليه

ليلي: ايه اللي حصل؟

كريمه: اغمي عليكى وعملوك تحاليلي

ولسه نتيجتها ما ظهرتش

ليلي: انا لازم اروح لادهم. لازم اكون جنبه

كريمه: هيمنعوكي لانهم خلاص هيدخلوه

العمليات

ليلي: المهم يحس بينا جنبه

وفعلا راحوا لادهم ودخل العمليات وكلهم

مستنين امل ربنا

وبعد ما دخل العمليه جي دكتور ليلي

ومعاه ورق

الدكتور:؟ are you LaiLa

ليلي: YES I'M

وده كان اخر معرفه ليلي بالانجليش

الدكتور كامل كلامه مع كريمه اللي اتدخلت
علشان تشوف الدكتور عايز ايه..ولما سمعته
معرفتش تفرح ولا تعيط ..سابهم الدكتور
ومشي ويلي مش فاهمه حاجه

ليلي: في ايه يا ماما؟ قالك ايه؟؟.....ماما

ردي عليا

فضلت كريمه ساكنه شويه بس دموعها

نزلت

كريمه: انتي حامل يا ليلي

ليلي: لا مش حامللو حامل هعرف ولا

ايه؟؟

كريمه: حامل يا ليلي

ليلي: انا منفصله عن ادهم من يجي شهرين

ويمكن اكثر

كريمه: انتي بدأتي في الشهر الثالث

ليلي: طيب ازاي وانا معرفتش؟؟

كريمه: يمكن لانك مشغوله بادهم لدرجه

نسيتهك نفسك

ليلي سكتت بس قلبها بيدق بطريقه غريبه

خوف علي فرحه ان فيها جزء من ادهم

..وكريمه كمان بتفكر نفس التفكير..اللاتنين

بيفكروا

"مش یمکن ربنا عایز یعوضهم عن ادهم

بابن منه؟؟؟"

الأتین عیطوا بصمت من غیر ما واحده

فیهم تتکلم..حمدي جه عندهم ولاحظ

حالتهم

حمدي: فی ایه؟مالکم؟فی حاجه حصلت

لادهم؟

کریمه: لا یا حبیبی ادهم کویس ..او احنا

منعرفش حاجه عنه

حمدي: امال مالکم عاملین کده لیه؟

کریمه: لا یا حبیبی مفیش ..بس عرفنا ان

لیلی حامل

حمدي: ایه حامل؟؟؟

حمدي فكر "" "" شكلك فعلا يا ادهم هتفضل
ورايا حي او ميت..بس ابن منك هيكون
كويس علي الاقل امك تلاقي هدف تعيش
علشانه وانا اوعدك اني هريبه زي ابني "" ""
يا تري ادهم هيعيش ولا ابنه تعويض عنه؟
ليلي هتقبل حمدي مكان ادهم ولا ؟+

+

+ShiMoOo

واصل قراءة الجزء التالي

الجزء ١٦ ShiMoOo

الحلقه ال ١٦

كبرياء اعمى

اخيرا انتهت العمليه اللي استمرت اكثر من
١٦ ساعه واخيرا خرج الدكتور فجرىوا كلهم
عليه

حمدي: ايه الاخبار

الدكتور: العمليه مشيت كويس بس الباقي
هنعرفه لما يفوق هو اللي هيحدد عقله
سليم ولا لاء؟ مشلول ولا لاء؟..دي حاجات احنا
مينفعش نعرفها غير منه

سابهم ومشي وليلي زي المجنونه بتتطلب
منهم يفهومها قالي ايه فحمدي شرحها كلام
الدكتور

سابهم حمدي وراح للدكتور علشان يكلمه
لوحده

حمدي: معلش يا دكتور بس بالنسبه لقرار
عدم الانعاش

الدكتور: ادهم طلب ننفذه في حاله الشلل او
الضرر العقلي ولحد دلوقتي ما نعرفش
حاله .. لو حصل حاجه من الاتنين انا اسف
هكون مضطر انهي حياته

حمدي: حتي لو قلبه موقفش

الدكتور: ادهم طلب انهاء حياته في حاله من
الاتنين اللي سبق وقلناهم

حمدي: لا هو فهمني انكم مش هتنعشوه لو
قلبه وقف

الدكتور: انا معرفش هو قالك ايه بس كلامه
كان واضح اننا ننهي حياته لو حصلت حاجه
..بعد اذنك

عدي ٣ ايام والكل في حاله تاهب وخصوصا
حمدي اللي خايف علي ابن عمه اللي اتأخر

قوي علشان يحبه وطلب من ربنا فرصه
يحاول يستمتع ان ليه اخ
في اليوم الرابع ادهم بدأيفوق ..الكل اتلم
عليه

الدكتور: ادهم سامعني

ادهم:

الدكتور: اي اشاره اي حركه بسيطه تعرفني
بيها انك معانا

ادهم:.....

الدكتور : ارجوك يا ادهم حاول تحرك اي
حاجه حتي لو حركه بسيطه ..حرك رجلك
ايدك صوابك اي حاجه..انت عارف لو
متحركتش ايه اللي هيحصل

ادهم:

وغاب تاني عن الدنيا

حمدي: يعني ايه هاه؟ هتقتله دلوقتي؟؟

كريمه: انت بتقول ايه يا حمدي؟؟ مين

يقتله؟

حمدي: ابنك مضي علي اقرار انهم ينهوا

حياته لو فضل مشلول او عقله اتصاب

كريمه: يعني ايه يقتلوه؟ انا برفض

كريمه: دكتور انا اسفه بس مش هسمحلك

تقتل ابني

الدكتور: انا اسف بس ده كان قراره وهو اخده

وحالته العقلية كويسه وحضرتك مالتيش

سلطه توقي قراره ده

كريمه: انا امه يعني ايه ماليش سلطه؟

الدكتور: يعني ابن حضرتك راجل بالغ ..وده

طلبه والوصي عليه قانونيا وافق

كريمه:الوصي عليه؟؟مين الوصي عليه

حمدي حط وشه في الارض ومقدرش ينطق

لان عارف ان كريمه عمرها ما هتسامحه

وهتفهم موافقته دي غلط

الدكتور: اهوه واقف قدام حضرتك تقدري

تسأليه بنفسك..علي العموم الكلام سابق

لاوانه لانه ممكن يكون تعبته اكبر من انه

يستحملة احنا هنستني لما يفوق تاني

ونشوف هنعمل ايه ..بعد اذنكم

كريمه في حاله ذهول وليلي كمان مش عارفه

تنطق(حوار كريمه وحمدي كان بالعربي

فليلي فهمته)

كريمه: طول عمرك بتغير منه وانا عارفه
..بس قلت عيال وبيغيروا من بعض لكن
توصل انك توافق تقتله؟اهو ده اللي مش
ممکن اقدر اصدقه؟؟ليه يا حمدي؟هو انا
عمري قصرت معاك

حمدي: ارجوكي يا ماما

كريمه قاطعته: اخرس متقولش الكلمه دي
تاني..لو انا امك يبقي ادهم اخوك ومحدث
بيقتل اخوه

حمدي: هو طلب ده مش عايز يعيش عاليه
علي حد

كريمه: ومين قالك انه هيكون عاليه
هاه؟محدث طلب منك تخدمه او حتي
تزره...الام لما بتولد ابنها ماهي بتشيله
وتأكله وتلبسه وبتعمله كل حاجه بيكون

عاله؟؟ هاه؟؟..وانا عملت كل ده قبل كده
واقدر اعمله تاني لانه هيفضل عمره كله ابني
فاهم ده ابني اللي انت عايز تقتله
حمدي: انتي فاكراي مش زعلان..انا مكنتش
عايز اوافق بس هو اصر..

كريمه: ما طول عمره بيصر وعمرك ما بتنفذ
كلامه..عمرك..ليه دلوقتي؟ لانك بتتمناها
طول عمرك..طول عمرك عايز تكون مكانه
حتي لما اتجوز وهو اعمي برضه كنت عايز
تكون مكانه..ايه بتبصلي باستغراب
ليه؟فاكرني مش عارفه انك علي طول كنت
بتحاول تاخذ ليلي منه ..

حمدي: انتي بتظلميني ارجوكي
كريمه: انت اللي ظلمت نفسك..طول عمري
بعاملك زيه واحسن يمكن كنت بقسي

عليه كثير علشان خاطرک . عمري ما وفقت
بينکم الا ونصرتک انت عليه حتي لو غلطان
وده کان بيجننه وبيزعله مني بس كنت
بقول علشان ما تحسش للحظه اني مش
امک وبکده بتردلي الجميل؟ ..اخرج بره يا
حمدي ومتجيش هنا تاني

حمدي: ارجوکی اسمعيني

کريمه: سمعتک كثير ..اخرج بره

حمدي: طيب انتي يا ليلي

ليلي دورت وشهها بعيد عنه فاضطر يخرج
ودموعه علي وشهه وهو عارف انهم عمرهم
ما هيسامحوه لو ادهم مات بسببه..هو کمان
مش هيسامح نفسه ابدا

عدي يوم وحمدي في المستشفى بيراقب
من بعيد لبعيد

ادهم فاق تاني

الكتور: ارجوك حاول بس تحرك اي شىء في
جسمك

ادهم المره دي حرك صوابع ايده كانت حركه
بسيطه جدا بس لاحظوها و حاول يتكلم بس
ما قدرش او معرفش ينطق

الدكتور: ما تجهدش نفسك واحده
واحده.. استريح دلوقتي

كريمه: طمنا هاه

الدكتور: مبدئيا هو مش مشلول بس فاضل
نظمن علي حالته العقليه

عدي يومين كمان و ادهم بيفوق للحظات
وهما كلهم توتر وقلق

لحد ما فاق تاني

الدكتور: سامعني

ادهم:اه

الدكتور: انت عارف اسمك؟

ادهم: اسمي.....

الدكتور قلق : والدتك اسمها ايه؟

ادهم: اسمها.....

الدكتور: طيب فاكر ايه ؟حاول تركز انا عارف

انك تعبان ومجهد بس حاول

ادهم: ليلي؟؟ فين ليلي؟

ليلي فرحت وحاولت تقرب بس الدكتور

منعها

الدكتور: ليلي دي تبقي مين؟

ادهم: مرااتي هيا فين؟

الدكتور ابتسم "" : دلوقتي اقدر اقولكم ان

العملية نجحت مبروك

ليلى: ادهم حمد لله علي سلامتک

ادهم ابتسم ابتسامه ضعيفه

ادهم: مرمر فين؟

كريمه : بتضحك: انا اهوہ جنبك كلنا هنا

ادهم: حمدي مش سامعه ليه؟

كريمه وليلى:

ادهم: حمدي

كريمه: مش هنا

ادهم: اكيد مع ممرضه هنا ولا هنا الواد ده

مش هيتعدل ابدا

ادهم اخذ كام يوم بيفوق دقائق ويغيب
ساعات بس الدكتور طمنهم ان ده طبيعي
وانهم بيحاولو ينوموه علي قد ما يقدروا
علشان يرتاح من الالم

وفي مره فاق وكان الكتور عنده وهو لوحده
واول ما فتح عنيه قفلهم تاني بسرعه

الدكتور: في ايه؟ مالك؟

ادهم: النور ..النور قوي جدا

ونكمل بكره

+ShiMoOo

واصل قراءة الجزء التالي

الجزء ١٧ ShiMoOo

+

الحلقه ال ١٧

كبرياء اعمى

ادهم فاق والنور ضايقه قوي ..قرب الدكتور

من ادهم وطلب من الممرضه انها تقفل

الشباك وتتطفي النور

الدكتور:قفلنا الشباك والنور تقدر تفتح

عينيك

المره دي ادهم فتح عنيه

الدكتور: شايف ايه؟

ادهم: شايف؟؟؟انا مش شايف حاجه

الدكتور: امال النور ضايقك ليه؟

ادهم: معرفش مره واحده فتحت عيني

لقيت نور كتير

قرب الدكتور من ادهم وسلط كشافه

الصغير علي عنيه فغمض ادهم عينه تاني

الدكتور: انا لازم اعمل اشعه وفحوصات
..معني ان عنيك بتتضايق من النور ان في
امل ان بصرك يرجع او هو فعلا بدأ يرجع
ادهم: كفايه ارجوك..انا مش عايز اجري وري
اوهام

الدكتور: اوهام؟؟؟انت من ساعه الحادثه
سبق وضايقتك النور قبل كده؟

ادهم: لا دي اول مره

الدكتور: يعني انت متفق معايا ان في حاجه
اتغيرت وللحسن

ادهم: برضه اسف انا مش هعمل عمليات
تاني انا وعدت نفسي ان اللي فاتت دي كانت
اخر مره اوقف الناس اللي بيحبوني بره اوضه
العمليات مش هحطهم في الموقف ده تاني

الدكتور: براحتك بس كده انت غلطان

ادهم: معلىش خلىنى براحتى

ادهم عرف بعد كده من لىلى اللى حصل بىن
كرىمه وحمدى واتضايق جدا وفهم لىلى كل
حاجه وهىحاول يصالح كرىمه وحمدى

ادهم: ايه يا مرمر اخبارك ايه؟

كرىمه: انا كوىسه طول ما انت كوىس

ادهم: وانا مش كوىس طول ما انتى زعلانه
من حمدى

كرىمه: ارجوك بلاش الموضوع ده

ادهم: لا يا امى..حمدى ما عملش غير اللى
انا طلبته

كرىمه: ده برضه ما يديهوش الحق

ادهم: كنتى عايزاه يعمل ايه يعنى؟

كريمه: يعمل زي ما طول عمره بيعمل
..يقولك لأ

ادهم: هو انتي فاكهه ان انا لما بسيب حمدي
يعمل اللي في مزاجه ان انا مش هقدر اجبره؟

كريمه: طول عمره بيعارضك

ادهم: لان انا بسيبه براحتة لكن لما بطلب
حاجه بجد وعايظه ينفذها ميقدرش يقول
لأ..امي انا كنت زيك

كريمه: يعني ايه زيي؟؟

ادهم: يعني زي ما كنتي ديما بتعتبري
حمدي اخويا الصغير وتنصريه عليا حتي لو
غلطان وتقولي لي معلش علشان بس ما
يخشش بالوحده او الغربه انا كمان كنت
بعتبره اخويا الصغير واسيبه براحتة ..يلعب..
يخرج مع بنات.. يسهر براحتة.. بس لما

بطلب بجد ما يقدرش يقولي لأ. هو كان

عارف حدوده معايا

انا طلبت منه يوافق ..ممكنش ينفع اعيش لو

حصل حاجه من اللي الدكتور قال عليهم

وكان ممكن اقولك بس كنتي هتفضلي في

قلق زياده ومكنتيش هتقدري تمنعيني زي

ما حمدي ما قدرش يمنعني بس

مرضيتيش احملك فوق طاقتك

كريمه: مفيش ام بتضيق بابنها وبكره

هتجرب بنفسك لما ولي العهد يشرف

ادهم: لسه بدري علي موضوع ولي العهد ده

كريمه: بدري ايه؟ ده كلهم يجي ٦ شهور كده

ويشرف وتقولي بدري

ادهم: ٦ شهور ايه بالضبط؟ انتي بتتكلمي

عن ايه؟

كريمه: اوبا.....ليلي ما قالتلكش لسه ..طيب

هروح انا علشان ورايا.. (ادهم قاطعها)

ادهم: امي ليلي ما قالتليش ايه مخبين عني

ايه تاني؟

كريمه: لا مش مخبين بص الممرضه بتنادي

ادهم: كريمه ؟؟؟؟

كريمه: يوه بقي ..ليلي حامل وفي الشهر

الثالث اهو قلتلك ارتحت؟

ادهم اتصدم ومعرفش يرد..

كريمه: ايه مش فرحان ليه؟

ادهم:

كريمه: مالك في ايه؟ ادهم اوعي تزعل من

ليلي بسببي تاني

ادهم: لا مش هزعل من ليلي..سيبيني

لوحدي لو سمحتي

كريمه: ادهم اكيد هيا كانت هتقولك بس

مستنيه لحظه رومانسيه مثلا ولا اي حاجه

ادهم: قلتلك مش زعلان من ليلي ارجوكي

بقي

كريمه: امال مالك؟المفروض الواحد يفرح

انه هيكون اب

ادهم: افرح؟؟؟؟مراتي معرفش شكلها وده

بيقتلني كل ما اسمع كلمات اعجاب عنها

دلوقتي هيكون عندي ابن معرفش شكله

ايه؟بجد ده كتير

كريمه: كتير؟؟؟؟كتير يا ادهم انه يكون عندي

حفيد؟

ادهم: يوووه ..ديما مش بتفكري غير في

الموضوع ده

كريمه : كل ام بتفكر كده والمفروض تحمد
ربنا مش تزعل .احمد ربنا علي زوجه بتتمني
تعيش تحت رجليك.. احمد ربنا علي صحتك
اللي رجعهالك ..احمد ربنا انه هيخليك تدوق
طعم الابوه..بطل بقي تبص لى ناقصك
واستمتع باللى في ايدك بدل ما ياخده منك
كريمه قالت كلامها وسابته ومشيت وهو
فضل يفكر ويفكر وطلب الدكتور

ادهم: انا غيرت رأيي لو في امل بنسبه ١% او
اقل انى افتح عايزه بس بشرط ان الموضوع
يفضل في سرية تامه

الدكتور: اخيرا؟؟ماشي هنعمل كل حاجه في

سريه

ليلي عند ادهم وهيا مش عارفه تتكلم لان
كريمه قاتلها انها غلطت وقالت لادهم انها
حامل

ليلي: ادهم انا.....

ادهم: انتي ايه؟ خبيتي عليا ليه؟

ليلي: مكنتش عايزه اشغلك وخوفت من رده
فعلك وملقيتش وقت مناسب

ادهم: كل دي اسباب؟ ده انتي مجهزه الرد
بقي

ليلي: ارجوك ما تزعلش مني

ادهم: مش زعلان..بس هتوصفيهولي
بالتفصيل كل يوم هتوصفيه فاهمه

ليلي رمت نفسها في حضنه

ليلي: فاهمه..هزهقك وصف

كريمه سامحت حمدي ورجعو عيله جميله
تاني وبعدها ادهم طلب منهم كلهم يرجعوا
مصر ويسيبوه واصر ومحدث فيهم قدر
يغير رأيه ومحدث فيهم مقتنع ليه

كريمه: طيب خلي ليلي معاك

ادهم: قلت لأ مش عايز حد..هكمل علاجي
واجي واديكم سمعتم الدكتور قال اني بقيت
كويس

ليلي:طيب ارجع معانا كمل علاجك في مصر

ادهم: هو انا هعيد كلامي كام مره.قلت لأ
وهتسافروا كلكم وده اخر كلام عندي..

ليلي زعلت من ادهم بس في الاخر سمعوا
كلامه واستعدوا للسفر

كانو هيمشوا الفجر وبالليل ليلي نزلت
تتمشي في جنينه الفندق لان مش جيلها نوم
وزعلانه انها هتسيب ادهم

وفجأه قررت انها تروح تقضي اخر ليله معاه
وترجع قبل معاد الطياره ووصلت
المستشفي وهيا داخله لمحت سهيله داخله
المستشفي بس كدبت نفسها ودخلت
شافتها بتسأل علي اوضه ادهم ومشيت
وراها لحد ما دخلت اوضته وقفلت وراها
الباب+

+

ياتري سهيله عايزه ايه تاني من ادهم؟

ليلي هتعمل ايه؟

ادهم مشاهم ليه وايه علاقته بسهيله

وهيرجعلها ولا؟

هنعرف بكره+

+ShiMoOo

واصل قراءة الجزء التالي

الجزء ١٨ ShiMoOo

+

الحلقه ال ١٨ والاخيره

كبرياء اعمى

ليلي شافت سهيله بتدخل اوضه ادهم

ومقدرتش تستني تشوفها+

+

هتمش امتي ومشيت وطول الطريق بتكلم

في نفسها

*بعد كل ده هيرجعلها تاني؟

هو اكيد بس ..

* اكيد ايه؟ هتضحكي علي نفسك

تاني؟ طيب لما مفيش حاجه +

بيمشيكو ليه من عنده؟

اكيد عنده اسبابه

* اضحكي علي نفسك.. انتي عارفه ايه

اسبابه؟ عمره قالك +

بحبك؟ هو بس كان عايز حد جنبه؟ حد

يمسك ايدو. وانت قمتي +

بدورك وانتهي

بس انا حامل منه

* وايه يعني مش هيقدر يفتح بيتين؟

لا ادهم مش كده .. ادهم مش كده .. هفضل

احبه مش هغلط تاني +

واسيبه ولما يرجع هسأله وهي جاوبني
* اضحكي علي نفسك ..طيب ما دخلتيش
ليه عليهم؟

هتأخر علي السفر

* لا انتي خفتي لتشوفي المشهد بيتكرر تاني
قدامك ..واحد جايه+

اوضه راجل اخر الليل هتعمل ايه هاه؟فوقي

سافرو وليلي فضلت عايشه في شكوكها
وادهم اخد فتره كبيره ما+

يتصلش ولما كان بيتصل كانت بتهرب منه
وهو مش بيلح انه+

يكلمها وكل يوم تتخيل لما يرجع وفي ايد
سهيله ويقولها اسف بس+

بحبها وكل يوم تعمل سيناريو مختلف عن
رد فعلها وتقرر انها+

تمشي بس تبص لبطنها اللي بدأت تكبر
وتستني علشانه

عدي ٣ شهور

في يوم صحيت علي دوشه عاليه وصوت
عالي..صحيت وفتحت+

بابها وسمعت صوته فقفلت الباب بسرعه
ووقفت معرفتش تعمل+

ايه او هتواجهه ازاي واستنتت تسمع صوت
سهيله او ضحكتها+

العاليه ..صوت خطوات سريعه طالعه علي
السلم وكل ما الصوت+

يقرب كل ما قلبها يدق بسرعه اكثر لدرجه

حست انه هيطلع من+

صدرها..اخيرا رجع وبت لحظه المواجهه

اللحظه اللي مستنياها+

من ٣ شهور

الباب خبط

ادهم: ممكن ادخل؟

ليلي: اول مره تخبط من امتي بتستني

اقولك ادخل؟

منظره زي ماهو مفيهوش حاجه اتغيرت

نظارته السودا.. شياكته+

جاذبيته.. كل حاجه زي ما هيا حافظاها بس

مجهد شويه وخاسس+

شويه مش اكثر

ادهم كان مبسوط والفرحه باينه عليه قوي

ليلي موجوعه قوي انه+

فرحان علشان اخيرا هيخلص منها

ادهم: ايه سرحانه في ايه؟؟

ليلي: لا مش سرحانه

ادهم: طيب مفيش حمدلله علي السلامه

ليلي: حمدلله علي السلامه

ادهم: وبس كده؟ مش عايزه تقولي اي حاجه

تانيه؟

ليلي: لأ مش عايزه

ادهم: ليلي احنا لازم نتكلم .. في حاجات كتير

لازم نتكلم فيها

ليلي بتقرب وبتجهز نفسها تسمعه وهو

بيحكيلها ان جوازهم غلطه+

ويحكيها قد ايه بيحب سهيله

ليلي: ارجوك يا ادهم مالوش لازمه الكلام

ادهم: لا طبعا ليه لازمه..لازم نتكلم

ليلي: خلاص يا ادهم ..مش لازم تقولها

ليلي: مش لازم اقول ايه؟

ليلي: انا هنسحب في هدوء ومش هعملك

مشاكل وانت روحها

ليلي استنتت رد فعله وهو حاسس بالذنب

انها عارفه

ادهم باستغراب: اروح لمين؟؟

ليلي: لسهيله؟؟

ادهم: سهيله؟؟؟؟اروحها ليه؟؟وايه اللي

فكرك بيها دلوقتي؟

ليلي: انا عمري ما نسيته اعلشان افكرها...

ليلي قررت انها تتكلم واللي يحصل يحصل

ليلي: انا عارفه انها كانت معاك في

المستشفى...وعلشان كده انت +

مشيتنا علشان يصفالكم الجو

ادهم: هيا.....

قاطعته: انا شوفتها بعيني متحاولش تنكر

ادهم: هتديني فرصه اتكلم ولا هتفضلي انتي

لوك لوك لوك كثير

ليلي: اتكلم انا ساكته اهوه

ادهم: هيا فعلا جت زارتني مره واحده

ومشيت لكن ما كانتش +

معايا في المستشفى

ليلي: ارجوك يا ادهم علي الاقل خليك صريح

انت مديونلي+

بالصراحه..انا عارفه كل حاجه ادهم قرب منها

ومسك ايديها جامد وضغط عليها بكل قوته

ادهم:عارفه ايه؟ ايه الكل حاجه اللي انتي

عارفاها؟

ليلي شدت ايديها وبعدت عنه خطوه لورا

ليلي: شفتها في حضنك وسمعتك بتعترفها

بحبك

ادهم: سهيله في حضني انا؟!؟!؟!؟!؟! وكمان

سمعتيني؟

ليلي: ايوه سمعتك وايوه كانت في حضنك

ادهم: امتي ده؟؟

ليلي: يوم الحفله!!!

ادهم بابتسامه: الحفله؟؟؟اممم

ليلي:تنكر؟

ادهم: وايه كمان ؟ شفتي ايه؟ وسمعتي

ايه؟

ليلي:شفتها في حضنك وسمعتك بتقولها اد

ايه مشتاقلها واد ايه+

مستني اللحظة اللي تضمها فيها من

جديد.نسيت؟

ادهم: وعلشان كده تاني يوم هربتي؟؟

ليلي: كنت عايزني اعمل ايه؟

ادهم: تتكلمي معايا ..تسأليني..تتهميني..اي

حاجه

ليلي: وانت ما سألتنيش ليه اخدت فلوس

من امك ليه؟

ادهم: عندك حق ماشي ...بس بالنسبه

لسهيله انا ما نسيتش الحفله+

دي بس الظاهر ان اتتي اللي ناسيه

ليلي: انا؟ ناسيه ايه بقي؟

ادهم: ناسيه انا اعمي...اعمي بيشوف

بجوارحه مش بعنيه

ليلي: وده دخله ايه؟

ادهم: اقولك..الليله دي انا دخلت عندك

وكنت لابسه فستان طويل+

وحاطه برفان بريحه الياسمين كانت ريحته

حلوه قوي والمفروض+

انك كنتي لابسه الاسوره اللي فيها الجرس

صح؟ ولا ناسي حاجه

ليلي: كل ده علاقته ايه بسهيله في

حضنك؟؟؟

ادهم: اللي ضمتها واخذتها في حضني

واعترفتلها بحبي ...كانت+

انتي يا ليلي

ليلي: انت بتهزر ..دي سهيله اللي كانت...

ادهم: ايه سكتي ليه؟؟عقلك هيبدأ يشتغل

ولا هيفضل نايم في+

غباؤه...سهيله دخلت من باب الحمام اللي

بيفصل اوضنا عن+

بعض ..حاطه نفس برفاك ولا بسه اسورتك

وكانت لابسه حاجه+

طويله ليها نفس صوت فستانك وانت

ماشيه ..فهمتي ولا اكمل؟؟

ليلي افكرت لما سمعت صوت في الحمام

بس كدبت نفسها+

وافكرت كل حاجه بوضوح روبها الطويل

..الاسوره في ايديها+

وافكرت جملته " اه يا حبيبتى لو تعرفى

مشتاقلك اد ايه واد ايه كان+

نفسى اضمك تانى لصدري "

ليلي: الايدين اللي اتلفت حوالين رقبتك كنت

فاكر انها ايدى انا؟؟

ادهم: احمدك يارب بدأت تفهم

ليلي: سهيله لعبتها صح قوي

ادهم: ليلي ..ممكن كفايه كلام عن سهيله

وتقربى منى لانك+

وحشتيني فوق احتمالي

ليلي قربت منه واول ما ضمها ضحك

ليلي: بتضحك ليه؟

حط ايده علي بطنها

ادهم: لا اصلي مكنتش متخيل ان بطنك

كبرت كده

ليلي: وده مضايقتك؟

ادهم: اتني مستعده ال ٢٤ ساعه للخناق

صح؟

ليلي اتكسفت وخبث وشهها في صدره

..مسكوا ايدين بعض وسند+

راسه علي راسها

ادهم: يالله لو عند اسئله تانيه قولي..صبري

نقد واحشاني عايزك+

يا ليلي وعايز كل حاجه فيكي

ابتسمت بكسوف ولسه هيقرّب يبوسها

ليلي: بس هيا كانت معاك في

المستشفى؟؟؟؟؟

ادهم: اووف تاني يا ليلي؟؟؟ هريحك هيا فعلا

جتلي المستشفى في +

ليه سفركم بس كان علشان تتنازل عن

نصيبتها في الشركه +

ودورت علي حمدي معرفتش توصله فجتلي

انا تسلمني اوارق +

تنازلها وكلمت حمدي يديها فلوس ثمن

نصيبتها وبس ..ليلي سهيله +

كانت خطيبيتي اه لكن عمرها ما كنت

حبيبيتي ..خطبتها لان الكل +

كان متوقع ده حتي هي لكن عرفت بعدها

ان انا وهي طريقنا+

مختلف وانها متنفعش معايا وفسخت

الخطوبه..هاه في اسئله+

تانيه؟

ليلي: اه سؤال تاني

ادهم: ارحمني يارب من حصه

الاستجواب..قولي يا ستي

ليلي: ليه الجرس في الاسوره؟؟

ادهم: اه جرس البقره؟؟جيبتي منين موضوع

البقره ده؟؟؟

ليلي ضحكت واتكسفت منه

ليلي: البقرالي بيجر السواقي بيعلقوله جرس

علشان لما يقفوا+

يعرفو من صوت الجرس

ادهم بضحك: اسف ان ده اللي وصلك بس

عمري ما فكرت في +

موضوع البقر ده ولا كنت اعرفه اصلا

ليلي: امال ايه؟؟ انت كنت شاكك فيا؟؟

ادهم: ليلي اللي بيشك في مراته بيطلقها او

بيبعد عنها مش بيهاديها +

..هفهمك ليه الجرس بس ممكن بعدين؟؟

ليلي: لا عايزه اعرف

ادهم : حاضر..انا طول الوقت كنت حاسس

اني لوحدني بتخبط في +

الظلمه واكثر وقت بحس فيه بالوحده كان

بالليل ..جيببت الجرس +

لاني كنت قررت اننا ننام في اوضه واحده

وتنامي في حضني كل +

ليله والجرس كان علشان كل ما تتحركي

وانت نايمه وانا صاحي +

اسمعه فافكر نفسي ان انا مش لوحدي

وحبيبتني في حضني ..ده +

كان تفكيري

ليلي ضمته قوي: اسفه اسفه مليون مره اني

ما حاولتش اسمعك +

ولو عايزيني اعلق في رقبتني جرس البقره انا

موافقه..كنت غبيه +

لما اديتها لسهيله ادهم: الاسوره بس اللي

اتنازلتي عنها لسهيله؟ مش اتنازلت عن +

صاحبها كمان انا عايز اعرف انتي ازاي تدي

سهيله هديتي ليكي؟

ليلي: سهيله اقنعتني ان الاسوره كانت ليها

وانت بس ضيفت+

الجرس علشان بتشك فيا وانا غبيه

وصدقتها بس انت السبب انت+

اللي كنت ديما بعيد

ادهم: انتي اللي كنتي بتبعديني يا ليلي..كل

ما اقرب الاقي حاجه+

واقفه بينا ..علي العموم مش وقته مين

السبب ..المهم ان مفيش+

حاجه تقف بينا تاني

ليلي: عرفت ازاي انه مش انا اللي حضنك

وانها سهيله

ادهم: هو انا اعمي اه؟ بس مش معني ده اني

اغلط في مراتي ..+

مجرد ما ضميتها ..حسنتها كان مختلف

..نفسها ..كل حاجه+

فطردتها واخذت منها الاسوره

ادهم طلع الاسوره من جيبه وليلي لبستها

ادهم: ليلي حبييتي انا بحبك ..بحبك فوق ما

تتخيلي ..من اول لحظه+

دخلتي حياتي فيها سرقتي قلبي وعقلي

مش منظري

ليلي ضحكت لما افكرت اول مره شافته

فيها

ادهم: من اول لحظه سمعت صوتك قلبي

دق وعلشان كده خفت+

وطردتك خفت من قلبي ودقاته

ليلي معرفتش تتكلم وادهم مسك وشها

بايده وفضل يبصلها

ادهم: كنت فاكر الناس بتبالغ لما بيوصفوا

في جمالك ..بس وصفهم+

اقل بكتير من اللي تستحقه ..انت اجمل

من الصوره اللي رسمتها+

مليون مره وما شفتش ولا هشوف اجمل

منك

ليلي اتسمرت ورفعت عنيا لنظارتها السوداء

ومدت ايديها وخلعتها+

من وشه ولاول مره تشوف لمعان عنيه

وهيا بتنطق بالحب+

وعجزت عن النطق بس عنيها كانت بتتكلم
فرد علي استلتها اللي +

مستلهاش

ادهم: ايوه يا ليلي انا شايفك وعلشان كده
اصريت تمشوا لاني +

مكنتش عايز اديكم امل لو العمليه فشلت ..

فرحة ليلي برجوع ادهم ورجوه بصره كانت
اقوي منها فكانت +

دموعها نازله ومش عارفه تتكلم ضمها ادهم
وفضل يبوس فيها +

وهيا ساكته

ادهم: عايز اسمعها منك يا ليلي قولها

ليلي: بحبك يا ادهم؟؟ حبيتك علي طول

وهفضل احبك

ادهم: طول الوقت كنتي بتحبيني حتي لما

كنت غبي؟

ليلي: حتي لما كنت غبي كنت بحبك اكثر

..حتي لما شفتك مع +

سهيله برضه فضلت احبك..بس انا عندي

سؤال اخير

ادهم: انا هروح لامى سلام

ليلي: استني اوعدك مش هسأل تاني

ادهم: اخر سؤال؟قولي

ليلي: انت فعلا كنت مصدق اني اتجوزتك

علشان فلوسك؟؟؟

ادهم ابتسم: ولا لحظه عرفت اصدق..كنت

كاره الدنيا وكنت عايز+

الوم اي حد واتي كنتي بين ايديا وانا مهما

اقولك اني ندمان علي+

كل مره زعلتك فيها مش هوفي حقك واسف

علي كل حاجه عملتها+

معاكي ..بس مش اسف علي الليله اللي

قضيتها في حزنك انا+

جيتلك الليله دي مليون كره وغضب

وسيبتك مليون حب وامل

ليلي: كنت بتحبني ساعتها؟؟؟

ادهم: ليلي انا بحبك من اول ما دخلتي

حياتي بس كان كبيراء+

اعمي زي صاحبه

ليلي: مش انت لوحذك اللي كنت

اعمي..ادهم قولي تاني انك+

بتحبني

ادهم: بحبك بحبك بحبك وهفضل اقولهاالك

لحد ما تزهقي منها

ليلي: ولو مزهقتش

ادهم: هفضل اقولها

ليلي: ممكن اطلب منك طلب؟

ادهم: طلب واحد بس انت شاوري

ليلي: ممكن تنام في الاوضه التانيه لحد ما

نسافر

ادهم: نعم يا اختي؟؟؟ليه بقي ان شاء الله؟

ليلي: علشان الطريقه اللي بتبصلي بيها

دلوقتي

ادهم: انهي طريقه؟؟

ليلي: بتحسسنني اني واقفه عريانه قدامك

ادهم ابتسم: مش بايدي ... انا اول مره
اشوفك يا ليلي وعايذ اشبع +

منك ... سوري لو نظراتي بتضايقك بس
اعمل ايه محروم بقي

ليلي: وعلشان كده بقولك نأجل اي حاجه
كام يوم لحد ما اخذ عليك

ادهم: تاخدي عليا ايه يا ليلي؟؟؟ احنا
متجوزين من امتي؟؟؟ ده +

انتي حامل يا ليلي

ليلي: الوضع بقي مختلف الاول ما كنتش
بتحاصرني كده بعنيك

ادهم: ودلوقتي عنيا مضايقاكي

ليلي: مش مضايقاني بس مش واخده عليها

ادهم: خلاص براحتك ..انا هنام هنا ..انت

عايزه تمشي امشي+

وسيبني لوحدي (عمل تكشيره مزيفه علي

وشهه)

ليلي: انا مش عايزاك تزعل مني

ادهم: وانا مش زعلان امشي يالا

بصلها بكل الحب اللي جواه وهيا حسنت انها

اتربطت في مكانها+

ومقدرتش حتي تشيل عنيا من عنيه

وفجأه من غير مقدمات في+

نفس اللحظه هما الاتنين قربوا لبعض

واتقابلت شفايفهم في قبله+

طويله جدا.. قبله مليانه حرمان وشوق

ولهفه وعطش للحب

اخيرا شد نفسه بعيد عنها وهو بينهج
ادهم: ليلي لو عايزه تمشي امشي دلوقتي
لان بعد كده مش هقدر+

اسيبك

ليلي: ولو مش عايزه امشي؟؟
هنا ليلي سكتت وختت جوزها يتكلم
بطريقة .. يتكلم بلغه ما+
يفهمهاش غير العشاق "لغه الحب" واخيرا
بدأ يطفى نار جواه من+
زمن واخيرا هيعرف يقري المكتوب في عنياها
واخيرا هيعيش+

معها الحب اللي اتمناه

ادهم وليلي في حضنه بعد كام ساعه

ادهم: ايه رأيك في شهر غسل متأخر؟

ليلي: شهر عسل وانا حامل؟؟؟اممممم؟؟

ادهم: اممممم؟افهم منها ايه؟ مش عايزه

تكوني في مكان معايا+

لوحدنا وبس ..وبعدين لو اتأجل مش هنعرف

نكون لوحدنا هيكون+

هبظلم معانا وبصراحه مش عايز شريك في

شهر العسل

ليلي: انا ابني يبقي هبظلم؟

ادهم: اه وانتي ام هبظلم

ضحكوا الاتنين

ليلي: موافقه بس انا اختار مكان شهر

العسل

ادهم: لا يا ليلي انا اخترت خلاص المكان

وجهزته

ليلي: ده علي اساس اني همشي وراك

وخلص

ادهم: مش بقولك استعداد دائم للخناق؟

ليلي: لا علي فكره انا مش بحب الخناق دي

هرمونات حمل

ادهم: ماشي. همشيها هرمونات حمل

ليلي: خلاص اختار انت المكان وانا هوافق

علشان بس انت لسه+

طاله من فتره نأهه

ادهم: نأهه؟؟ اسمها نقاهه ..المهم عايزه

تعرفي هنروح فين

ليلي: اي مكان معاك ..

ادهم: هنروح الشاليه في الغردقه علشان

هموت واشوف المنظر+

اللي كان هيجننك

ليلي ضحكت بصوتها كله

ادهم: انتي كنتي عايزاني نروح فين هوديكي

المكان اللي انتي +

عايزاه

ليلي: كنت عايزاك تشوف المنظر اللي كان

مجني

ضحكوا الاتنين علي افكارهم المتشابه

وابتدت بينهم قصه جميله

قصه حب واتحاد قلوبين ..

قلوبين صمموا انهم يواجهو كل حاجه تقابلهم

وانه مهما حصل +

محدث فيهم يخبي حاجه عن الثاني لانهم

استوعبوا الدرس كويس +

ولان كبرياؤهم المفروض يكون واحد مش
اتنين...

اه بالنسبه لحمدي اتعرف علي مهندسه في
الشركه جديده مليون+

حماس وجميله او هو شايفها جميله وعرف
معني الحب الحقيقي+

وقدر يفرق بين حب الاخت زي ليلي وحب
الحبيبه وادهم عملو+

فرح من اجمل ما يكون ..

كريمه بطلت تتدخل بين ادهم وليلي
واستلمت حفيدها وكانت+

بتتدخل في كل شيء يخصه وبتمشي كلامها
علي ادهم وليلي+

ومحدث فيهم بيقدر يعارضها...

وخلصت حكايتنا اتمني انها تكون

عجبتكم؟!+

ShiMoOo